

酌中志自序

累臣若愚死罪死罪叩首叩首洪惟我太祖奮興維甸  
混一華夏聖德神功超軼萬古創交近侍官員之律禁  
扶同奏啟之條立法垂統至嚴且密矣迨宣廟建內書  
堂則內官不許識字之禁不得不開然而累臣今日敢  
曰立言也乎顧名節所關又寧容以無言也謹以見聞  
最真庶可傳信匡郭已粗備愈于求諸野如立阻孫宗  
伯爰立者的是東光護法恐宗伯來重宣君父大義波  
及靈露飲耳許大題目誰其知之先帝在天能無恫乎  
言之可為痛哭知之安忍不言愧黔技止此未敢侈為



NATIONAL CENTRAL LIBRARY, TAIWAN, R.O.C.



完書而知我罪我後世自有公論總臣子大義在若愚  
不忍終默者也按皇城中舊制凡內臣奏事稱呼列聖  
則某年號老爺今上則萬歲爺若愚既已失身中涓焉  
敢沒其口昭文章家必笑其俚在史家自存其質也假  
我數年當有可觀茲畧具二十三篇以備遺志其累臣  
本末詳自叙篇中伏惟神廟慎重冊立東宮之典加以  
靜攝多年地天不交上下睽隔門名滋克母之疑臣下  
擇宛枯之集幸祖宗培養者厚國有人焉清議愈重或  
寄之講學或托之纂言無非以祀人之憂明綱常之義  
關心性淑世道蓋總從國本生民起見非有所希覲後

敦復齋藏書

福念也乃傾危者藉此害正人幸主讞者擔當而弭大  
患不意葛藤之萌已先滋蔓遂令玄黃之戰于廟堂者  
剝斷元氣憂未艾焉謹叙憂危竑議前紀第一後紀第  
二淑媛之選廣嗣胤也誕而始封部擬未妥神廟御簡  
而後定此益見神廟事事之必法祖熹廟臨御七載今  
上入紹丕基大聖人世不間出真非偶然有君無臣之  
歎中外共一口焉恭紀熹廟誕生第三今上瑞徵第四  
累臣若愚內小臣耳外之輔弼凝承槩不敢知內之印  
廠徽猷芳躅具在登記垂範豈異人任謹叙三朝典禮  
之臣第五上帝好生聖人惡殺刑獄之設實懲一以警

百創艾以求生求之不得斯死者與生者兩無憾也非一觸法網便終可盡殺者焉叙大審平反第六先臣陳太監矩勳業著于朝端口碑編于區宇若愚不才實侍左右所生之忝萬死猶慚憶其懿徽嘉猷安忍湮沒而不彰也謹紀先監遺事第七洪水之患襄山襄陵猛火之威燎原焦野逆臣客氏毒機久于醞釀首禍中于椒闈又何有于宦寺又何有于士紳哉撫卷傷心揮毫淚下謹紀兩朝椒難第八鏡明必為醜婦所羞繩直實來曲木之忌唐五王之禍今乃見于貂璫謹叙正監蒙難第九五侯之禍張禹佞也梁冀之橫胡廣媚也鄙夫哉

敦復齋藏書

體乾誰握印權而養亂庇奸既脅肩諂笑固位八年又黃白買命牖下苟安追想甲乙丙丁縉紳之禍誰助之耶總之老死不知有何顏面對越先帝之靈于在天叙逆賢擅政第十非表裡何以具衣非塤篪無以成樂向無沈灌魏廣微種毒于前崔呈秀等肆狼于後逆賢蚩蚩總掌東廠而外廷曲折亦不能盡知即不過欲報已一二私仇然實自三案之先發有人以教猱假手也是以李可灼之後身無人敢指摘也叙外來線索第十一衙門雖有內外之殊官吏各具尊卑之體彼時宮壺之中不止一人貴顯而一家之中又不止一耳一目今外

則網漏吞舟內則桃僵李代且殷良弼丁紹呂侍高公  
矣苗全侍宋公矣張國寧侍金公矣陳應祥吳有兆賈  
如皋侍王公矣活口公論可盡掩即叙各家經管第十  
二文書房猶外之通政司也又如六科也掌印秉筆各  
家經手內官即內閣六卿之親近掾吏而已也外來密  
帖下人焉能盡知主人推馱在傍誰敢輕重身不敢出  
宮門何由而知外事且耳目多弊不能多作也活口在  
敢甘心面質也叙本章經手次第第十三禎祥之發必  
有先之妖孽之來必有基之江京主聖非偶然也叙客  
魏始末第十四鈎黨之禍十常侍也劉瑾八黨六賊附

敦復齋藏書

焉吁嗟乎張永吁嗟乎蕭敬亦曾不幸墮落其間今在  
羽翼逆賢尤繁文則永貞元雅文輔鼎峙樞權武則應  
坤九思良輔分鎮北南親近則良臣明佐永明秉公等  
日侍御前內臣便覽刊列昭然廢陞弟姪部案存焉叙  
逆賢脅從第十五不盡職曰曠官也出其位曰侵官也  
觚哉之嘆頗多存羊之心堪涕叙內臣職掌第十六千  
門萬戶漢唐麗也茅茨土階唐虞質也若夫不侈不陋  
允協厥中惟我祖宗制度光明叙大內規制第十七重  
農功者修耒耜操爐鞴者惜鉗錘小技猶然况在聖學  
不有所式後何賴即叙內府板經書第十八左氏譏子

威之冠漢人珍仲尼之履衣佩之間吉凶攸兆盛德之  
容非無涉也叙內臣佩服第十九御黨著飲食之詳左  
傳垂汎祭之誚飢渴之于人亦大矣然在內臣習染素  
異叙飲食好尚第二十河套失而全陝之形勝單虛遼  
陽棄而東西之聲援頓隔恢復之舉端在後人惜哉曾  
銑懲羹吹瀝世俗恒情馴至于今更堪搔掌叙遼左棄  
地第二十一逆案所載之外臣無論已自逆賢以下共  
三十有六人貴賤貧富各有公評遠近親疎耳目難掩  
在體乾欲泯其附黨之跡而楊維垣霍維華脫卸之疏  
入矣高印公利令智昏聽讒滅理而熒熒若愚拔之前

敦復齋藏書

列矣上下其手成心故入豈累臣一介性命不足于天  
地之和當聖明解網泣罪之朝豈宜有飛寃致旱之枉  
百世而下寧不令弔古者笑秉鈞司禮之非其人哉有  
兔爰爰雉罹于羅若愚之謂也附累臣自叙第二十三

酌中志目次

憂危竑議前記第一

憂危竑議後記第二

先帝誕生第三

今上瑞徵第四

三朝典禮紀畧第五

大審平反紀畧第六

先監遺事紀畧第七

兩朝椒難紀畧第八

正監蒙難紀畧第九

欽定四庫全書

卷一

NATIONAL CENTRAL LIBRARY, TAIWAN, R.O.C.

敦復齋藏書

逆賢亂政紀畧第十

外廷線索紀畧第十一

各家經營紀畧第十二

本章經手次第第十三

客魏始末紀畧第十四

逆賢羽翼紀畧第十五

內臣衙門職掌第十六

火內規制紀畧第十七

內板經書紀畧第十八

內臣服佩紀畧第十九

敦復齋藏書

飲食好尚紀畧第二十

遼左棄地紀畧第二十一

見闡瑣事紀畧第二十二

纍臣自叙畧節第二十三

酌中志目次終

目次

二

雅最契厚者至戊戌秋科臣戴士衡撰閩鑑圖說跋一篇標曰憂危竑議以呂曾具憂危之疏故拈為發端仍于叅呂疏內明稱呂某假托此書以包藏禍心云云幸荷神廟聖度如天將士衡薄懲結局至癸卯春復有妖書國本攸關標名曰續憂危竑議暗行傳布致激聖怒朝野震驚夫此續竑議也或史館亦不曾具有全文士紳僅聞其名實不能覩原書為何等語也前竑議也曾經戚臣鄭承恩刊布頗有見者然後人只知續議為臣下水火之端竟不曉戊戌年間已公然顯露矣至今讀之者無不魂驚髮豎愈見神廟聖度真如海嶽之巖坳納

敦復齋藏書

污靡不包容者也惟閩範圍說實係先臣矩自間坊購進與呂無與累臣侍先臣之側每見追論此事即愀然嘆曰外廷揣擬者多大家說夢志在求勝朋擠異已雖誣及宮闈所不惜也云云則是將一清平世界化為戈矛角鬪之場誰作厲階至今為梗懷遠識達國體者心竊憂之非一日也夫宗社大計莫重于冊立東宮史乘所需惟責于明白確實累臣世受國恩留心採聽密為纂輯不覺盈帙謹將鄭戚晚之辨寃續言並繳生光之續憂危竑議冠之篇首以備主持國是留心史乘者採焉鄭戚晚辨寃言序畧聖王建極明倫敦仁洽愛日名



皇長子皇三子皇五子朝暮膝下課業程學耳提面命父子熙熙兄弟怡怡天倫至愛超軼千古握管諸臣方且贊揚之不暇矣胡戴樊二公乃敢構此離間之謀造刻飛書謀危社稷暗投中外二公豈病狂喪心者耶夫利令智昏理為勢奪既有所受必有所恃以故公議不恤法典可藐翌日竒勲誰敢出其右此所以甘心隱忍而樂為之黨也皇長子天性仁孝昔因各部大臣之請聖主乃出御札云安有父子無親之理又安有越序亂分之理大哉皇言斯札一出羣議遂解名分已定今跋中乃云易儲逆謀其敢蔑視明主媒孽宮闈抑何慘哉佛

敦復齋藏書

盼何君南子何行即中主里婦尚且羞稱今跋中所指直比聖上貴妃是何敢于無君一至此哉貴妃重刊閨範實由皇上所賜承流宣教靡敢僭越今跋中乃云置太后中宮于何地此其意不離間三宮構成竒禍不止也呂坤刻閨範在于萬曆十八年十月戊子日貴妃重刻在于二十三年七月十五日大內之灾在于二十四年三月初九日先後不同歲月亦異今跋中乃云事機值會中宮減膳即此一事則明出誣罔可知矣且爾汝之稱朋友勿屑今乃云冊立之請一曰歸此一曰歸彼此彼此之言予不知所指為誰弁髦共主扇搖國是莫此

為大若夫金龍命書尤為不道之甚呂雖愚<sub>至</sub>諫不敢  
輕為品題今跋中乃直云呂坤所進又曰內廷盛覩見  
者縮舌由此言之則必曾經御覽明傳中外者則坤之  
罪固不容誅不然則其書必出土衡之手陽為陷坤陰  
害貴妃君父之前敢為說謊何傾陷之若是也子糾建  
成當爭國之時管仲魏徵有事仇之恥皆值不幸之甚  
遭人倫之變者也今上有聖慈之父下有仁孝之子長  
幼分明兄弟無故此何等時也今跋中妄自引喻出此  
悖逆不祥之語以竦動人心眩惑主聽是誠何心哉且  
主上乾剛獨斷鼎命時隆為人臣子者祝頌宜何如今

敦復齋藏書

跋中乃敢云唐闕執命宋奸弄權以促國短祚之事直  
說君父是不知視皇上為何如主期皇上以何等壽也  
毀謗詛咒幸福樂災天理人倫刻滅盡矣國家何負于  
士衡乃忍至于是耶予意以見疏不見跋則屈不能伸  
見跋不見序則冤不能白謹將原序原跋原疏類為一  
冊名曰辨冤續言高明君子一加參閱則是非辨自洞  
然矣時萬曆戊戌年仲夏吉日順天府大興縣人鄭承  
恩謹序大明皇貴妃鄭重刻閨範序常聞閨門者萬化  
之原自古帝明王咸慎重之子賦性不敏幼承母師之  
訓時誦詩書之言及其十有五年躬逢聖母廣嗣之恩

遂備九嬪之選恪執巾櫛荷蒙帝眷誕育三王暨諸公主漸叨皇號愧無圖報微功前因儲位久懸脫簪待罪幸賴乾剛獨斷出閣講學天人共悅疑議盡解益自勤勵侍御少暇則敬捧我慈聖皇太后女鑒莊誦劾法夙夜兢兢且時聆我皇上諄諄訓誨以帝鑑圖說與凡勸戒諸書庶幾勉修厥德以肅宮闈尤思正己宜正人齊家當治國欲推廣是心公諸天下求其明白易簡足為明法者近得呂氏<sub>中</sub>閨範一書是也首列四子五經旁及百家諸子上溯唐虞三代下迄漢宋我朝賢后哲妃貞婦烈女不一而足嘉言善行照耀簡編清風高節爭光

敦復齋藏書

日月真所謂扶持綱常砥礪名節羽翼王化者是已然且一人繪一圖一圖叙一事一事附一贊事核言直理明辭約真閨壺之箴鑑也然雖不敢上擬仁孝之女誡章聖之女訓藉令繼是編並傳亦庶乎繼述之一事也獨惜傳布未廣激勸有遺願出宮資命官重梓頒布中外永作法程嗟嗟予昔覩河南飢民圖則捐金賑濟今觀閨範圖則用廣教言無非欲民不失其教與養耳斯世斯民有能觀感興起毅然以往哲自勵則是圖之刻不為徒矣因叙厥旨以冠篇端閨鑑圖說跋<sub>標名憂</sub>東<sub>危</sub>吉得閨鑑圖說讀之嘆曰呂先生為此書也雖無易儲

之謀不幸其有迹矣一念之差情固可原或曰呂素講正學稱曲謹胡恂輒與逆謀曰君知其一未知其二昔呂欲得銓部以行道誠恐繡水捷足勢迫無奈遂諾鯁生之計邈內禁之援出門有功詩書發塚未嘗不出于正也或曰呂意廣風化胡不將此書明進朝廷頒行內外乃戚畹豈不失體曰孔子聖人也佛胎應召南子請見志在行道豈得為屈或曰呂序中直擬繼述先朝母后置太后中宮于何地且稱脫簪勸講母乃巧為媚乎曰公言誤矣曾見從古以來有宮闈與見任大臣刻書者乎破格之恩良厚矣恩厚則報斯隆身為大臣

敦復齋藏書

胡恂自處以薄或曰序中又引先朝女誡女訓彼乃母后臨子儒臣纂編茲相比擬得無不倫曰尊稱不及恐取信不篤但求內教弘宣又何計較及此或曰古今賢貴妃多矣胡圖說獨取漢明德一后明德言行多矣胡圖說首載由貴人進位中宮曰呂先生自辨精矣明德無子故以取之若進中宮偶然相類彼誠何心哉且彼時大內被災中宮減膳以妃進后事機將成呂乘此時進亦值其會耳或曰五十寶鏹四足綵幣十目所視胡為而來曰此賢妃敬賢之禮卻之不恭是當諒其心矣或曰人謂呂因敗露難容乃上憂危一疏號泣朝門無

乃欲蓋彌彰曰憂危一疏人稱忠肝義膽况此一副淚  
何可遽得是安得而少諸或曰國本安危寧踰太子竊  
見憂危疏中列天下事備矣胡獨缺此曰公何見之晚  
邪夫人意有所專則語有所忌倘明奏冊立將屬之誰  
若歸此則前功盡棄歸彼則後患自招何若不言之愈  
也或曰固矣聞呂所進金龍命書稱在長之命不過清  
淡藩王稱在三之命異日太平天子今內廷盛觀縮舌  
是亦不可以已乎曰管仲魏徵天下才也子糾建成均  
號國裔人各有見子何責備太苛或曰呂之為此本謀  
銓部行道今銓部不可得司寇不能安不終付浩歎乎

敦復齋藏書

曰有是哉子之迂也夫有非常之人斯有非常之事今  
古成則王敗則盜者何限豈宜以成敗論英雄哉流芳  
遺臭斷非凡庸卑鄙能為况事尚未定策國元勳終有  
召起之日矣或曰呂之為此人皆薄之子獨與之何也  
曰子真井蛙見矣當世名人皆張公養蒙劉公道亨魏  
公允貞鄭公承恩鄧公光祚洪公其道程公紹白公所  
知薛公亨皆稱呂所見極高所舉極當咸舉春秋大義  
子以母貴之說共建社稷奇勲夫唐闕執命天子門生  
宋奸弄權神器宵易今盟約已定羽翼已成子韋布之  
士豈知國家大計宜從此三緘無自取禍可也余故曰

呂先生為此書特其一念之差情固可原也或人不能  
難唯唯而退因援筆記之燕山朱東吉頓首跋錦衣衛  
帶俸都指揮使鄭國恭親伯鄭承恩保順天府大興縣  
民謹奏為懇乞聖慈亟舉東宮冠婚大典以消群疑以  
隆萬世治安事臣本一介草茅仰荷聖恩忝居戚末曩  
因儲位久虛遂不自揣乃敢冒死瀆奏荷蒙皇上天恩  
不即加臣誅戮姑奪衣巾為民臣自今以往之年皆聖  
上再造之恩臣之一念愚衷雖剖心碎首惟願我皇上  
亟行令典上慰祖宗在天之靈下遂四海臣民之望天  
下萬世孰不仰頌我皇上為人倫之至哉臣今戴罪六

敦復齋藏書

年于茲日夜望此舉久矣今皇長子年已十有七齡睿  
智性成仁孝恭敬以其時考之則青宮宜毓冠婚宜舉  
即此亟行尚以為晚矣臣近聞閣部大臣暨九卿科道  
合疏上請猶未蒙聖上俞允以故人心疑惑外論沸騰  
如科臣戴士衡叅論呂坤本內則曰假托閹範圍說包  
藏禍心臣一見斯言幾至驚死夫閹範圍說乃皇貴妃  
頒自內府仰承聖母徽音之懿上體皇上刑于之化重  
加再叙以彰夙教其年月日時自不相同士衡豈目不  
知書安得直指為呂坤者哉第機雖未露語尚含糊無  
已則士衡知奸謀未遂乃結交權奸又造刻憂危竑議

一書內云閨範圍說暗授士大夫傳布中外言雖譏坤語實非聖其詞深其言激無非欲離間我皇上父子夫婦兄弟之天性煽惑人心謀危社稷種成後日之隱禍以收一己之奇功耳其奸謀詭計臣不能盡闡姑指其現在可証一二事言之今聖主當陽宮禁嚴肅誰敢私交士衡跋中乃云五十寶鏹四足綵幣此賢妃敬賢之禮且曰十目所視夫十目則非一人所視必有真見士衡既云如此皇上試一詰問之僞者為誰受者為誰見者為誰果有其人則士衡之言為是不然則是宮禁可誣是而可恣孰不可恣士衡跋中又云臣與張養蒙

敦復齋藏書

劉道亨魏允貞鄧光祚洪其道程紹白所知薛亨呂坤承恩共十人咸舉春秋大義子以母貴之說共建社稷奇勳盟約既定羽翼已成請詳言之夫此十人鄉貫不同科第不一官守不齊又一人未會識面胡能插盟定約相聚一時期會一處以掩人之耳目哉今九人現在皇上可名問之則其事之有無自難掩飾此不過其大畧耳其間穢語詈詞不一而足至于金龍命書非特臣子之所不敢言抑亦臣子所不忍言者仰乞聖鑒電察則士衡之罪自有不容于死者矣今其書幸存謹隨本附進御覽又如全椒知縣樊玉衡疏內直指皇上為不

慈皇長子為不孝皇貴北為不智嗟嗟是何慢無忌憚輒  
敢出此誹謗之言一至于此夫玉衡特遠臣耳胡為構  
此大逆之言意必為士衡之黨有大奸大權以主使于  
其間者此事滿朝盡知但畏投鼠忌器之嫌不敢為皇  
上言之耳然事關宗社禍及臣家臣安得不瀝血誠以  
哀鳴于君父之前哉及此不舉臣恐震位久懸桃夭失  
候誠為聖朝闕典甚非四海臣民仰望之心臣又恐奸  
謀乘釁訛言盡興肆謀貽禍莫知所終者臣家革命滅  
族可甘如宗廟社稷何伏乞皇上帝奮乾剛俯從羣諫  
早建皇長子東宮速舉冠婚之典仍望皇上追問戴士

敦復齋藏書

衡樊玉衡造書主意與主使黨惡之人其處分一惟聖  
裁則宗社衍無疆之慶子孫隆億萬之休讒言可息禍  
萌可杜國朝幸甚臣家幸甚臣萬不得已方敢冒死上  
干天聽臣不勝戰慄悚懼待罪之至萬曆二十六年五  
月十五日具奏奉聖旨閨範圍說是朕付與皇貴妃所  
看朕因見其書中大畧與女鑑一書辭旨彷彿以備朝  
夕覽閱戴士衡字這斯每以私恨之仇結黨造書妄指宮  
禁干撓大典惑世誣人好生可惡此事朕已洞知不必  
深辨欽此累臣若愚曰萬曆辛丑秋累臣初入皇城在  
先臣陳太監矩直房供筆硯之後見室中封一箱甚密



其後因御前查取其事故箱視之則收此辨寃續言一冊并姚思仁所進開採圖說雒于仁酒色財氣四箴抄疏貴州開礦抽稅內臣張慶勅書一道大倉考功臣封爵考等書及詭名刑部觀政進士胡道行建言抄報以至先監秉筆掌東廠未行事件及後掌司禮監印累年陸續諫止未行密稿等件俱于丁未年十二月內先監卒時經管官馬鑑師明苗全及累臣若愚眼同簡點俱進繳神廟御前此續言既刊布京中多有見者謹照今<sup>之標頭</sup>款式<sup>之標頭</sup>弁之篇首按憂危竑議偶將範字誤刊作鑑字今仍其舊以識真耳惜呂公坤為中州大儒具經世寔用

敦復齋藏書

之學未竟厥施豈天之靳正人之設施哉何兩衡嘗議至此也萬曆二十九年以後凡欽降官員揭帖兩衡姓名實在前列至熹廟天啟元年閏二月贈坤刑部尚書廕一子入監讀書

憂危竑議前紀第一


憂危竑議前紀

十一



國家圖書館, NATIONAL CENTRAL LIBRARY, TAIWAN, R.O.C.

敦復齋藏書



憂危竑議後紀第二

萬曆三十一年十一月十二日提督東廠太監陳矩奏

稱辦事蔣臣等訪得國本攸關刊書一本封進聖覽國

本攸關

本書用缸連紙印皮面續憂危竑議本書第一

是此或有問于鄭福成曰今天下太平國本已固無復

可憂無復可慮矣而先生常不豫何也鄭福成曰是何

言哉今之事勢正賈生所謂厝火積薪之時也或曰亦

太甚矣先生之言也今之事勢得無謂儲宮有未安乎曰

然夫東宮有東宮之官一官不備何以稱乎皇上迫于

沈相公之請不得已立之而從官不備正所以寓他日

改易之意也曰改立誰其當之曰福王矣大率母愛者子抱鄭貴妃之專權回天轉日何難哉曰何以知之曰以用朱相公知之夫在朝在野固不乏人而必相朱者蓋朱名膺膺者更也所以寓他日更易之意也曰是固然矣朱公一人安能盡得衆心而必無變亂乎曰陋哉斯言矣夫蟻集羶繩逐臭今之仕宦者皆是豈有相公倡之而衆不附者乎且均是子也長可立而次未必不可立也侯之門仁義存誰肯舍富貴而趨死亡乎或曰衆附姓名可得數否曰余數之熟矣文則有王公世楊孫公偉李公汶張公養志武則有王公之楨陳公汝忠

敦復齋藏書

王公名世王公承恩鄭公國賢而又有鄭貴妃主之于內此之謂十亂魯論所謂有婦人焉九人而已正合文王舍伯邑考而立武王之意也曰然則何以知此數人之所為乎曰數公皆人傑無不望分茅胙土如姚廣孝豈止富貴終其身而已乎故有王世楊陳汝忠則靖難之兵取諸京營而自足矣有李汶則三邊險要有人控之矣有孫偉于保定則扼天下之咽喉四方勤王之兵無由至矣有王之楨則宿衛禁城有誰人能斬關而入乎曰是固然矣若張養志王承恩王名世者何欤曰養志朱公私人也而二王者則朱公之鄉人也私人鄉人

無不願借相公之餘光者况有以招徠之手曰然則事可濟乎曰必濟庸人倡議人尚景從而此數公皆人傑也且復有鄭妃與陳矩朝夕比周于帝前以為之主共舉大事何謂無成或曰蛟門公獨無言乎曰蛟門公為人陰賊嘗用人而不用於人故有福已自承之有禍則規避而不染何以見其然也夫錦衣衛西司房類奏有名祖宗來無有不陞者而皇親王道化本內有名竟不陞豈其才力出諸萊傭下哉蓋沈相公欲右鄭而左王故覈寔之時令親家史豈欽抑其功而不錄亦王之積有以默授之也曰然子何以處此曰天之所興不可廢

敦復齋藏書

也天之所廢不可興也余止聽天耳安能反天乎或人唯唯而退萬曆三十一年吏科給事中項應祥撰四川道御史喬應甲書御批奏帖後本內有名王公名世王公承恩不知是何人今現做何官可開寫來欵此一件辦事蔣臣等密訪得王公名世係錦衣衛正千戶見任驚駕庫掌庫王公承恩係錦衣衛副千戶見任本衛街道房掌房御批我想憂危竑議後有名無名張位怎麼打發了作速查寫來看欵此矩回奏云謹遵聖旨恍惚記得憂危竑議後有朱東吉一個名字彼時也曾密訪係是說名張位是為東事打發去未知是否待查明具

奏至十一月十五日欽差提督東廠官較辦事司禮監  
太監陳矩謹題為奸人妄捏印書搖動國本等事內稱  
本月十二日據辦事蔣臣等訪得國本攸關一書本內  
續憂危竑議立意叵測不意陷害忠良且誣累君德其  
捏陷內外臣工聖明自有洞燭臣不敢煩聒瀆擾除本  
廠分布旗較在于京城內外訪拏去後仍乞勅下在京  
巡緝在外撫按等官密切訪拏等因奉聖旨這奸徒捏  
造妖書離間朕宮闈天性以至朝廷內外臣僚悉被傾  
陷蓄意大逆深可痛恨爾宜多布旗較用心密切訪拏  
還着在京各該緝事衙門及在外各省直撫按通行嚴

敦復齋藏書

捕務在必獲以慰朕心不許怠緩縱息法司即便立賞  
格與他欽此本日司禮監太監臣陳矩復具疏告辭奉  
聖旨奸書恣為誹謗離間宮闈骨肉之情大逆不道朕  
尚被其誣枉何況于爾爾掌管廠事正宜竭忠秉誠奮  
力殫討必得真正罪人為主雪寃方是報國大義豈可輕  
執小節先求休致反使奸計得肆成何政體宜即照舊  
安心辦事不准辭有能告捕真正奸逆之人破常格叙  
賞爾可鼓舞衆心必獲毋懈諛衙門知道欽此斯時也  
神廟震怒憤懣四明沈相公一貫山陰朱相公慶咸為  
書上有名各註籍具疏只有歸德沈相公鯉入閣擬此

二旨者歸德沈相公筆也<sup>三</sup>十六日又奉御批聖旨我觀爾奏已知道了但恐此事本犯有妨緝拏爾還嚴責官較差役用心密切訪拏務得真正逆犯方絕禍源以雪我屈恨總消得爾宜知悉又賞格我問的是今日着法司立的賞格又二輔鯉見此本怎麼說你可訪來外邊府部院各有何事情又今日着回話的二官無聽見說甚麼欽此當時用黃套裝盛先監矩面奏進繳訖本犯者周嘉慶也二官者東廠貼理刑閔萬民萬代增也又御批聖旨你可看此二本二帖是某做的可見其心本是先一次帖是後一次帖你看了還着紅本夾進來不

敦復齋藏書

必使封套自家拏來勿托官兒們欽此亦用黃套裝盛先矩監面奏進繳訖同上一宗俱語秘不得聞遂不曉是何人之本帖上何等語也是時訛言沸興街坊酒肆無敢偶語夜會者惟妖書內有名之人各思報復猜忖此書必是素有嫌怨者所作自歸德沈相公以下凡任朝望者<sup>重</sup>妖書無名之人即有人耳而目之歸德沈相公又曾于內閣供設天啟聖聰牌位入則禮之今妖書又獨無名姓是以神廟聖意亦頗為蜚語所惑幸先監矩中立主持苦心調劑不數日而錦衣衛百戶崔德緝得繳生光矣又一日而東廠辦事王一鵬緝得繳生彩矣

按皦生光原順天府學生員也先年曾詐包拯志以害鄭皇親捏其名印造妖詩云五色龍文炤碧天識書特地湧祥烟定知鄭主承黃屋願獻金錢壽御前其下曰松風狂客題又跋曰臣偶從郊外貴家莊舍得前詩讀畢忽痛哭失聲左右驚覺奪去臣歸嘆曰渠家陰謀羽翼成矣獨訪所謂松風狂客者為誰則豪商包拯志也包氏握鏹資寶金明以金錢行間語曰臣防容蟻而漂邑殺人突洩一煙而赫盧燒積則皇長子危乎哉凡我臣子誰不疾首故直書之或散其黨云右俱生光自撰自跋如此刊板印帖鄭皇親門首及各巷口以恣詐害當

敦復齋藏書

時光廟尚未膺冊立所以稱皇長子也事發革衣巾擬戍大同崔德又于生光室內摻得羅文藍箋寫十大說其詞曰皦揚爾忘之耶爾有大志不獲而乃規規于小願乎爾有大名見污而乃規規于小聞乎爾有大冤不白而乃規規于小侮乎爾有大仇不報而乃規規于小忿乎爾有大恩未償而乃規規于小惠乎爾有大寶受誑而乃規規于小失乎爾有大游不暢而乃規規于小方乎爾有大忠可傷而乃規規于小謹乎爾有大貧能甘而乃規規于小乏乎爾有大才不裕而乃規規于小過乎此十大者信大小者信小矣皦揚爾忘之耶癸卯

憂危竑議後紀

六



八月二十六日有感援筆漫書浼蔣無功錄一通張之軒側蚤暮卧起觀之後用圖書鈐識是時生光已從戊所回改名皦揚字寬之又刻有怪石軒集岸游稿此犯跡踪可據者也又此時錦衣衛直房忽貼匿名帖云妖書有人了協理張掾魁受銀三百兩求他主的又告人鄭福成先監據事件奏曰按祖宗律文凡匿名文書見即燒毀今念事關大獄不敢隱匿云云神廟可其奏特置不問時王公世揚正任協理遂只據東廠移文于私寓設香案行禮具本謝恩極其感服皇上至聖至明至寬至仁云大金吾王之楨與北鎮撫司掌刑周嘉慶有

敦復齋藏書

隙欲乘機害之遂擒周嘉慶家人袁鯤尊詞煨煉滿望人皆可信為寔也先監矩奉旨到廠一訊必不肯詭隨結局之楨既具奏要着人到廠聽記先監曰本監例有聽記密以上奏令衛裡欲增添聽記將奏誰耶奉旨不允之楨又密懇四明相公差家人李管家密見先監說某是正犯其僕可証又欲波及歸德江夏諸君先監曰多拜上你老爺我內相是一輩的人獨不記荷花兒之獄倘久後另有正犯恐大家子孫種禍不淺你老爺如要堅執如此結局可具揭奏知萬歲爺我好遵旨行事本廠絲不落不是一切干係勞你老爺擔罷李語乃塞

之槓心方已蓋之槓欲借繳生光牽人主使為一網打盡之計也又御史康丕揚時外轉消息有與丕揚相厚近侍賈忠貞時在文書房捧匣該班遂密透信于康着速尋件聳動聖心的告廢幾可免康計無所出遂藉妖書參僧人達觀書札中拈有可罪白案捏砌入告疑妖書出其手也然觀寔不知達錦衣衛頻遭笞拷于十二月初五日參送刑部獄作聞拆倡書獄壁云匿王問法忽齋年自謂觀河見不遷我有眼根聽夜柝却沉豐蔀更冷然又云析書未斷鈴聲續誰是聲兮誰是聞却憶法堂鐘鼓候果來魂夢更紛紜至十七日索薑湯漱口端

敦復齋藏書

坐而逝時曹侍御學程久先繫獄為經理其身後事詳載紫柏語錄序寔無辜厥死人至今悲之又禮部李公廷機斷生光十二款曰一造意報仇妖書意思與妖詩岸游稿意思相同其筆力相類一先年妖詩內有侯之門仁義存焉今妖書內亦有此句去冬會審令本犯念妖書一二句本犯便念此句一刻字匠徐承惠供本犯與刻字工錢每字一百時價四分因本犯要承惠僻靜處刻勿令人見每百字加銀五厘約工銀三錢四分今算妖書八百餘字與工銀數相同一徐承惠供稱書板無邊櫬有年月今妖書果無邊櫬有年月一繳其篇供

稱布散妖書見面上票簽有國本攸關四字誤認攸為  
收又徐承惠供稱書面票簽有關字問是何關字云關  
老爺關字一妖書內有文王舍伯邑考而立武王一句  
此句出禮記檀弓本犯做生員時習禮記又本犯詩集  
有讀檀弓有感詩題一本犯妻供本犯托病不出卧房  
若干日又後一日向妻取剪髮木燒炕及妻入房滿房  
烟火一剎字匠工銀不過三錢四分本犯與過徐承惠  
錢一百三十文作兩次與<sup>之</sup>竟欠承惠一錢四分顯是竊  
賊所為一本犯妻妾子女無不招承及會問次日將聖  
旨宣讀與本犯并家屬聽着諭以旨招出同謀饒了家

敦復齋藏書

屬若仍不招家屬一個也不饒本犯妻妾子女環跪而  
泣求他招出本犯竟無所招一會審<sup>次</sup>日本犯招云情  
真罪當萬死無辭又<sup>次</sup>日本犯招出自作之孽本無同  
謀親筆在卷一會<sup>問</sup>犯日東廠問本犯云你為何寫我名  
答云老爺是廠裡又問別官答云是要緊衙門又問餘  
各官答云小的只將縉紳一覽隨意寫上幾個先監矩  
亦將此封奏焉蓋<sup>繳</sup>犯之惡惟天可除是以文字之間  
不覺暗合如出一手鬼神弄真妙極矣當時累臣若愚  
晝夜侍先監左右職任抄謄隨馬監師明等經理一應  
章奏眼見妖書果無邊據但後有年無月日而鄭福成

項應祥喬應甲皆說名也刺字人徐承惠又不識字之拙匠也惟石軒集曾係承惠所刊光妻趙氏妾劉氏子皦其篇與弟皦生彩已庾死東廠獄中按九我先生所斬十二款既鑿鑿可據雖經奏過神廟先監因本犯到底不曾念出妖書別句又因親筆所供前罪萬死無辭恐後寔為怨鬼先監是以終懷一綫之疑如再遲緩不結又恐蔓延中外縉紳不使人心何時定乎寃僧達觀已庾死矣琴士鍾澄醫人沈令譽百戶劉柏等皆註誤繫獄武弁楊于世因持家宰李戴書及劉付往遼東去亦被稅監高淮自山海關拏奏幾累及其兄勳爵楊于

敦復齋藏書

楮也此時仇隙互訐疑鬼盈車上下驚猜甚非政體先監不得已遂于三十二年四月內具奏曰微臣陳矩遵奉特旨會問奸書逆情曾記得三法司九卿官會說逆犯皦生光前詩供認情真罪該萬死後書未寫未念似有一綫之疑他妻妾子女并刺字匠對証又已情真就諛正法臣每叅詳還當奏請皇上擬定罪名昭示朝廷大法以安天下臣民之心其皦生光暫且監候待後決有法覺真正同謀之人方可秋後應時處決使天下萬世傳頌皇上至公至明又免先年荷花兒屈死法司得罪事例據此謹先據寔密奏又數日刑部等衙門少保

兼太子太保尚書等官蕭大亨等謹題為欽奉聖旨事  
云云臣等會看得皦生光巧圖詐陷之私敢為誣訛之  
語罔上惑衆逆理悖常因而震激宸衷溷淆國是此神  
人之所共憤法紀之所不容者臣等切齒此因恨不窮  
治以謝天下忍言輕縱但本犯之獄止據妖書而妖書  
之律止應論斬今奉明旨從重另議臣等竊議斬與律  
合原非輕典此外若求加等律條惟有謀叛一款較重  
參酌本犯情罪似未相當臣等為皇上守成憲欲求于  
法外議入既所不敢而為皇上伸天討不能于法中加  
重尤所不安摠之本犯險惡原出律文之外臣等愚昧

敦復齋藏書

拘于三尺反覆思維參詳教思未敢擅擬等因于萬曆  
三十二年四月十八日具題二十日夜奉聖旨這逆險  
惡異常原出律文之外以謀危社稷例處他卿等便覆  
來欽此本月二十一日具官蕭大亨等謹題為奉旨覆  
奏事云云臣等看得皦生光妖書之情逆甚即重擬原  
不為過但律文止于論斬臣等未敢別擬今奉明旨處  
以謀危社稷之律查得謀危社稷係謀反律內原註若  
依此律合凌遲處死恭詳所犯情似有間蓋臣等所據  
者法也皇上所誅者心也明允執于法官國有成憲未  
敢擅為輕重而威靈出于主上君有嚴命難復容其擬

議等因于二十七日奉聖旨曠生光捏造妖書離間天  
性謀危社稷無上無君反形顯然妖書律未盡其辜著  
加等凌遲處死便會官處決仍梟示于人烟湊集處所  
有奏擾的即主使姦論其緝捕有功人役着諛衛即查  
寫來諛衛知道欽此累臣若愚曰續憂危竑議起于癸  
卯之十一月十二日以至次年春夏中府會審者數次  
而京畿道一次者沈令譽俞儒等也外東廠二次者周  
嘉慶也內東廠二次者曠生光之妻弟內官趙昇也昇  
謫南久潛逃來京絕不與姊夫往來生光詐包誣志時  
曾供有內官手持黃紙封條因疑是昇然昇實無干涉

敦復齋藏書

刑夾昇踝甫用力而夾棍折如斧斷先監察其辭色憐  
其寃而釋之當此之時神廟何等震怒四明相公蒲州  
金吾何等氣焰中外臣民何等驚慌先監矩受知聖主  
一拳擊定矢以公正明允為心仍將大學衍義補之慎  
刑憲數卷不時進覽而曠犯前惡况復鑿可然據其妖  
詩筆跡刊字匠及本犯之妻妾子女衆証已明先監矩  
尚兢兢引荷花兒故事為殷鑒至再至三不得已始于  
甲辰之四月二十七日將生光正法結局妻子戍邊陞  
崔德為指揮王一鵬蔣臣等為百戶有差先是法司所  
擬賞格五千兩神廟如數頒予東廠錦衣衛五城巡捕

四處共分一千二百五十五兩按勞之輕重如教賞散各有差先監矩等亦各予廢叙東廠底簿并朝報可考當時神廟面召光廟慰安天語或實錄等書自有紀載惟國本攸關全書全語世不多見累臣目擊最真竊念憂危竑議鄭戚晚既已刊行布則此續憂危竑議亦宜存此一設實跡俾天下後世曉然上可彰神廟之乾斷聖明下可著先監矩之持平鎮定庶外廷之未盡曉者心自釋然訛傳可息于是抄記成冊萬曆年間全未敢令人見且又遭墩鎖十載命如懸線而暗藏枕中者將二十年心良苦已更有別聞亦間附于後俾持論者有

敦復齋藏書

所考焉四明沈相公與歸德相公及江夏郭太史正域素有隙長安道路之口咸云四明藉此挑激聖怒瓜連蔓引是以擯李太宰建周嘉慶者實所以開羅織之端江夏之隙實是議謚及楚邸假王之事幸華亭唐文恪公大獻極力于四明處為江夏解寃又賴先監力主持之不然郭君殆矣其荷花兒事都人多有知者先監矩面奏神廟時即于書坊中購得耳談書一部進覽遂定妖書之獄不復苛求主使之入恐日久禍及無辜也聞神廟實錄亦載之刑書翁某等降處有差荷花兒之寃死朱腦瓜之直承皆不泚也按耳談云周皇親有喪盜

乘冗入覲親取財去其夜邏亭入獨見婢荷花兒伏泣據牀以聞于法司荷花兒不勝雪刑誣服謂與某某通奸殺主取財捕某某不得竟坐法凌遲時大司寇翁公自南都遷至而南都已盛傳其事無不切齒荷花者故翁益不疑行刑時觀者全集忽一人獨呼曰寃哉荷花兒殺人者我也兵卒逮至法場輸服無異詞時荷花兒已刑畢故翁與曹即徐鄮源而下皆坐誤罷歸始刑時荷花兒語劊子手曰兒是寃死幸相念先死我而後鬻肉可也不然我必為厲鬼殺爾不聽鬻割盡始死之越三日是人坐順城門外麵鋪忽大呼云荷花兒殺我七

敦復齋藏書

孔流血死獨呼者市中買瓜子炒豆細民朱腦瓜也耳談所載寃獄如此吁可懼哉又會審妖書之時有沈御史者在座皦犯既頻經獻搆不能動抬至沈公案前沈厲聲曰妖書是你作如何不招皦犯舉首乞憐曰寃不是小的所作沈聲色愈厲皦犯怒目切齒過之又有余御史懋衡者事佛素謹于中府會審向衆官云昨得一夢見觀世音菩薩說妖書是皦生光作的先監等唯唯竊哂後神廟聞之亦大笑焉皦犯正法後沈御史出差行至半途得病沉重向僕從曰我生平事自揣無愧惟審妖書時略涉孟浪原不該硬坐定皦生光今昏惑中



每見生光向我索命吾病其不起矣既而果卒又數年  
京都皆曰妖書非生光作也東嘉趙士禎所作也士禎  
倜儻有大志歷任文華殿中書舍人每留心邊務交游  
頗廣妖書獄興即托病不出及皦犯正法之後始敢出  
門然忽忽倦怠興味蹶蹶絕無平昔造烏靴議車陣議  
叱田一往豪氣及得病瀕死亦屢見生光現形索命卒  
至不起可見鬼神報應真有不爽者夫荷花兒獄尚柔  
肌脆膚不耐刑酷不得已而屈打成招者耳累臣之寃  
倍甚于此悲哉古有訴之上帝者亦有得請于帝者魏  
其灌夫之于武安不尤彰明較著者哉千古此心此理

敦復齋藏書

總累臣幻視軀殼平視寃親了無些應驗是在知道者  
或不屑與較耶一樣心腸不事報復固應如此彼執讞  
司生死者豈可定量必無鬼神報應也耶

憂危竑議後紀第二


憂危竑議後紀

十五



國家圖書館, NATIONAL CENTRAL LIBRARY, TAIWAN, P.O.C.

敦復齋藏書



恭紀先帝誕生第三

神廟萬曆二十九年春始移皇長子慈慶宮九月十八日二更傳諭內閣皇長子及諸皇子冊立冠婚敬奉聖母命蒙嘉許卿等傳禮部擇日具儀行至十月十五日冊立光廟為東宮封皇三子為福王皇五子為瑞王皇六子為惠王皇七子為桂王實允首輔沈相公一貫之揭請始施行也光廟大婚禮成之後自孝元郭后外未有舉生者至三十一年十一月偶有國本攸關之事神廟震怒親降特諭以釋中外之疑繼將繳生光正法以杜譏惑之口仍特命光廟多選淑媛以待左右實從先

監陳矩之密請也三十三年十一月十四日人定後先帝誕生是時宮門扃矣光廟差年老宮人柴德女赴仁德門外報喜光廟于星月之下獨步殿陛徬徨不安先監矩立奏神廟即轉奏慈聖皇后太閤宮懽忭柴德女還報光廟乃喜是時先帝生母孝和皇后未有名封諡正者問曰發外旨意作何稱謂先監曰前曾有旨多選淑媛不好稱別樣名色今可稱曰欽命選侍某氏出不亦宜乎故曰欽命選侍王氏出者即孝和皇后也禮部先擬封夫人神廟不允特稽考皇明典禮更之曰才人寶神廟之聖學博洽也明年春加上慈聖宣文明肅貞

敦復齋藏書

壽端獻皇太后曰慈壽明肅宣文貞壽端獻恭熹皇太后光廟生母恭妃王娘娘進封為皇貴妃即孝靖皇后也光廟誕先帝至今上共五位公主八位今存三位懿妃傅娘娘生皇五妹封寧德公主駙馬劉有福所尚者也康妃李娘娘生皇八妹封樂安公主駙馬鞏永固所尚者也先帝生性雖不好靜坐讀書然頗留心大體每一言一字迥出臣子意表天啟六年正月 初犯寧遠即晝夜焦思未遑自安見樞臣王永光題疏要將寧遠城中紅衣大砲撤歸山海守關先帝曰此砲如撒人心必播及此五年內再犯錦州寧遠值聖體違和更憤激

先帝誕生

聖慮凡客氏逆賢數年以來或間有違忤即怒罵呪恨于顏面形來宗道在禮部時諛崔呈秀封父疏有在天之靈四字奏文書時讀至此先帝艷然作色親用硃筆圈此四字即逆賢亦不能為之地也先是禮臣林克俞題覆皇妹選婚要將光廟選侍傅氏先擬封其選侍李候皇八妹年長選婚時再封先帝曰一時封罷了何故另作一起此三疏俱存可証也如此之類不能徧舉其尋常宸翰詳謹然不好草書或未暇學也天啟二年十月某日有龍見于北花房臨河即宋太監晉辦膳處長可數尺鱗爪畢具碧光耀日時晉加綿紉裝入盒中奏

敦復齋藏書

知先帝送付黑龍潭訖至天啟六年五月初六日辰時王恭廠之變皇極殿最高危之處一木未隕乾清宮大殿聖駕所居之東煖閣將窓格扇震落兩處打傷內官二人皇貴妃任娘娘所居之室器物隕落任娘娘于天啟五年十月初一日所生皇第三子于是日受驚後遂薨逝逆賢直房及王體乾李永貞等直房各有傷損六月初五日之夜三更又地震幾如四年二月時而雲中之靈丘縣更甚地裂湧出水甚多其色黑先帝左額生白毫一有年必煖殿孟兆祥者謔拔去先帝甚恚欲重責處賴逆賢極力救解始免先帝自七年五月初六

日以後聖體便覺不豫至六七八月之間搃未離御榻  
逆賢將庫中所貯金壽字大紅紗摻括出許多自王體  
乾等至煖殿請小轎御茶坊御藥房近侍每給四足或  
二足做貼裏御前穿以禳祝之又移住懋勤殿旬日而  
不時喧傳云聖駕萬安矣樞臣霍維華有妻弟內官陸  
蓋臣者高太監時明之名下也係午門官詞宮中息耗  
最的維華聞之遂替逆賢畫固位攘功之策進獻仙方  
靈露飲并蒸法器具逆賢着管家王朝用照維華原樣  
用金造鍋甑付御藥房提督王守安等照方蒸進是時  
太醫院使吳翼儒等唯唯聽從莫敢攔阻先帝初進服

敦復齋藏書

數日亦覺甘美凡有剩者即頒賜體乾等分飲之雖累  
臣之賤亦得于永貞直房屢沾餘瀝幾半月焉按維華  
原獻蒸法大畧用銀鍋一口口徑尺內安木甑如桶高  
尺餘圓徑稱之甑底安篋篋中央安長頸大口空銀瓶  
一個周圍用淘淨秬米或糯米老米小米旋添入甑候  
熟氣透一層約離瓶口七分滿不可十分滿恐米漲入  
瓶不便上蓋一尖底錫鍋底尖下垂正對銀瓶之口離  
二三分許外上添冷水周圍固濟嚴密下用桑柴或好  
炭火蒸之候上內水熱即便換冷水不數換而瓶中之  
露可滿取出溫服乃米穀之精華也如不信可將熟飯

與人嘗一此滋味俱無其器忌銅鐵錫其火忌煤其後  
先帝因進服日久嫌水汪汪的遂傳御藥房不必蒸進  
自此之後聖恙日增無減日漸浮腫諸藥不效逆賢遂  
恚維華維華心不自安即于乾清宮門問安之際舒徐  
容與故與逆賢相左而力讓寧錦之廢與袁崇煥隨轉  
身求去另盤算一計捲土重來報復之計凡從來阻害  
正監中旨起官速化宮保倡修三案自任為有膽有見  
不知瞞得過誰作何遮掩也先時皇極等殿工完夜中  
間有一鳥大如鵝鶴其聲如梟頻來殿上嗚呼形不甚  
具聲咯咯然亦不甚遠聞之者為之魂飛毛豎慄慄然

敦復齋藏書

焉蓋先帝上賓而逆賢伏法之祲祥也

先帝誕生第三

先帝誕生

五





恭紀今上瑞徵第四

今上萬歲爺誕生後嬰年失恃奉神廟聖旨付托西李老娘娘即光廟彌留之際傳封皇貴妃未行後封康妃者看視至泰昌元年九月內移宮之後奉先帝聖旨改托光廟選侍東李老娘娘即曾封莊妃者看視同居慈慶宮後之勗勤宮今上每日晨興拜天後即行朝母妃定省禮進退周旋寒暑罔間天啟二年九月內冊封信王進封聖母劉老娘娘為光廟賢妃時皇八妹位下有一近侍當西李老娘娘看視先帝今上時曾並得侍奉天啟中年今上偶問曰西山有位申懿王墳乎跪啟曰

有生母劉老娘娘葬此墳附近之處你曉得否跪啟曰  
知之今上遂密付銀若干兩命此近侍置辦香燭祭品  
潛往祭奠仍諄諭再四曰爾可祝可明白著就如我親  
去恭祭一般及祭回覆命時睿顏戚戚孺慕眦篤淚痕  
盈聖目也是時朱邸不之位下諸臣乃不肯顯然差往  
而暗托此近侍者慮左右侍從半是逆賢之黨倘為逆  
賢所知或被猜防忌畏殊未便耳當莊妃老娘娘薨逝  
今上哀痛如禮未忍視慈母異生母也聖孝之根于天  
性者如此及天啟七年八月內入繼大統即首傳聖母  
劉老娘娘徽號遷祔之諭改葬于光廟慶陵先是天啟

敦復齋藏書

元年修建玄宮時計妥安梓宮寶座合容安光廟老爺  
孝元郭老娘娘孝和王老娘娘三位梓宮也彼時內官  
監管理王敬翟應魁創議于合造尺寸之外仍暗將寶  
座增濶若干尺至七年十二月內聖母孝純劉老娘娘  
遷入共安梓宮四位尺寸恰好時護送聖靈內外諸  
臣劉鎮郭志義李守錡等親入恭闕無不贊歎不然時  
日所限天寒晷短既不敢停候增修又不敢崇卑殊厝  
將奈之何此豈人力也哉我聖主仁聖孝格天故莫之  
為而為能預相默感又如此也聖心樂讀書十餘齡即  
好靜坐願養玉體一夕夢烏龍蟠殿柱曾向莊妃李老

娘娘言甚殊異焉一日偶游本宮花園園有兩井相離頗遠今上親用汲器偶于初井得金魚一尾頗悅即詣次井亦汲之曰看這裡何如器甫下即引出亦得金魚一尾活潑光耀左右皆驚秘不敢言命將魚放西苑河內及移居外府第大婚禮成之後有獻生鯉二大尾者暫畜缸中一尾躍出跌傷一尾兩目皆動如求生狀左右皆驚異以為魚貶目罕事也今上竟不忍吞而放焉登極數日後王體乾逆賢等侍側問及立枷之事體乾奏曰大奸大惡法所不能潛者方用之聖顏蹙然曰雖如此說其實也太慘了逆賢默然衆叩頭頌萬歲以退

敦復齋藏書

聖心仁慈根于天性者如此先是課內小臣讀書有口漸者今上厲聲曰讀書是好事倒害羞若唱曲兒倒不害羞耶今上寫倣進字時凡紙有餘而影本或小者必那移填滿不忍將空紙裁去覽漢末書史見十常侍董卓曹操等爭權未嘗不撫卷切齒凡經書有疑難字義典故即于洪武正韻海篇直音及韻會小補等書自校查之聖心天縱英斷節省發于自然者如此承奉徐應元每倚逆焰屢恣肆不謹今上久優容之或霽顏假借之纖毫圭角不露也聖度之用晦委蛇如此天啟七年八月二十四日登極自文華殿移居至乾清宮將煖閣

內舊設玩好器具盡行屏徹中外臣庶無不仰頌堯舜  
咸拭目以觀太平也十月二十六日退逆賢十二月初  
六日發應元湖廣顯陵安置崇禎元年二月降應元淨  
軍調發鳳陽應元實逆賢所靠為親信接手後<sub>勅</sub>人也逆  
賢篤好花木夏則茉莉梔子花簪帶頰冬春則牡丹等  
花羅列滿室今上在藩邸逆賢每以非時花木果蓏之  
類為獻其所差官人皆逆賢心腹名下或見任先帝御  
前貴近者也雖以厚賞酬其來然聖心儉素不尚此俯  
以霽色勉納耳凡賢下用事不用事之姓名面孔總難  
逃洞鑒也

敦復齋藏書

今上瑞徵第四

今上瑞徵

四



典禮之臣記畧第五

神廟登極十齡矣時馮太監保掌司禮監印兼掌東廠其僕徐爵號小野頗通文理達事情馮與江陵張相公居正內外同心翼戴冲聖自新鄭高相公拱退後凡江陵在外之相業聖母神廟之眷注皆馮納約自牖之驗也神廟左右內臣如孫海客用之流日以狗馬拳棍導神廟以武馮則凡事導引以文蒙養之績在馮為多司禮監所刻啟蒙集四書書經通鑑直解帝鑑圖說等書至今見之者每為咨嗟歎息焉馮號雙林篤好琴書雅歌投壺有儒者風神廟曾賜牙章曰光明正大曰爾惟

鹽梅汝作舟楫曰魚水相逢曰風雲際會時凡馮寫大字扁聯之類即以前章或雙林及景仰前哲諸圖書印識之所造琴頗多咸寶愛之萬曆四十一年五月勅同法司大熱審平反甚多一日神廟偶醉佩劍夜游將一內官頭髮砍下又杖二內官幾斃慈聖老娘娘知之翌晨尚青布袍屏簪珥聲言欲特召內閣部文武大臣謁告太廟將廢神廟立潞王且先令喧傳于宮中神廟恐懼滋甚跪泣久之始解遂將容用孫海斥矣孫得秀溫祥周海皆私家間住此萬曆八年十一月事也潞王之入朝神廟也至景運門即下轎步入乾清宮門之左一

敦復齋藏書

室瑞王惠王之入朝光廟及先帝也至宮門始下轎焉自江陵不奔父喪之後中外多忌馮者秉筆張衡係張宏名下又侍神廟于藩邸久遂乘便密為神廟畫計害馮宏于鯨為本官偵知之密解勸曰張司禮馮公前輩有骨力人留着他人好多哩鯨拒不聽遂乘間從史神廟傳旨着馮保私宅間住云云神廟猶豫尚不忍曰若大伴上殿來我不管鯨曰既有旨馮某遂不敢違遂先給以間住既而謫居南京孝陵復以言官江東之等疏遂籍沒馮保張大受楊舟徐爵等產是時先監矩已任司禮典簿經理其事復逮保弟馮佑侄馮邦寧等于獄

此萬曆十一年正月事後也後佑與邦寧皆歿死徐爵  
擬戍馮竟謫死于江南葬于留都皇殿林木森鬱巍峩  
佳城實天所以報忠臣也先帝即位之初秉筆王太監  
馮安名下也擬奏請卹典改遷未果而遇害焉張太監  
宏號客齋廣東人所謂張公者是也遂繼馮掌印而張  
鯨掌東廠宏蒙神廟優禮雖亞於馮然推心則過之十  
二年三月欽遣閱京營不三四年因神廟日益英聖而  
左右間有以貨盡聖心者遂絕食數日而卒神廟頗憚  
惜之宏墓在阜城門外迎祥寺側眷注之隆居官之美  
具見墓碑宏恒曰我形雖廢自有不廢者存是以脩然

敦復齋藏書

長逝盖于學問有所得云張鯨北直新城縣人嘉靖二  
十六年選入為宏名下剛介寡學馳心聲勢神廟倚毗  
之外後掌東廠兼內府供用庫印頗為時相所憚其用  
事之司房邢尚智招權納賄耽于聲色致言官李沂等  
交章劾鯨萬曆壬寅元旦召輔臣申相國時行等入毓  
德宮神廟出大理評事雒于仁酒色財氣四箴疏示之  
賴輔臣救于仁得削籍仍諭鯨跪聽輔臣戒諭之是日  
也輔臣已出復召入時皇長子九齡矣皇三子五齡矣  
咸宣來令輔臣拜見之白此後鯨寵漸衰未幾退廢林下  
尚智擬戍鯨與先監矩極契厚而調不同丁未冬先監



坐化鯨聞之痛而無淚至戊申五月病卒葬于香山永安寺側鯨弟書升廕金吾至都督同知其掌家劉鈺性儉素務稼穡掌班鄭守成通文理多蓄古書先監之掌家常雲者鯨名下也宏卒而掌司禮監印者張成也張鯨既退成遂兼掌東廠及內掌監印為人硬直不阿好看書每據古事規諫或暗地譏罵無所忌神廟頗憚之十五年三月欽遣閱視京營其後宮中夫人郝金鳳女之死成曾與力自此內執事多有譖成者成率意不防又其弟張老五名勳者私與戚臣武清侯李家結姻又名下蕭玉王忠頗怙寵恣肆不謹二十四年正月神廟

敦復齋藏書

震怒立斥退成着田義掌司禮監印孫暹總督東廠諛孫暹等題為欽奉聖旨事奉聖旨是逆犯張成張楨各弟侄張勳等張紹寧等霍文炳等及弟侄霍文燦等各犯并王玉錢恩李承德李輔耿進馬義王用馬彭蕭玉王忠段秉忠張懋霍朝王詔喬進馬欽金忠本犯原有庄房田地俱着該撫按官便即查明都籍沒入官不許隱漏還丘限與他都察院知道欽此于是將成降發南海子淨軍看守牆鋪逮家人張勳霍文炳等內官張楨錢恩等十餘人皆下法司獄論死其原籍田產各籍沒入官後復戮張勳蕭玉王忠于市而喬進等至泰昌元

年秋後始釋惟張楨于三十四年先矩監奉勅大審同  
曹御史學程奏請未允三十五年夏大雨獄墻壞楨適  
有疾遂絕粒庾死先帝東宮紀事高時明伴讀沈公蔭  
皆成名下及二人以從寵勞陞秉筆具疏奏復成原官  
討論祭為身後榮焉沒成產時先監矩已秉筆矣繼成  
掌印者田太監義陝西西安府人嘉靖二十一年入選  
由文書房陞南京守備神廟久知其貞介忠誠有大臣  
度特召秉筆其楷書端嚴有如其品及繼成後凡典禮  
政務與先監矩開成協濟裁酌施行田性儉朴寡言休  
休有量人不敢干以私二十四年三月兩宮災其夏偶

敦復齋藏書

與先監矩夜坐深話仰天太息先監會其意詰朝乃攜  
兩稿往見田看畢稱好即署名同密諫神廟其一疏畧  
曰臣義等竊見近日以來外廷章奏留中不報者多以  
致部院屢行催發間有疑惑議論左右朦朧隱蔽不行  
進奏伏乞萬歲爺簡覽批云云其二疏畧云臣義等竊  
見御前執事宮人內官或干聖旨責處發遣絡繹不絕  
每致重傷兼患時疾而死亡者殆無虛日蓋以聖旨欽  
傳即以本日開刑動刑職名具奏因懼罪干已輒加數  
多酷責而押解者復懼罪連累晝夜嚴加墩鎖致使受  
刑犯人得生者十無一二此致傷天和豈聖世所宜有

哉且如近日因尋訪楊山女一事但兩宮回祿咸稱不知熾火煨煉或成灰燼未審的確罪及守門又斃幾命矣凡宮人病死者即連累內官或打一百二十一百五十性命難存一人病者死尚然可憫况又波及無辜生命乎今耳聞目見哭聲載道怨氣冲天景象如此若不披瀝上奏則是臣等貪祿戀位畏死偷生真犬馬之不如也伏望聖斷將臣等分別罷斥云云神廟嘉納之田下用事掌班趙剛楊致中各具能幹才廣交縉紳凡田所進納御前錢糧昏兩人設處置辦田亦推赤不疑掌家王慶具員而已戊戌春孫暹卒葬西山碧雲寺暹北

敦復齋藏書

直涿州人魏忠賢之本官也先監矩繼暹掌東廠矣田至乙巳八月卒葬磨石口繼田掌印者亦先監矩也遂兼掌東廠見先監遺事語中丁未冬先監坐化而繼掌司監印者成敬也掌東廠者魏伸也成于三十二年選入由秉筆掌印性豪俠樂施與喜狗馬好花木鮮服飾善飲啗不甚喜讀書然好武勇騎射戊申三月欽遣閱視京營而識見深沉料事屢中己酉之正月壬辰訛言從黃花鎮犯京師男女避難者踐踏塞路城門為之晝閉神廟亟召問策成對曰無事萬歲爺寬懷如真有警兵部豈無塘報此必訛傳後始知果薊帥王

國棟夷丁夜遇昌平擅折民籬落燃火禦寒而火光燭  
天遙見戒粧遂驚言 至也其掌班候清篤信仁善人  
也成家政頗嚴急賴清解救為多成卒于唐成秋葬于  
迎祥寺後而掌東廠之魏伸繼之秉筆李浚掌東廠矣  
伸碌碌苛謹廠體印體從此漸隳伸卒年餘神廟慎印  
缺難其人久不補而浚以督廠代攝印務終浚之身未  
掌印也辛亥冬後卒特命乾清宮管事常雲獨力辦膳  
神廟陞正陽門提督李恩文書房盧受為秉筆次年春  
以恩掌司禮監印以受掌東廠至癸丑秋受接常雲亦  
獨力辦膳終神廟也萬曆乙卯閏八月神廟重慶萬壽

敦復齋藏書

聖節時西山楊家頂觀音庵僧處牡丹忽開一朵管花  
內官知之受費六十餘金為寺中功德所開牡丹移進  
御前神廟甚喜悅為瑞焉受與魏伸皆嘉靖四十一年  
選入李浚與恩皆嘉靖二十六年選入于先監為同年  
恩能書為人坦率今之秉筆曾復起掌印宋太監晉其  
名下也秉筆李太監鳳翔南京守備李太監秀華又皆  
宋名下也不數年恩卒盧受自此掌東廠兼司禮印王應  
朝唐之徵許秉彝其掌家掌班也今司禮監掌印王太  
監永祥文書房陞南京守備張太監應朝秉筆李太監  
奇茂李太監承芳皆盧名下也承芳善制生產厚蓄積

惜年齒尚富罔甘恬退于崇禎己卯夏復起掌東廠署  
司禮監印即率意罔奏若籍王體乾產可百餘萬足備  
京城河上城工之用後不能實其言遂借影匿為題逮  
體乾名下李晉田王劉文忠趙本政等于東廠并沒普  
等產凡親屬牽累者可數百家都中為之不寧承芳既  
不稱任使于九月十五日亦褫違刑部獄晉等尋自東  
廠送刑部獄承芳凡兩次督廠所叅送內犯董貴常國  
安徐進喜等外犯高騰震高瞻昆崔茂槐路文顯等計  
二十餘起恐暗中肆毒報復乃買許多厚木板將所住  
房上下四旁徧壁類之房門院門皆換以堅厚者惟怯

敦復齋藏書

不寧人多笑之後部覆擬絞遂吃素叩佛書寫佛經復  
虔事呂純陽先師每夜禮拜北斗至辛巳春遇赦蒙內  
閣范相公伏粹釋承芳罪御筆特改承芳外衛軍晉等  
亦改充外衛軍初萬曆庚申秋神廟賓天光廟念典壘  
局即鄒義潛邸勞久陞秉筆掌東廠兼尚書膳監印其  
年冬義辭任閑任先帝以沈蔭掌東廠今曾秉筆張邦  
詔郝隱儒乾清宮管事劉時登義名下也天啟二年夏  
蔭為逆賢斥退閒任宋晉掌東廠三年冬宋私宅間任  
逆賢掌東廠然受以天啟元年五月辭官逆賢矯先帝  
旨發鳳陽准王大監安辭印不掌而王體乾自元年五

月至崇禎元年四月掌司禮監印兼掌御馬監印尚膳  
監印逆賢退後所遺東廠亦體乾掌也自此之外如神  
廟時秉筆邢銳宋坤許成及隨堂李壽冉登等若干人  
光廟時秉筆魏學顏田詔崔文昇等若干人先帝時秉  
筆杜茂劉用劉克敬裴昇史賓張文元諸棟李晉吳進  
忠陰相王敏政郝隱儒王朝輔趙秉彝等若干人亦皆  
典禮大臣顧不能徧載也

三朝典禮之臣紀畧第五

大審平反紀畧第六

刑獄者重事也我國家每年熟審之外凡遇丙辛之年即特勅司禮監掌印太監一員前往三法司錄囚名曰大審夫必于丙辛者丙協于明辛者新也欲在上者必明照覆益在下者既經此一番鍛鍊期于悔過罪自新斯不負祖宗以來欽卹之至意也憲廟時司禮監掌印王太監賜五年大審值大司寇陸公瑜大廷評王公槩時重犯中有兄與人鬪毆其弟幫因而致死坐弟抵償王太監欲從末減二公持不可王大言曰同室之人鬪者尚被髮纓冠而往救之况其兄乎止談在矜疑之列二

公無以應卒饒死改戍事載化類編夫此猶細犯耳至  
神廟時御史曹君學程以建言久繫中外憐之萬曆三  
十四年先臣陳太監矩掌司禮監印少司寇沈公應文  
署刑部事于是先會同總憲大理卿共具公書與先監  
曰茲者伏遇聖明舉五年欽卹之典而台下奉命出讞  
雖係先朝令甲其載一時蓋朝廷將以詔赦之未釋者  
而并蘓于熟審之時幸臺下又以慈悲之度世者而得  
行乎全活之惠將丹書同注生之錄囹圄有福堂之誥  
豈獨諸囚籲天頌聖鳴哀望援而生等叨列法司職在  
昭雪于昭其下實有非常之希冀矣昨承開列可原重犯

敦復齋藏書

六十二起澤及枯骨明燭覆盆夫入井赤子惻隱之所  
必先納溝匹夫聖神之所甚憫故知臺下仰體皇仁廣  
行善事更有匪夷所思者蓋古人有宥一人而千萬人  
感泣生等敢為臺下誦言之曹御史狂韞批鱗不識忌  
諱囚繫十載來日無多聖慈如天待以不死彼日夕焚  
香頂戴叩恩無極第其近日有瞽母倚閭堪憐母既強  
視息以願見子之還子亦忍須臾以思與母訣繼繼為  
伍桎梏是親已微喘之奄奄迫夜臺之寂寂長安齒髮  
之倫俱惻生等孤兔之悲可知臺下地切紫宸春先幽  
谷豈靳夕奏解此南冠况朝鮮之後釋放逮繫在詔旨



燦如日星而欽恤之典徧及繫囚于言官豈靳雨露生  
等特借重台下會疏叩關萬代瞻仰在此一舉至于遵  
肆赦而請釋者既來奉有明諭則從熱審而并上者自  
應不拘徃例不然朝廷詔令為虛文而法司壅閼負重  
譴矣故于臺下擬釋之外輒有奏記皆灼見其有可生  
之路而不欲使有向隅之失若以一二情罪已確應與  
衆共棄者俱據實奏聞以祈酌議無非共襄公平之典  
而逆知臺下之虛衷清納者也仰希鑒照不勝延佇云  
云至七月初九日先監領勅審錄至初十日方審至曹  
御史除會同三法司且疏外先監曾有奏帖內稱臣矩

敦復齋藏書

本月初十日卯時前到大理寺會審三法司侍郎等官  
沈應文等照例升堂入座會審至廣東司有斬犯罪人  
一名曹學程哭告犯人原係御史為東事妄言得罪監  
候十年悔改不及豈敢惜死惟是原籍廣西家有老母  
九十餘歲經年盼望生還一面犯人在監晝夜憂思患  
病沉重若母憂死犯人不得一見忠孝兩失雖死于九  
泉之下不成人類乞欽命列位轉奏聖明赦宥得生寔  
全母子二命世世子孫感戴天恩臣向本犯說你雖言  
官因言得罪激聒聖上况是欽依人犯屢有嚴旨誰敢  
輕議臣又向各官說先生每怎麼說有三法司沈應文

等說曹學程愚戇言官不識忌諱罪寔自取雖係欽犯不敢輕為擬議但東事仰伏天威久已平定本犯監候十年懲創已深又有九十餘歲老母今遇欽恤大典戎每職掌所關正當仰體聖明大德好生况覩本犯皮肉銷鑠氣息奄奄萬一憂死囹圄望恩無日若不具奏後來難免溺職之罪理當奏請定奪煩欽使大人轉達天聽有科道梁有年等說曹學程自知罪戾緣係欽犯不敢輕議但聖度如天定無留滯况今宮闈疊慶千載奇逢赦過赦罪無處不及今審伊母年過九十朝不保夕本犯亦奄奄待斃衆所共見幸遇欽恤之時仰體聖明

敦復齋藏書

好生德意合詞上請定奪庶免不言之罪據此臣又向各官說這事情重大如何批語會議批語奏請二字神廟在宥有年侍聖母慈慈老娘娘于慈寧宮聖母已聞曹御史家有丸向盲母亦惻然憐之是歲八月十七日神廟萬壽聖節恭詣聖母前朝謁言及祈天永命之事次及刑獄誑誤之臣神廟聖性至孝即跪承恩旨至十月內始將曹御史釋放內犯張禎則未允也又光廟于三十三年十一月十四日誕生熹廟正值慈聖老娘娘壽齡六秩喜育玄孫三十四年春神廟加上聖母徽號恭熹二字詔赦天下光廟生母恭妃王老娘娘進封皇

貴妃是以曰宮闈重慶也先監于曹御史一案在神廟  
御前造膝口奏語多秘不得聞實暗有贊解力也再味  
三法司公書溫厚詳婉不以來同為嫌先監奏記亦委  
曲明劉慈祥藹惻真可感格天心義服中外於以見當  
時納約自媮之義焉宮府同忠之雅焉至今讀之者如  
在心目詩曰彼美人兮西方之人兮王制曰刑者例也  
刑者成也一成而不可變故君子盡心焉神廟自萬曆  
甲辰年後停刑之旨無歲不下真亦有所感而然耶抑  
仰遵聖母慈訓之一証也猗歟盛哉先監侍神廟左右  
此平反一事并妖書一獄總非他人所能望其後塵者

敦復齋藏書

累臣敬叙概梗以恭識仰止之思于萬一云

大審平反紀畧第六

大審平反紀畧

五



先監遺事紀畧第七

先監陳公諱矩字萬化號麟岡北直安肅縣人生于嘉靖己亥六月二十九日至丁未年選入泮于高太監忠秉筆名下任司禮監萬曆十一年籍沒馮太監保時已任典簿後陞監官至十九年春代藩奉國將軍廷堂有罪革爵禁錮鳳陽高牆先監奉勅押發既竣事道經安肅過家上塚有皇華記寔詩一卷沿途廉靜寬恬驛遞感悅皆以佛稱之詞臣中講官惟與郭明龍正域李九我廷機先生善然一揖之外亦絕不通往來後于市書中得黃離州每披玩歎賞曰真宰相才也先監學術醇

正每向人曰我只守八個字曰祖宗法度聖賢道理其存心敬慎如此一日姜士昌有疏偶動神廟怒要行杖處先監優恤之至形于顏色蓋自杖王德完時即曾與田太監義力諫未允今豈可當我掌印而又行此事乎正跌坐深念忽被召至煖閣語頗久秘不得聞及出喜動眉宇左手持姜疏右手招官人索黃紙套盛疏發下其旨則神廟御筆行草所書按舊制凡有御批即片紙隻字必用黃紙齊口半套裝盛識尊敬也其仰全君德如此雲南民變戕殺內官楊榮神廟震怒欲詳數激變狀達處地方官是時四明沈相公偶註藉惟歸德沈相

敦復齋藏書

公入閣即具東達先監先監即本其意密奏曰奉使內臣固仰遵萬歲爺法度不敢妄肆或跟隨下人不曉事而玩法者若但歸罪有司緹騎逮問誠恐往返路遠耳目驚慌傳聞不便宜從寬行勘結局避荒幸甚神廟嘉納焉福監建內官高寀進到所獲呂宋器械方物博覽監搭票着內庫查收先監奏曰此島小醜區區微物着內庫收恐看得聖朝希罕異物也今此旨宜曰着贓罰庫查收其慎重國體天言如此鎮撫司刑部所監呈誤諸臣內外重犯先監每以上帝好生無知入井為念多曲存培養聖德遇事即諫草多不存是以潛移默化外廷

不盡知也榮昌公主者神廟之嫡長女光廟之姊也曾與駙馬楊春元反目春元拂衣歸里神廟大怒特召先監至御前欲重處內官外官先監奏曰此宮闈小事不宜上動聖心傳聞不便遂擬諭閣臣以為覽東廠事件某不知緣故出某門往固安縣去訖遂俯允施行及召春元回罰于國子監演禮以戒之此先監調護之力又不止調護士大夫已也萬曆中年凡正月燈市節司禮監掌印等各購擺設器皿書畫手卷冊頁之類進御前一日先監偶購得宋人所畫鬼子母揭鉢罔手卷內有楷書金字寶積經鬼子母失子緣第一名人題跋甚多元

敦復齋藏書

趙孟頫跋云佛以自然勝而用智力者以勉強求西方竺聖設此見靜聖作為自然勝勉強以之覺世抑以見佛道之深不獨有功于名教也而後世人心好善昏賴之云云其西也黯淡朽素之中神彩煥發世尊之慈容可掬鬼子母之悲煩可憫鉢內之兒以手據地兩目外注欲出不得出之光景晃然群魔怪之兇狠猙惡眉目如生種種伎倆繁而不紊必非宋以後人所能贗為者先監曰此卷甚好然且未可進恐萬歲爺疑我諫阻打官人也遂將大學衍義補一部同此手卷著人寄王伴讀安轉送東宮說陳矩頂上于歲爺乞睿鑒此書暇時

并覽此卷蓋于進奉之中密寓獻替之意云先監極愛左國史漢字學諸書周程濂洛諸集菲衣淡食貌雖不甚魁梧音雖啞而不揚然白耳黑齒雙眸如電昔童時至京大金吾陸柄一見吃異曰此子功名異日不在我下而今名過之萬曆二十六年以秉筆掌東廠三十三年以掌東廠兼司禮監印預卜葬地于香山慈感庵側建一石塔于塚上曰太極鎮山塔暨一石坊于墓道前曰勅葬中使神道 有石門額其上曰還一仙洞至三十五年十二月十三日辰時在內直房端坐以逝神廟極為悼惜准從仁德門寶寧門由廊下家出玄武門至

敦復齋藏書

東河邊將暮仍北上東門西門乾明門西安門出至箔子衲衲宅特傳造立棺如僧家葬法以無煙中正樂善令終之美云賜諭祭九壇祠額曰忠清更給勅脩載房地數目皆殊典也文武臨弔送喪者素白塞路壅不能行山陰朱相公賡晉江李相公廷機福清葉相公向高親詣立棺祭奠其文有曰三辰無光長夜不旦其敬慕推崇如此神廟推恩特將掌家常雲陞乾清宮管事後掌針工局印管文書官馬鑑師明苗全俱陞煖殿近侍光廟登極復陞雲隨堂予告先帝陞鑑乾清宮管事先監自秉筆外廷皆不識為何如人至癸卯冬妖書一獄



保全善類誠足回天誠能覆物知不知咸心服也語具  
憂危竑議後紀中及丙午年大審至曹學程一案先監  
多方挽救極力平反神廟聖孝覽而哀之特允俞焉具  
大審平反語中自此士紳益敬愛之先監每暇即玩味  
大學衍義補或令左右誦聽乙巳冬奏進二部請發司  
禮監重刊始完惜督刊抄寫寡昧無識其中甚多舛錯  
至今沿習未正良可痛也先監最愛周禮恒向左右曰  
文中子有言如有用我者執此以往又曰我曾見有一  
書內載宋章聖講周禮至典瑞有含玉問云何義講官  
對曰人臣卒給含玉飯令骨不朽耳章聖曰人臣但要

敦復齋藏書

名不朽何用骨為先監每將陳鳳梧所刻周禮合集說  
考註訓雋照句解次序勒成一書亦欲奏請重刻而志  
竟未遂也先監又篤好易萬曆甲辰偶見坊間售有義  
經十一翼乃慈溪傅文兆所著曰太初易古周易玩辭  
篇觀變篇觀象篇玩占篇大與舉業不同而推明古易  
次序上下二篇十翼十篇三聖易學闡明可愛漢儒費  
直亂易根因剖辨無餘蘊且力正文王作文辭之說絕  
與周公無涉先監嘗曰楊雄解難魏伯陽叅同契劉勰  
文心雕龍俱直云伏羲文王曷嘗有一字及周公執兩  
漢及梁去古未遠爾輩識之及先監卒後累臣被常太監

雲註誤墩鎖又先年曾聞開雍顧老師說國子監新刊經史不可不買一部累臣既抱罪無所事遂購得十三經二十一史日披玩之則周公繫文詞之說誠始于唐之孔穎達無疑矣史記註則十翼井然前漢志則三古三聖又三國志高貴鄉公視太學及別史列傳自唐以前都無周公作文辭之說其孔穎達杜撰費直亂叙不釋已明宋時程子以今易作傳朱子以易作本義奈今繩于舉業拘于大全誰敢如傳文兆起而議之者耶易也十翼也周禮也天如假先監數年則表章次第奏刊豈止一大學衍義補而已哉今上聖主右文極矣而臣下落落

敦復齋藏書

無先監之儔也惜哉先監遺像在德勝門裡欽賜會館祠內至今見者多下淚其德望孚人未艾可知先監九歲選入萬曆丁未年卒享壽六十有九其同母弟萬策中壬辰科進士受先監之訓為多廢大金吾陳居恭萬策第四子也誥贈是及以先監之二親焉累臣若愚曰先監雖係內臣然其才識品望今古罕有自萬曆辛丑累臣選入得侍左右未嘗見疾言遽色體雖清癯若不勝衣其處大事決大疑羽翼忠良仰全君德即賁育之勇雷霆之威不少易者性不好飲酒凡退食稍間即鼓琴歌詩或跏趺靜坐自皇華紀寔之外有香山記游閒

中紀述惜未刻也至于聲名貨利了無所好亦不好聚蓄書画玩好之類嘉靖庚戌之變薄都城高太監忠披堅執銳禦扞著勞先監時十二歲矣目擊心慕是以有志經濟每留意于國家歲計出入應改折者應蠲賑者時密奏節縮以蘓民困更留心于邊塞衝險士馬登耗會審妖書曾與大司寇蕭公大亨相語蕭久歷塞上極為敬服萬曆乙巳遼東撫鎮議來流民為功遂將鴨綠江以西寬奠以東張

地方數百里棄之

于先監聞之心頗不平惟仰屋切嘆而已見遼左棄地語中盧受掌印時其掌家王應弼即今之王應朝

敦復齋藏書

者潜着張書紳等往撫順做買賣七宗惱恨之書人言嘖嘖章滿公車蓋原委根因盧原不知由應朝私遣也天下事尚可言哉累臣曾見嘉靖年間詞臣龔君用鄉所著書曰雲岡稿內載奉使朝鮮回條奏辦事明悉議開海運復舊遼陽則糧可直達開原城西老米灣開原與廣寧頗近聲息可通守邊最易累臣自十餘歲便隨先將軍宦遼陽寓三年其地理邊務民情風俗至今尚存胸臆間思其土地瀕海難修邊牆則偵哨獨不可加意乎萑葦蔓衍而屯田車陣強弩騎射火器獨不為正兵為奇兵為守禦乎五年滅雖袁督師一言自誤矣

然米之炊恐煩局中者費籌策也全遼已矣痛尚未復  
又何有于棄地何有于舊遼哉西而薊門戚師繼之遺  
制盡弛春秋兩班修築恐不無鹵莽塞責也再西而宣  
而雲而峽以類推之山西更甚總之峇窠罷置處處待  
哺或不甚懸絕也回想我太祖開國時有河套有東勝  
有開平有大寧有舊遼陽是何等幅員何等強盛哉唐  
李翱有言神堯以一旅取天下今不能取天下取河北  
豈不痛哉累臣幽繫園扉席藁待斃回想先監觸目傷  
心祇空抱杞人之憂向誰洒英雄之淚如九如廟之靈憐  
鑒蒼愚血誠願伏法之後游魂為變誓作厲鬼俾敵之

敦復齋藏書

鍾鼓無聲而我之敵氣增壯斯生雖無益于時而志或  
可酬于冥路即所以上國報恩下雪父恥也累臣非輕  
于談兵喜事之人又非敢輕洩省中之語惟念以羊易  
牛非胡斃何以彰主心之仁而楚王太子之賢須鍾儀  
始能遠達于晉是以臚列于首不憚疊疊以代鳴哀言  
善之意云

先監遺事紀畧第七


先監遺事紀畧

八



國家圖書館, NATIONAL CENTRAL LIBRARY, TAIWAN, R.O.C.

敦復齋藏書



兩朝椒難紀畧第八

光廟自元配孝元貞皇后郭老娘娘曾誕公主外有孝和皇后王老娘娘誕先帝即封才人者也又今上本生聖母賢妃劉老娘娘即孝純皇后也又傅老娘娘即懿妃誕六公主七公主又西老李娘娘即誕生八公主後因公主選婚時始封康妃者也東李老娘娘即莊妃賢而無出又有趙選侍者未得封號極與逆賢客氏不合先帝即位之後即矯旨逼縊殺之當臨命之時將光廟賜過首飾金珠之類列于案桌之上沐浴禮佛西向遙拜痛哭良久從容投環至今尚以宮人殯無人肯為申

雪容魏仍矯旨將名下答應侍王亮等數人各加酷責降發南京今見存可問也光廟莊妃李老娘娘性仁慈寬儉簡重寡言儼若五六十歲者宮中多感頌之名位素在西李老娘娘前及奉先帝聖旨撫視今上凡起居食息責內外執事愛護關切勝于親生者也凡願養聖躬勤于學問雖皆由天縱然誘掖獎勸蓋莊妃老娘娘亦間有力焉承奉徐應元者逆賢之同官徐文輔之老叔先為承奉副後將承奉正張忠退斥而應元為承奉正王文政為承奉副應元既倚逆賢借勢驕蹇每叩見時揚揚自得或答詈左右無所忌莊妃老娘娘為人謹

敦復齋藏書

重寡言負氣憤鬱遂病致逝彼時逆賢法嚴急宮中間有知是應元氣薨不敢洩也是以應元在鳳陽病死人多快之光廟臨御未久三宮未備痛哉先帝后中宮張娘娘即懿安皇后也河南生員張國紀之女天啟元年夏大婚禮成之後客氏憚后文明遂于后宮中捏言后非國紀之女云是重犯孫二之女也其年秋臺臣游士任以募兵之差已陞辭頻行時上疏力劾客氏蓋首犯兇鋒之第一人故乙丑緹騎之逮亦首及士任也客氏甚銜恨之天啟三年張娘娘覺有孕客魏乃遂去宮人之異已者故托不更事宮人答應一日張娘娘偶腰痛受

捶過度竟損元子睿胎東宮王娘娘京師人西宮段娘娘直南人俱無出裕妃張娘娘者已有身舖宮膺冊妃禮畢逾期久不乳且有違言客氏逆賢恚其異已于先帝前力譖之仍矯旨將宮人內官俱逐于外絕其水火獨將妃封閉宮垣之內無所食飲經數日後天大雨尚力疾匍匐于簷簷之次伏啗雨水數口氣絕宮門外看守官人回話奏知先帝將妃革封如宮人例熬于淨樂堂至今上登極始復封改葬如禮云成妃李娘娘者天啟四年二月三十日誕生二公主是日地震甚其後公主薨值中宮張娘娘偶病范娘娘即惠妃封皇貴妃者

敦復齋藏書

復失寵任娘娘即容妃封皇貴妃者尚誕未生皇第三子時李娘娘間侍先帝寢偶時為范娘娘乞憐客魏偵知之遂矯旨革封絕食飲欲如處裕妃故事仍將內府供用庫管理內官李謙以為成妃用事人也即降發南海子尋矯旨殺之先時成妃見裕妃生生飢死遂平居時凡簷瓦磚縫之中多暗蓄食物至此暗得竊食數日幸客氏逆賢怒少解姑退斥為宮人遷于乾清宮西某所居住僅得幸存至今上登極特復其封號養贍居于慈慶宮之某宮此外馮貴人等或絕食勒死或乘其微疾而暗害之總因偶有違言誤觸客魏所忌而置之死也



在先帝亦末如之何也已矣誰秉內政而恐令至此極也嗚呼

兩朝椒難紀畧第八

敦復齋藏書

正監蒙難紀畧第九

故司禮監掌印太監王公諱安

保

定府雄縣人萬曆六年選入

撥司

禮監為掌印馮太監保名下

天守備

太監杜茂照管杜陝西人耿

時讀書習

倣多嬉玩不勤苦將監坐于櫬上用繩縛監股于桌之

兩傍或書倣不中程或以夏楚故事其嚴督如此及馮

籍沒後監以年幼未經退斥蓋張宏輩卹翼庇護之也

神廟二十年後廉知監學問優博性孤介又有先監矩

密薦遂于光廟未膺冊立之前御點為皇長子伴讀先

廟之乳媪姓曾直隸人也光廟升遐發引後神主虞祭  
回進德門勝曾氏正跪路旁伏塵號痛時禮臣周道登  
等大金吾駱思恭等感嘆之見吏科侯震暘疏光廟生  
母恭妃王老娘娘居景陽宮是以母子同住曾氏毫無  
怠肆光廟髮髻曾氏即出宮不入矣萬曆二十九年春  
光廟移居慈慶從此母此睽隔不相見惟監護保衛之  
功為多及是年十月十五日光廟曆冊立後神廟點涂  
文兆為典璽局郎韓本用為紀事吳進忠為典璽局寫  
字鄒義王安李實等伴讀盧進為典膳張忠劉忠劉朝  
等各為典兵等局官陳應科王輔等為近侍及光廟大

敦復齋藏書

婚禮後講讀漸希佞臣王輔劉朝等日以鼓樂毬馬弓  
矢導引獻諛甚而私向外廷指稱令旨以屬托事情初  
涂文兆與典兵張忠相爭光廟奏聞神廟震怒俱降發  
淨軍墩鎖皇貴妃鄭娘娘再三懇赦後知其曲在張不  
在涂遂復涂原職而張忠遇赦不赦至四十八年始釋  
竟以病廢此張忠非承奉張忠也而涂文兆盧進皆年  
老病卒先是萬曆四十九年王輔有罪被東廠盧太監  
受奏神廟下輔法司獄輔在獄益狂肆不悛復將所使  
小廝捶死夜沉于井事發問絞至天啟六年王體乾奉  
旨大審逆賢力救出之後陞天壽山某陵簽書改姓馬

蓋輔亦監之仇也所以逆賢臭味同焉初光廟在青宮時偶宮人王秋榮縊死先監執欲寔奏神廟而鄒義等恐滋事端遂以病死奏聞于是光廟每憚監嚴直優禮雖加而心踈畏之乙卯五月挺擊時光廟令旨稱本宮云云監視艸也神廟賜光廟銀數千兩以慰之始陞監玉帶監是時已久謝病家居凡遇年節冬至千秋等節或入宮叩見一日半日而已近侍魏朝施大用等皆監名下也朝後改名王國陞管事掌兵仗局印天啟元年為逆賢所害施大用素占風望氣善躲閃得苟存監既萬曆年間頻杜門苛養時沉酣典籍無書不窺每寫扇

敦復齋藏書

送相知士大夫而門多正人凡事多效法先監之所為先監形不魁梧而耳白過面兩目如曙星濶口黑齒然聲甚啞于十步之外人不能聞監頗效其啞蓋拘于惜氣養生之術又以為先監之賢在臯陶之瘖也人多以此少之光廟登極臣輔秉政凡潛邸著勞者各營求美監惟掌中帽局一印而納約自慵知無不言八月初六日周朝瑞疏言慎初三要光廟震怒欲因金花銀兩杖朝瑞賴監力救得降調光廟孝養神廟皇貴妃鄭娘娘于慈慶宮及保全父事神廟管事牌子魏學顏胡進等常雲各陞秩予告及發內帑助邊起鄒元標王德完等

議興大工一月之間善政種種皆監獨力贊導之也監  
為人清癯多病後服人參始漸腴然不甚強壯凡隨侍  
先帝朝講皆賴人扶掖始行初移宮時亦曾聽魏朝之  
言曲救逆賢之命見客魏始末語中監自誓兩目炯炯  
素與文書房金太監忠契厚金所刊御世仁風列監名  
焉逆賢擅政之日此書人皆不敢蓄後金亦蒙今上眷  
注陞秉筆御用監印金性寬緩而監性卞忽然同年契  
愛無踰兩人者也先帝登極月餘客氏寵伊始曾欽賜  
客氏人參一袋約重二三十觔逆賢即攘奪抱赴監直  
房曰天賜富貴叩獻作湯用其趨附諂諛如此監自忖

敦復齋藏書

昌元年八月至天啟元年五月其直房先在乾清門裡  
之西南廊後遷住于隆道閣西小房每稱病靜坐曾蒙  
先帝御書輔朕為仁明之主之字于扇以賜之不常在  
御前或有事但撓拽一至而已凡有文書行事皆趙思  
張永齡等呈稟監不開口明說止于膝上或案上用右  
手食指作畫字寫字形或眼語頤指非久侍者不能通  
其意間不能會意而致怒遭責者比比也初監作伴讀  
時杜任承天守備叔侄曾失和先監每調劑之及監侍  
先帝奏荐杜某舊人多學陞秉筆未久任以老病卒又  
謀欲于留都改葬馮太監骸骨未果而罹禍焉監性雖

峭直嚴急然頗樂道人善凡有寸長者皆不忍泯天啟  
元年三月初興光廟陵工大工秉筆高公諱時明者掌  
內官監印恐不勝任而辭印之第三疏有曰小臣局量  
已盈敬車不能任重云云監擊節賞之曰破車碍着好  
路兒化得妙此誰筆也高公曰本監寫字劉時泰累臣  
原名時泰避光廟年號改此監曰名下果無虛士老公  
宜厚遇之高公至直房隨喚累臣慰勉以銀兩錢幣旌  
之且顧左右曰怎得滿城皇官人都好學讀書如劉長  
官職方喜也又先監矩于萬曆乙巳冬奏請神廟重刊  
大學衍義補至卒後十餘年始刊完累臣曾具單募化

敦復齋藏書

同會之人捐資印造林化一部然化以慰泉下供安一部以  
示永久其單前并言乃己未年

監後見而愛

之遂留置之案側凡夙望多學如邊靜寧趙思諸人間  
指示之曰此我輩中有志懷水人也其獎誘後人如此監  
于天啟元年五月得告既奉旨着掌司禮監印乃眺游  
西山辭不即赴其疏有云臣願領罪不領官等言蓋一  
腔忠憤氣稍不平致小人乘隙攘其印而阻于內又有  
小人建議于外而阻其出仍復構謀陷害以畢其命方  
逆賢欲下手殺監尚懷前救命恩猶豫未忍時王體乾  
亟欲掌印遂以危言動客氏客氏密向逆賢曰外邊或有

人救他聖心若一回你我比西李何如終吃他虧矣賢  
意始決遂降海南子淨軍即陞劉朝南朝子提督令代  
宋太監晉以宋長者不忍殺監而朝敢任之亦以朝平  
素與監不合也朝到任之後遂禁其家人絕其飲食今  
日改調某園明日又改某舖漸漸危迫一二村民不忍  
監餒或暗餉一糕一餅者即痛打遠斥之監飢甚自于  
籬落間搗削菑藏于夜半竊食之又數日不死朝欲邀  
魏客之喜遂密授意于下手者撲而殺之見崇禎元年  
十二月內曹太監化淳等恭丁紹等疏中初監奉有掌  
司禮監印之旨也原擬疏辭奉有溫諭即出不料科臣

敦復齋藏書

霍維華具疏規刺監搢抄揭差名下曹公見高公是時  
高公已居林下頗為咨嗟然已無可奈何又經熊廷弼  
再起赴遼雅敬重監乃鄒都憲元標等后聞監亡咸為  
流涕悼惜也監受窘未<sub>卒</sub>之先秋兩霖霖霏微慘黯天  
日無光怒風悲號高公徐步簷下仰天仰息曰王老爺  
難矣數日復密向內臣曰我夢王老爺青衣小帽來見  
默而不語其必西歸乎主僕私語淚不禁盈盈下恐人  
見隨拭之累臣得舊唐書列傳曰察有張柬之等五人  
不得令終狀誦與高聽又至別讚有曰天為籠去將安  
所更心如刺促收之不忍聽乎至明日聞監果死矣時

辛酉九月二十四日也其名下惠公進臯曹公化淳王公裕民楊公春張公若愚等皆重責酷刑備至凡發南京者晝則墩鎖夜則打更曹公等數人先在北京更鼓房打更不十日亦發南京又文書房趙思張永齡寫字史舖民皆監之經理本章者及監掌家張和等俱被逆賢害死噫惜哉監之為人也器宇嚴毅霍立昂霄始惑魏朝之言力救逆賢之命而認賊為子誤中妖媪之煽遂終為所罔視王體乾為道義卒攘其位而獎其命世事紛亂軫轉誠有出于意料之外者真不可以成敗論英雄也當辛酉五月初高公最先告病候旨詣河邊直

敦復齋藏書

房監尚在官曾具密奏荐留高公內引云未有仁而遺其親未有義而後其君之句高公力止之若此奏曾上則高公必繼監受害豈能至今日哉自光廟寵眷西李老娘娘遠在東李傅兩位老娘娘之上監恒不憚見西李老娘娘未嘗叩也西李老娘娘下用事之李進忠姚進忠劉遜劉尚禮姜昇等諸人招權納賄無所不至既移宮之後便該以正義尊崇神廟昭妃劉老娘娘俾先帝朔望朝謁盡承重之禮凡有應議之事間亦奏請一二事而施行之亟屏退客氏于外而制馭逆賢優以金帛隆其虛御可也乃西李既退而客氏炎炎體乾縮胸



而賢日盛誰作厲階毒痛中外哉于此見監讀書極博  
品極高守極介性極骨鯁有大臣風其寔于經國大之  
體國事之機會不無单板踈漏蓋有未能盡善者焉悲  
夫痛哉當今之世能再得憐才勉學之人如監者誰耶  
人之云亡邦國殄瘁豈非天哉今上登極後即沾恩卹  
崇禎二年夏曹化淳等復具疏催部覆改祠額名復蒙  
聖恩賜祠額曰昭忠為後世榮也監廣交游善貿易靈  
濟宮西有布鋪一處歲出息若干各處房租又若干是  
以雖處青宮冷局二十餘年而財用饒裕未嘗詘也監  
善書好奕奕或輸則必詭著以求勝方已又矜滿孤立

敦復齋藏書

十急馭下頗為知道脫俗者惜之是以知其涵養尚未  
純粹如先監矩也或亦各成其如是而已矣



逆賢亂政紀畧第十

王體乾既掌司禮監印逆賢既竊柄遂陞梁棟諸棟史  
賓裴升張文元為秉筆而殺王太監安復驅逐原選熹  
廟張后之劉克敬於鳳陽而亦矯旨殺之擯退掌東廠  
之沈蔭而畀宋晉驅逐大臣王紀滿朝荐鍾羽正等詞  
臣文震孟等建言劉宗周王心一等託心腹掌班劉滌  
結交閣臣沈淮導上以武暗通索線設立內操差劉朝  
胡良輔紀用等徃山海關送械器實所以開內鎮守之  
基也巧留容氏于內鈐制宮壺先殺先廟之趙選侍後  
殺熹廟之裕妃貴人等如刈草菅又革成妃李娘娘之

封絕食幾死夫以刑餘賤品而專擅無忌悖逆克殘如此名之曰逆不亦宜乎又導引先帝在宮中習放鳥銃天啟二年失記月日有御前煖閣玉進在先帝前放鳥銃銃炸將進左手打得無踪幾死聖駕改陞王進天師庵草場貼場四年六月十一日午時南方有五色雲起一段鮮明良久漸散靈台占曰是為景雲此喜色也又曰文士入用七月 災五年三月內視太學逆賢王體乾擅改儀注凡賜坐大臣不得賜茶逼先帝速還宮至五月十八日祭方澤壇回即幸西苑本日申時後中宮張娘娘已回宮客氏同逆賢共在橋北淺處大舟

敦復齋藏書

上飲樂甚先帝與體乾名下高永壽逆賢名下劉思源皆不過二十餘歲在橋北水最深處泛小舟盪漾上身自刺舡二璫佐之相顧歡笑若登仙然忽風起覆舟俱墮水舡上金火壺酒具盡沒當時兩岸慌忙無人色逆賢客氏手足無措逆賢亦自投水然遠不濟事最先奔走入水救先帝聖駕者管事談敬等也高劉二暨子皆淪斃後贈陞乾清宮管事本年七月十五日逆賢親赴大高玄殿上作法會瞻禮放河燈追荐之蓋擅權縱淫者逆賢而秉筆掌印者體乾也九月先帝賜忠賢客氏各金印一方圓方二寸餘四爪龍鈕王筋篆文印九字分

三行曰欽賜顧命元臣忠賢印曰欽賜奉聖夫人客氏印每顆金幾重二百兩鑄印者御用監也篆字者中書也鍤金龍印盒則內官監也先是萬曆年間乾清宮坤寧宮災皇后之寶被焚及四十二年福藩之國中宮例有與王妃戒諭一道須用寶鈐識垂之久遠神廟軫念匱乏命御監用以梨木雕刻代用之模篆者中書謝稷也終孝瑞顯皇后中宮竟未補造是時體乾等損忘之耶今諛逆賢乳媪而屑越濫賞殊可惜焉又天啟六年夏體乾等奉勅到法司大熱審忍悖祖宗欽恤之意重笞戚臣李承恩五十以博逆賢一笑其開廷杖之端令

敦復齋藏書

加力打萬工部環吳御史裕中斃于杖下皆衆耳衆目所共知者至于逆賢名下之掌家王朝用係體乾結義契厚同年兄弟所以逆賢擅政而體乾安二十四款等疏上而逆賢安及逆賢事敗籍沒其無辜株連者比比而朝用復安無非彼此庇護網漏吞舟是之謂已按南樂相公之通內也寔自天啟四年十月初一日享太廟遲誤被臺省叅劾遂生生逼上陽關道始與逆賢通焉凡有書札皆用閣揭摺子親筆行書外貼南紅紙簽題曰內閣家報釘封鈐白魏廣微印送至惜薪司掌家王朝用朝用仍加封識畫花押羞心腹官人賫送逆賢直

房係李朝欽掌收而李永貞召元雅涂文輔念與逆賢聽各命家下官人照將姓名抄小楷摺子藏于袖中崔呈秀之通內也始自呈秀之舊居停許秉彝道引凡有字帖及點將錄同志錄天鑿錄俱將原本付朝欽掌而永貞元雅文輔亦各命照抄小楷摺子藏於袖中每日早齊付逆賢直房按名面話今日陞官本內有無摺子姓名叅官本內有無摺子姓名面同簡舉罔敢異同其永貞之摺則累臣所代抄謄者也是以目擊最真蓋傳遞線索捷如抱鼓秉彝係元雅掌家內官監理大工權攢各省大木者也朝用以逆賢掌家帶銜乾清宮管事

敦復齋藏書

凡永貞元雅文輔及劉應坤王朝輔孫進等每日見朝用即叩首稱老叔其任王永祿亦奏廢至都督同知則勢焰可知也逆賢奢侈性成服飾僭制出外戴束髮冠端陽懸珍珠牌纒而內織染局之掌印齊良臣及南京守備楊國瑞等劉文耀胡良輔胡濱等各代為綉造或褻衣袂褲而金線蟒龍或方補戎衣而蒼龍頭角較籓王止欠一爪比御服僅讓柘黃至于按節令應景製造更從古以來所未有者而晏然服飾恬不為怪且性貪饕善飲啗尤好啗犬涂文輔或管事劉忠每日鄉里間烹來于乾清宮大殿之內以享逆賢既飽飲令其衆名

下手奪口噉酒與立盡以為笑樂說者曰殿內有神明  
逆賢了不畏懼其恣肆傲誕如此

逆賢亂政紀畧第十

敦復齋藏書

外廷線索紀畧第十一

天啟四年三月十九日科臣傅櫬叅汪文言既逮詔繫  
獄罪不可測計無所出至五月二十九日憲臣楊漣叅  
逆賢二十四罪之疏上矣奉聖夫人客氏者先帝之乳  
媪也久與逆賢私司禮監掌印王體乾柔佞貪狠實黨  
附逆賢之元兇戎首賊害椒神之主盟國老也與客氏  
日在御前替逆賢巧法庇覆軟語乞憐而秉筆李永貞  
等復幫助之凡文武大小七十餘疏槩置不聽賢既得  
瓦全便從此改心放手為惡無復忌憚寔楊公此疏激  
成之也其後將體乾名下李晉陞秉筆田玉璽正陽門



提督奉永貞掌巾帽局印石元雅掌針工局印涂文輔  
掌御馬監印而文書房之王敏政李守質楊國瑞等各  
賞有差皆酬保安之勞賢之掌班紀用及劉應坤後差  
往遼東亦所以酬之也崑山顧相公等因楊公疏有門  
生閣老字樣南樂魏相公于是年孟冬之朔又失誤享  
廟大典遂與外廷大相水火乃以己意用筆墨間點緝  
紳便覽一冊極重者三點次者二點又次者一點閣部  
詞林撫葉向高韓爌等何如寵錢謙益成基命繆昌期  
姚希孟陳子壯侯恪等趙南星高攀龍楊連左光斗魏  
大中黃尊素周宗建李應昇等約六七十員密付逆贖

敦復齋藏書

皆目為邪黨託逆賢于御前借事擯斥而崑山 居然  
首揆矣體乾倡言開廷杖時原欲杖林御史汝翥以危  
福清林逃未獲偶值皇第三子逝之變工部郎萬燦適  
際其毒批此本者李永貞從吏御筆改此票者體乾阿  
逆賢也天啟五年十二月又杖斃吳御史裕中凡在午  
門前喝令重打屢換人尚嫌輕者體乾輩初替崔呈秀  
傳遞線索者許秉彝也其年十二月復逮汪文言至五  
年春大工興後興賢指稱看工催工名色無日不與呈  
秀面會即屏人密語移時方散或授受害者姓名如天  
鑒等錄之類逆賢奉為聖書心甚悅之以為崔家癩我

替我設法報讐出氣也一時捏詞獻諛入告者梁夢環  
李魯生曹欽程等也五日一比追贖之嚴旨四六駢儷  
之溫旨皆崑山等所票擬也閣中俱有底簿可攷中書  
官可証也凡逆賢良卿之獎勅誥券文皆內閣詞臣撰  
擬用紅掩面揭奏閣有底簿可攷也凡內府衙門及閣  
揭搭票一應中旨創草者王體乾李永貞涂文輔也甲  
子之冬南樂魏相公既手點繕紳便覽一本又手寫所  
欲起用之人黃克縉王紹徽王永光徐大化霍維華阮  
大鍼等五六十員各加三圈二圈不等密付逆賢目為  
正人陸續點用至乙丑之後崔呈秀密付逆賢之天鑒

敦復齋藏書

錄者首列東林渠魁葉向高韓爌孫承宗劉一燝趙南  
星楊漣惠世揚高攀龍左光斗孫居相李邦華喬允升  
王洽曹于汴李騰芳錢謙益姚希孟等次列東林脅從  
孫鼎相徐良彥熊明遇沈維炳熊奮渭甄淑等其後列  
真為國不附東林顧秉謙魏廣微王紹徽王永光霍維  
華徐大化周應秋薛貞崔呈秀閻鳴泰王在晉楊維垣  
卓邁倪文煥李魯生吳淳夫孫國楨劉廷元开詩教等  
若干人同志錄者首列輔臣詞林部院諸臣卿等則陳  
宗器韓繼思易應昌張澹等臺省則黃尊素李應升劉  
芳張慎言惠世揚房可壯章允儒劉弘化蔣允儀侯恂

游士任等部即常傳則賀烺令改名世壽張光前孫必顯汪始亨等藩臬俱失記任子肯即武弁則趙隆美許念敬張念堂即張懋忠等若干人最狠最重者三圈次者二圈輕者一圈也點將錄者曰天罡星托塔天王李三才及時兩葉向高天巧星浪子錢謙益聖手書生文震孟白面郎君鄭鄴霹靂火惠世揚鼓上蚤汪文言大刀楊漣智多星繆昌期等共三十六人地煞星神機軍師顧大章旱地忽律游士任等共七十二人原不曾詳開姓名計魏廣微點的便覽談處的並親寫談用的黃克績等六七十人即付永貞元雅文輔抄小摺摺子又

敦復齋藏書

崔呈秀遞入點將錄同志錄天鑒錄並東林姓名共四個摺子只永貞元雅文輔三人各袖藏一本御前傳出削處某人人多驚訝以為聖上怎就知道某係邪黨某係門戶某係熊廷弼姻家某係劉鐸宗族某係程子只當是東廠密奏事件其後年月漸久逆賢李朝欽李石涂亦不甚避人凡行一事即公然曰某係某錄某摺有名各家官人始知所由來體乾永貞身在事中累臣亦目擊耳聞最悉恨彼時不曾設法暗抄下全名為今日印証耳自逆賢擅政從來先帝中旨非由一路而至如關靡兄長如寶璽呈祥如元亮已放如遼東復內

臣鎮守如處各省考官之類則崑山南樂稿也如朕方云云而曰云云以擠去南樂如纂修三索引祖宗設立紅牌一節皆崔呈秀等稿也如先日拏汪文言及擠蒲州之去拒高陽之朝皆崑山謀首輔之線索南樂擯高陽之狠著也譬如鎖未至而鑰已密入捷如枹鼓外廷何由而知耶天啟六年春諫止內臣鎮守者貴池丁相公有卑疏力言不可以為分將吏之精神害一掣戰守之肘害二文武相害陰喉鼓噪害三維請兵請餉一利查功查罪利二然關門之計不過一言申嚴軍令而已我太祖禁內臣不得典兵世廟罷除鎮守等語而體乾逆

敦復齋藏書

賢憎之遂奏請先帝留中不報凡留中之本各用白套裝盛寫職名註誤年月于外收于御前大鑿櫃內天啟七年八月二十二日先帝賓天二十三日聞御前燒毀字紙甚多想同時一概焚之矣各人或有疏草也涿州馮相公票擬樞臣王承光復差內臣鎮守疏時亦曾具揭力諫然非特疏如貴池所奏也凡彼時閣中送票者文書房李守質楊國瑞王敏政翟國楨等奉匣者侯保山馬昇張完赤等也每至閣中有話硬傳全無敬禮輔臣之體初南樂欲專政遂于告病之際求逆賢密奏先帝時諭分票商量又引世廟時必不敢如此等語又托

逆賢請先帝照神廟時故事用一筆勾法將門戶之人  
按所點便覽勾去此事皆李魯生造謀也至于呂維祺  
張宗衡皆不與南樂同心也又吏部文選司謝陞起用  
到京見光景不好遂勉完一選潔身勇退且以書勸南  
樂停止中旨大拂南樂逆賢之意李魯生是以有旨不  
從中出而何出哉之疏也又史記事黃汝良亦各有書  
以大義責南樂咸拒而不納也此三事永貞于逆賢處  
見過原書愛其辭氣袖到直房曾着墨臣抄謄皆寔事  
也乙丑春闈崑山南樂入場主考于二月十五前後南  
都臺臣楊棟朝有本糾恭王之臣先是南樂所寫欲起

敦復齋藏書

用五六十人之內惟之臣姓名有四圈餘者一二三圈  
而已逆賢力奏先帝遂口傳特留此寔從來異數緣之  
臣邊才不易得也又萬曆丙辰進士劉鐸江右名士博  
學善書廷試日偶飲酒過當將試卷多寫踰格排列不  
下讀卷諸臣銜名遂失昂甲人多惜之歷任刑部郎中  
天啟乙丑秋陞揚州知府其在京時曾與檀旃寺矮僧  
本福往來僧求鐸寫扇數把適未印圖書後差家人持  
圖書到本福處于扇上補用而廣東歐陽暉者亦久與  
本福來往偶到寺用拜帖紙寫詩三首內多怨望失平  
鐸僕不解字容本福將鐸圖書鈐暉詩尾紙粘之屋壁上被

錦衣人偵知揭詩參鐸會倪御史文煥等憐鐸在揚嚴  
明遂托崔呈秀喉逆賢矯旨下獄到獄後詳詩句內有  
彈射逐臣等字樣鐸係陞遷官大不等始知圖書雖鐸  
姓名而詩則歐陽暉作也遂復逮暉面盾與鐸無干得  
復任初鐸繫獄時見戚臣李承恩擬辟丙寅熱審又被  
王體乾狠打五十心竊憐之密與方御史震儒極力營  
救益觸逆賢之怒時巡捕營把總谷應選者王體乾之  
侄婿也與提督張體乾復巧砌羅織成獄刑部尚書薛  
貞將鐸責二十五板援咀呪祖父母律立決于市今上崇  
禎元年夏張體乾谷應選俱正法二年秋後倪文煥決

敦復齋藏書

于西市四年九月薛貞庚死于獄中外始快其服罪云

外廷線索紀畧第十一

外廷線索紀畧

七



各家經營紀畧第十二

王體乾名下管文書官人薛光祚天壽某陵掌印今間  
住田玉曾任文書房間住逆賢陞玉為正陽門提督天  
啟七年十一月陞秉筆今間住趙本政曾任乾清宮管  
事掌尚衣監印日在御前後為李永貞所忌差往高橋  
督督修闕帝廟工程今上登極復管事間住劉文忠曾  
任文書房間住又任大同監視謫南京為民已上三人  
俱文書房掌文書寫字出身李晉正陽門提督天啟四  
年夏逆賢陞晉秉筆間住並田玉等三人俱于崇禎十  
二年籍沒體乾時株連下刑部獄坐斬十三年冬體乾



庚死十四年夏晉等四人遇赦俱改充軍本政已斷葷酒皈依釋氏居然一頭陀也何失其名陳失其名馬號文軒失其名鮑永吉曾任暖閣殿退出因籍沒體乾時馬鮑二人逮東廠俱被督廠李太監承芳刑斃于獄其司禮監名下則田維曾任典簿護送桂藩之國今閒住樊秉忠張宗素等若干人也凡在先帝御前牌子如高永壽任昇等不脛載也逆賢下管文書房念本章念東廠事件寫各邊諭帖等項官人劉榮曾任兵仗局管理在局居住今故苗全曾侍李太監浚及先監矩後任懋勤殿煖殿宮內教書又侍宋太監晉劉文正故紀用曾任

敦復齋藏書

遼東鎮守錦州蘇雄原係文書房掌文書出身今故陳福壽原係文書房出身掌文書在鐵獅子衛衙住夏鑑曾任宮內教書入門日淺遠不及蘓陳二人也李朝欽今故裴有聲降發南京今為民李失其名別號秀才馬陞原是文書房捧匣出身別號馬長子曾任惜薪司總理今發南京改為民諸蠻子江西人失其名其司禮監名下則趙秉彝孟忠金良輔劉應坤石元雅涂文輔孫進王朝輔楊國瑞蘇應宣丘洪緒李守質李應詔劉興等若干人其在先帝御前做官掌各衙門印及外方鎮守者俱畧載逆賢羽翼歛中梁棟下管文書官人趙奉馮

失其名司禮監名下翟國楨等若干人也李永貞下管  
文書官人孫光祚原文書房寫手出身今侍王公文正  
吳有兆曾任乾清宮牌子今改劉若愚今係獄擬斬後  
蒙改絞今在獄丁紹呂內官監理管大工領勅有名今  
侍司禮監印掌高公時明賈如皋等俱曾與劉若愚打  
發永貞批文書或勅輪流抄謄之役者也其掌家則王  
成德崇禎元年六月追賊畢降更鼓房淨軍今故石元  
雅下掌家許秉彝曾任內官監管理天啟元年冬降淨  
軍發鳳陽陳應祥號雲麓今見任侍殿王公允祚今陞乾  
清宮管事黃國祥曾任文書房閒住故餘不知姓名涂

敦復齋藏書

文輔下管文書房官人劉秉德曾任煖殿今退出張國  
寧曾任管櫃子近侍今侍金公忠殷良弼曾任宮內教  
書今侍掌應高公時明教餘尚三二人不記姓名也凡  
點將等三錄有名或密帖有名之人遇陞官或叅官本  
內有名者則自乾清宮大殿內發下片紙各直房官人  
即于進士履歷及縉紳便覽查寫是誰門生父是誰那  
里人那科出身抄帖回報以聽施行一日欲處錢受益  
以為錢謙益之兄弟也又一日欲處黃願素以為黃尊  
素之昆仲也各直房執事官細查籍貫父母姓名逆賢  
始知其不相干也本凡每日票本各秉筆分到直房即管

文書者打發本管公公每本照閣中原票用硃筆騰批  
事奏過纔發行此係皇祖以來累朝舊規非止今日一  
家一人如此也自李朝欽裴有聲馬陞涂文輔丁紹呂  
賈如高許秉彝陳應祥殷良弼諸人俱于各直房曾見  
過甲子冬魏廣微黑筆所點緝紳便覽及親筆所寫應  
起用黃克纘等六七十姓名並乙丑之後崔呈秀所遞  
東林姓名天鑿錄點將錄同志錄各摺子姓名者也其  
摺子五六種俱永貞卧房內收非若愚等掌管也如諸  
摺字子姓名並墨筆所點進紳便覽果出自永貞若愚捏  
造便駢戮所甘但寔自外廷遞入若愚以猜防踈斥之

敦復齋藏書

人勦輪流抄謄賤役始則懸坐曰左使後復懸坐曰加  
功至崇禎十四年春遇皇恩大赦于大理寺會審明明  
白白蒙內閣范註若愚有詞復遺落姓名不覆及將撤  
潑狠罵之石騰鵬為首打滾放刁恣肆混鬧之申得忠  
增入此二人者似皆不曾註有詞者也乃俱狡潑得生  
可謂有天日王法也耶

各家經管紀畧第十二

各家經管紀畧

四



本章經手次第第十三

凡每日通政使司封本到文書房回知該正公公即付掌文書周近侍進朝等折開口占註語節畧旁有寫手一人執筆草稿文書單畢連本付捧匣者如侯保山李黑子張大漢等失其名請本至乾清宮大殿內付王體乾梁棟李永貞石元雅涂文輔分投互看凡有要緊處即鈐濶一寸許白紙條復于本上下空紙處用指甲掐一痕有應闕白逆賢者永貞三人爭先朗誦體乾助為講解逆賢聽畢方公同商議區處遵奉南樂相公及崔呈秀等密遞姓名暗著數行事每日閣中封來票本亦文

書房拆開呈體乾等照前分投互看如不合逆賢意有應改者及本內有錯字或稱頌逆賢談出溫旨者亦各鈐紙條指痕為記又每日申時後會極門接得實封文書文書房轉呈體乾等亦先于大殿拆看如遇有涉前項密遞線索姓名亦各鈐紙條指痕為記以便次日早奏請施行除體乾等五人之外絕無人敢擅指痕鈐紙條者其紙條于傳票改票時即除去而凡指痕之本今存各科可驗者也已上通本票本乃晝間事惟會極門封本雖衆官大殿內看過尚恐未徧未詳捧匣者又自日暮為始先到日精門體乾直房次到西南攔角逆賢

敦復齋藏書

直房次過月華門到梁棟直房到石元雅直房到涂文輔直房次再過仁蕩門到李貞直房各家都有經管文書識字官人如若愚之類者立于桌傍一本一本打發各家本管公公細查看或延至二更三更始完惟在文書多寡何如捧匣者宮中亦有直房一間每日晚間膳房例給酒食繼給每夜文書看完方由仁德門縫叫應門外官人將門縫拭淨裏外各執燈籠查數遞出文書房談班衆公公看過仍交與掌文書周近侍等并寫手官人從新燈下開寫傳當于五更攢點頭次宮開又都將是日早事應奏文書至日精門體乾直房復加查看

通本若干票本若干批紅諛發若干此至天將明仍復  
全到是日諛正秉筆直房亦查看一周每晨奏先帝覽  
文書時逆賢永貞元雅文輔先將應處應點姓名及應  
改票帖俱托體乾口奏曰萬歲某係門戶諛處某票某  
字諛改或從史先帝御筆親改惟梁棟不經管魏廣微  
崔呈秀等言而逆賢不識字從來不批文書不輪沆諛  
正然頗有記性只在御前贊揚附和植黨徇私或危言  
言冷語挑激聖怒凡奏文書之時管事牌子皆屏息遠  
侍不敢近前至于一本一本口奏姓名黨逆朋比者王  
體乾也幫助逆賢查姓名者李永貞石元雅涂文輔三

敦復齋藏書

人也其秉筆梁棟孫進郝隱儒俱不能干預一字也其  
贊逆賢執掌收藏姓名原本及外來稞帖者李朝欽而  
造謀殺命秘遞線索害人者魏廣微崔呈秀也一切削  
奪勒限追贓諸嚴旨皆內閣顧秉謙等票擬非中旨也  
見有閣中底簿中書官可証也擠蒲州烏城聊城者南  
樂也擠南樂者又崔呈秀也詔獄鍛鍊承指下手者許  
顯純也謀興大獄私圖報復者呈秀徐大化霍維華等  
也殺義僕韓三欲構成賄案牽連蒲州者楊維垣等也  
維垣雖以中旨起官而未甚大者因為替座師徐紹古  
攘戶部左侍郎缺為南樂銜之而曾向逆賢譖之也危

哉狠哉至今言之猶令人色變心顫按南樂既罷相臨  
行時亦俱厚禮于逆賢體乾等其扇上親寫詩曰秋雨  
沉沉夜未央薊門有客欲還鄉關心廟社愁先結洒淚  
君臣念不忘蒼狗白雲仍變幻傾葵捧日但悲傷故人  
回首雙龍遠離思從隨潞水長及抵里仍各以厚餽彌  
縫之恐呈秀等下石也

本章經手次第第十三

敦復齋藏書





客魏始末紀畧第十四

魏忠賢原名李進忠直隸肅寧縣亡賴子也父魏志敏母劉氏妻馮氏生女魏氏嫁楊六奇者是也賢無子家貧自宮妻改適他友人存萬曆一十七年選入隸司禮監秉筆掌東廠大監孫進名下派與御馬監劉吉祥照管劉之墓今在碧雲寺北山坡者是也後復本姓曰魏進忠中官規矩本官者視甲科之大主考照管老叔者視房考同官者視同門本官之于名下照管之于姪子猶座師之于門生亦若父子焉忠賢少孤貧好色賭博能飲啗嘻笑喜解衣馳馬右手執弓左手擊絃射多

奇中不識字人多以傻子稱之亦擔當能斷顧猜狠自用喜事尚諛是其短也素好僧敬佛宣武門外柳巷文殊庵之僧秋月及高橋之僧愈光法名大謙者乃賢禮之名衲也如碧雲寺僧則酒肉勢利不足齒矣徐應元亦孫暹之名下也與賢同年神廟時四川稅監丘乘雲孫暹掌家又徐貴者亦暹名下于賢為前輩而為乘雲在京掌家逆賢實與應元趙進教為嫖友呼盧飲博周論晝夜逆賢因囊橐乏遂遠赴四川見乘雲為抽豐計徐貴備將賢亡賴狀已由報房中先布之賢不知也及到丘大怒訶罵倒鎖賢空室中絕食飲欲斃之時僧秋

敦復齋藏書

月游蜀偶見丘是時賢不食已三日僧力為勸解丘勉從之僅給路費銀十兩遣回僧憐賢貧仍為致書馬謙囑令厚遇之謙以嘉靖四十一年選入歷陞內官監總理又皇貴妃鄭娘娘下宮人林廷宦女謙所侍也最有時道凡賢用乏謙每資助之徐貴又在京具揭先監處以魏某私住四川云云乞行重治亦賴謙救止之賢自此在甲字庫漸裕掌庫李宗政賢之前輩也光廟在青宮淡薄先帝既誕之後生母才人王老娘娘無人辦膳賢遂蚤緣入宮辦才人娘娘及先帝之膳其介紹引進者近侍魏朝朝乃王太監安名下光廟久寵信之安素

剛正主持一宮事魏朝朝夕譽賢安為朝所惑頗信之朝初與先帝之乳媪客氏暗相厚所以侍安及答應光廟多不暇而賢遂乘間亦暗與客氏相厚分朝愛焉賢性狡猾指稱辦膳為名于十庫諸內臣如葉張等皆騙其食料醢醬或財物玩好以至非時菓品花卉之類必巧營取之而轉獻光廟先帝以固寵也及才人娘娘崩東李老娘娘位列在前時西李老娘娘擅專宮之寵固要光廟奏請神廟又密懇皇妃鄭老娘娘奏請神廟將先帝托西李老娘娘看管又今上已屬看管并西老娘娘所生皇八妹者共乳媪三人在宮客氏原先與魏朝

敦復齋藏書

厚既暗與逆賢最厚一穴兩蛟爭競必至而朝之為人也佻而踈賢之為人也慙而壯泰昌元年八月初一日光廟登極擬冊立先帝為東宮是時逆賢列庫銜暗與客氏深謀遂相與刻意擁戴王太監安而客氏又巧逢迎之無不可者遂充東宮典膳局官此客氏力也九月初一日光廟升遐先帝暫居慈慶宮科臣楊漣時為給諫疏叅及逆賢賢無措泣懇魏朝朝在王太監前力營救之遂得旨着司禮監查明具奏賢先年原名李進忠遂將西李娘娘下用事之李進忠算作一人以欺外廷其實皆朝力也朝與賢既客氏私人曾結盟誓為兄弟

賢居長而朝顧次之稱曰大魏二魏及先帝即位數月  
兩人因寵漸相媚嫉于乾清宮煖閣內醉罵相嚷時漏  
將丙夜先帝已安寢而突自御前闕起司禮監掌印盧  
受東廠鄒義秉筆王安李寔王體乾高時明沈蔭宋晉  
等皆驚起是時逆賢已陞秉筆掌惜薪司印魏朝已改  
名王國臣陞乾清宮管事掌兵仗局並跪御前聽處分  
盧受鄒義等侍側衆咸知爭忿由客氏起也先帝玉音  
問客氏曰客奶你只說你處心要着誰替你管事我替  
你新客氏久厭國臣猥薄而樂逆賢慙猛好武不識字  
之人朴寔易制遂心向逆賢而王太監安久中客氏逆

敦復齋藏書

賢諛媚且心惡名下之人作此醜態遂打國臣一掌勒  
令告病往兵仗局調理離御前矣此時逆賢尚名魏進  
忠始得專管客氏事從斯無避忌先帝端拱于上惟客  
魏之言是聽而尾大不掉之患成焉後國臣被斥逆賢  
矯旨發鳳陽在逃復于薊北山寺中摻獲使人于中途  
邀截至獻縣縊殺之按國臣保衛先帝聖躬最先曾共  
卧起頗著勞及登極後晉秩貴近御筆改復姓名特掌  
美印受寵眷不在賢下嗟哉王太監安何不留國臣以  
制逆賢或不然就将賢與國臣坐以驚御之罪而一併  
先黜候大婚禮成優客氏以金帛而亦黜之外豈何明

于防西李老娘娘之垂簾而昧于防客氏之媵橫也嗚呼知經而未知權耶抑拘理而寡于術耶奈何自剪爪牙束身入井歿遺身後禍及椒紳王夷甫諸人真不能辭其責矣千古之下有餘痛也初天啟元年四川稅監丘乘雲撤回京賢差外司房李茂春號完素者遠迎至畿南丘賞銀三十兩李先入隆宗門外直房回話賢為之落淚曰我先年被徐貴譖害止給我十兩盤費今賞你如此便三倍我了歎息者久之其後徐貴竟為賢所害而丘之令終復賴賢喪葬如禮中外榮之初祖宗舊制于乾清宮東設房五所西設房五所係有名封大宮

敦復齋藏書

婢所住所以正名分嚴等威也泰昌元年冬客氏遷乾西二所先帝親臨為之移居陞座宴飲鍾鼓司官丘印等扮戲承應司禮監盧受鄒義守居而王安王體乾高時明沈蔭宋晉隨時另設吃膳處所于內側室猶孔聖之四配焉客氏自此在宮中乘小轎撥內官近侍擡走儼如先帝嬪妃之禮缺一青紗傘蓋而茵褥精美為最勝也天啟四年後改住咸安宮各衙門答應錢糧比御前更喫緊夏則大涼棚冰無算也冬則大地坑炭無量也其驕奢僭踰真日異而月不同凡客氏生日先帝亦必臨幸陞座歡宴賞賜無限每日先帝所進之膳皆客

氏下內官造辦名曰老大家膳聖意頗甘之舊制司禮  
監掌印掌東廠秉筆大膳房遵照祖宗制造辦之膳酒  
乃只為具文備賞用而已希進御也初王體乾宋晉魏  
進忠三家每月換辦膳天啟元年進忠改名忠賢四年  
以後便是王體乾魏忠賢李永貞三家輪流辦之遇閏  
月則各四十日筭之惟客氏常辦共四家矣每家經  
管造辦膳羞掌家等官數十員造酒醋醬等項并葷素  
各局外廚役將數百人此紫禁城之外者至于乾清宮  
以內則每家各有領膳煖殿四員管果酒煖殿二員請  
膳近侍四五十員已上皆穿紅者也又司房管庫房湯

敦復齋藏書

局葷局素局點心局乾碟局手盒局涼湯局水膳局饌  
膳局管柴炭及搗膳又共內官百餘員若愚係永貞項  
下管文書兼管膳掌班欽賞花名可証也可此皆係外衙  
門穿青者也按先帝所進之酒曰秋露白曰荷花蕊曰  
佛手湯曰桂花醞曰菊花漿曰芙蓉液曰君子湯曰蘭  
花飲曰金盤露等名色可五六十種皆先朝舊臣戚魏  
士望傳方佐逆賢外宅造辦而轉于御茶進之大工告  
成陞士望玉帶實酬其醞釀力也按御茶房職司上用  
茶酒閒雜人無敢輕入者逆賢擅政自王體乾起至煖  
殿近侍止俱得私向茶房索酒喫而答應客氏逆賢體

客魏始末紀畧

乾等器具是筋如私人焉又弓箭房秩次之亦皆容魏  
私人所據司御前弓矢以備非常逆賢善射好蹴鞠跑  
馬先帝好馳馬好看武戲又極好作水戲用大木桶大  
銅缸之類鑿孔創機啟閉灌輸或湧瀉如噴珠或漸流  
如瀑布或使伏機于下借水力衝湧圓木毬如核桃大  
者于水湧之小大盤旋宛轉隨高隨下久而不墮視為  
戲笑皆出人意表逆賢客氏唱采贊美天縱聰明非人  
力也聖性又好蓋房凡自操斧鋸鑿削即巧匠不能及  
又好油漆匠凡手使器具皆御用監內官監辦用先帝  
與親匿近臣如涂文輔葛九思杜永明王秉恭胡明佐

敦復齋藏書

齊良臣李本忠張應詔高永壽等朝夕營造成而喜喜  
不久而棄棄而又成不厭倦也且不爱成器不惜天物  
任暴殄改毀惟快聖意片時之適當其斤斲刀削解服  
盤礴非素暱近者不得窺視或有緊切本章體乾等奏  
事奏文書一邊經營鄙事一邊傾耳聽注奏請畢玉音  
即曰你門用心行去我知道了所以太阿之柄下移南  
樂荊州東光輦及在京之徐大化等派線索如枹鼓之  
捷應也先帝每營造得意即膳飲可忘寒暑罔覺可惜  
玉體之心思精力盡費于此然皇極等三殿落成于天  
啟之年肯堂肯構先帝之好去木豈亦天啟其朕兆耶

柳逆賢之幹濟才智刻意督催之迹或藉此以難泯即  
按萬曆中年乾清坤寧兩宮告成神廟命正一真人張  
國祥率道侶數十人于宮中啟建黃籙大醮聖誠格天  
曾感群鶴飛鳴旋遶之瑞至皇極等大殿告成逆賢等  
只圖蔭賚為己榮耳又祖宗舊制凡萬歲聖節中宮千  
秋皇貴妃千秋則凡內執事宮人併王體等及山陵等  
處內官各有賞例每銀一兩以上六年十月初旬值中宮  
張娘娘千秋適先帝欲幸內教場圍獵聖心最好手刺  
獐狼狐兔以為樂是日張娘娘不肯出廷至辰時以後  
方始同出止畧散銀杖箇竟累年未批賞非舊典也逆

敦復齋藏書

賢生于戊辰正月晦日自元宵節後送壽禮者做法事  
祝延僉字者每早乾清宮西丹墀几滿將至正日綬帶  
擠擊挨摩之聲鏗然有擠傷衣帶腿足者千歲千千歲  
之聲殷訇若雷而從來盈滿驕橫光景未之有也逆賢  
早起漱口自擊銀盃盃之聲力重大響即宸居咫尺了  
不畏也緋袍玉帶充滿道路高明之家鬼瞰其室盛衰  
平陂理何逃焉逆賢自泰昌元年冬陞秉筆凡不識而  
躡躡秉筆者穆廟時孟冲神廟時張冲先帝時魏忠賢  
孫進王朝輔等數人而已天啟初年逆賢即掌惜薪司  
內府供用庫尚膳監印提督保和等店天啟三年十二



月掌東廠前後獎勅數十道溫旨無算也七年十一月  
廿六日准告病十二月初二日降淨軍發鳳陽初六日  
行至<sup>寧</sup>城縣南關夜半與心腹名下李朝欽同縊死于  
旅店崇禎元年二月十一日諫御史卓邁等遵奉明旨  
將逆賢原尸磔之梟首于河間西門之外天下快之猶  
恨其不生正典刑也凡司禮監掌印秉筆非奉公事不  
敢出王體乾提督禮儀房四仲之月得奉差選嫁口寅  
出申回不至過宿只曾往京北沙河故里祭掃始過一  
宿天啟元年二月逆賢雖出外尚未敢數尚未敢遠至  
四年以後外廷暗助羽翼已成伏客氏王體乾李永貞

敦復齋藏書

石元雅涂文輔在內遂遠至涿州等處天壽山春秋二  
次祭孝和王老娘娘畢即詣西山碧雲寺祭本官孫暹  
及照管老叔劉吉祥墓或遠至瑠玕河看工祭水或至  
大壩馬房相度修城無非巧立名色招搖畿輔以恣馳  
騁明得意耳凡出外之日先期十數日庀治儲候于傳  
驛之所齋帶常賜銀錢絡繹不絕小民戶設香案插楊  
柳枝野花焚香跪接冠蓋車馬繽紛奔赴若雷若雷塵  
障天而聲動地有狂奔死者有擠踏死者燕京若干大  
都人馬顧貨殆盡凡達官戲子蹴鞠厨役打茶牢役趕  
馬擡槓之人其數不止數萬每遇逆賢遠出則市中街

蒼寂然空虛頓異尋常者將數日焉大約外廷之欲親  
矣逆賢內廷之獻諛乞憐者凡四人之轎將數百乘矣  
怒馬鮮衣束玉而為之前後追趨左右擁護者又百千  
餘矣跑馬射響箭鳴鏑之聲不絕于耳鼓樂笙管數十  
罕見也逆賢坐八人大轎前用騾二頭或四頭拉拽之  
疾如飛焉逆賢飽則正坐倦則卧醉則憑軾兩眼迷離  
不知行至何處畿南一帶素苦泥濘難行賢為為捐資  
修築廣建橋梁隄若長虹至今便之凡御前有本有要  
繫之事先時專托劉榮紀用涂文輔等後則托之李永

敦復齋藏書

貞石元雅涂文輔等各派能幹之人站馬疾馳即百里  
之遠一日可再往也都城東有故監劉永成之墓寧晉  
伯之伯祖也逆賢嘗便道一展拜而奏請新之此時魏良  
卿尚未封伯蓋私視其規模為良卿封伯計耳逆賢有  
名馬千餘騾數百皆邊弁梁柱朝楊國棟馬世寵滿桂  
侯世祿尤世威及督臣王象乾閻鳴泰劉詔等送之楊  
國棟者逆賢名下牌子曹承恩之姊夫也梁柱朝者逆  
賢名下暖殿胡國用之姪壻也凡所送之馬鞍韉精好每  
具何止百餘金不過剝軍餉占軍匠以辦之為一已功  
名地可嘆可恨其後李永貞出外往西山北山通灣亦

如逆賢之疾行奢侈而馬亦多跑死其雨泥暴殄不惜小情更甚于逆賢也凡體乾永貞元雅又輔出外而林下大老公如高如沈如米各有重犒之禮以諛之槩不收也崔呈秀素與許秉彝契厚如同胞始得與逆賢結交秉彝力也又有李魯生李蕃先掃高樂之門後入涿州之幕見涿州不能久任則又與崔呈秀比為首行贊美重修肅寧城垣者呈秀也誇詡大壩城垣者巡青之李魯也生因媚賢而又媚永貞著通州造扁送至永貞富莊胡老人等未敢懸掛永貞拒而不納人皆笑而鄙之者李蕃也永貞之任李之旺得考入通州學令郊北關

敦復齋藏書

應試者蕃力居多與逆賢閣家看風水推星命規造墳地府第妄言禍福無所不至者方弘蔭也書寫圍屏扇畫者素志學許賓周楊善等也書寫皇極等殿文昭等閣牌額者顧承宗顧名遠也凡逆賢一應辭恩廕等項奏本皆心腹外司房李茂春或東廠外寫字掌班耿良臣孔應鰲創稿李朝欽念與逆賢聽有不合意處賢授意朝欽改正寫真則東廠閔司房等也○逆媪客氏者定興縣民侯二之妻生一子曰國興娶不多年泰昌元年冬封奉聖夫人先住乾西二所後住咸安宮每日天將明即至殿內候先帝聖駕醒始至御前甲夜後回咸安

宮其鳳彩門亦有直房凡逆賢往宮相見時必將宮人  
官人屏開語秘不得聞然上危中宮皇后及裕妃張娘  
娘等獨用王體乾殺王太監安王國臣等皆客氏造謀  
也其母老矣彼時尚在每以惜福持滿戒勸客氏不聽  
凡客氏于天啟元年某月間中旨慰留者皆體乾力也  
七年九月初三日奏懇今上准歸私第其夜五更開宮  
門之後客氏衰服赴仁智殿先帝梓宮前出一小函用  
黃色龍袱包裹云是先帝胎髮瘡痂及累年剃髮落齒  
剪下指甲遂痛哭熱化而出至奉旨籍沒步赴浣衣局  
于十一月<sup>內</sup>欽差乾清宮營事趙本政臨局筮死發淨樂

敦復齋藏書

堂熱屍揚灰其子侯國興伏誅其弟客光先止擬遣成  
客氏掌班內官張貴劉失其名名下崔祿許國寧等各  
行賄得免客氏貴顯時惟王體乾者舊魏忠賢表裡梁  
棟舊人凡送禮時棟僅下小的帖然都不叩頭自孫暹  
王朝輔劉應坤李永貞右元雅涂文輔及掌事牌子劉  
忠王應科胡明佐等每日見必叩首如子姓焉夫以乳  
媪儼然住宮中自視為聖上八母之一亦僭妄殊寵極  
矣且倏出倏入人多訝之道路流傳訛言不一尚有非  
臣所<sup>子</sup>忍言者皆不足信也按自天啟元年起至七年止  
凡客氏出宮暫歸私第必先期奏知先帝傳一特旨某

月某日奉聖夫人客氏往私第去云云至日五更欽遣  
乾清宮管事牌子王朝忠或涂文輔等數員及暖殿數  
十員穿紅圍領玉帶在客氏前擺隊步行客氏自咸安  
宮盛服靚粧乘小轎由嘉德門咸和門順德右門經月  
華門至乾清宮門西一室亦不下轎而徑坐至西下馬  
門凡弓箭房帶兼管櫃子御司房御藥房請小轎管庫  
近侍把牌硬弓人等各穿紅蟒衣窄袖在轎前後擺道  
圍隨者數百人司禮監談班監官典簿掌司人數員等  
文書房官咸于寶寧門裡跪叩道傍迎送凡得客氏目  
視或頷之則榮甚矣內府供用庫大白蠟燈黃蠟巨燃

敦復齋藏書

亮子不下二三千枝轎前提爐數對燃沉香如霧客氏  
出自西下馬門換八人大圍轎方是外役擡走呼殿之  
聲遠在聖駕游幸之上燈火簇烈照如白晝衣服鮮麗  
儼如仙人如流水馬若游龍天耶帝耶都人氏從來  
不曾見也每年不論冬夏或出三四次不止客氏到宅  
陞廳坐自管事起至近侍止挨次叩頭老祖太千千歲  
之聲殷然震天各有回答銀幣以犒酬之凡欽賜金銀  
錢幣不可勝計每日三時輟御膳以賜者絡繹旁午或  
在外住十餘日不等而逆賢催入焉出入皆于五更其  
迎接圍護一如客氏私第在正義街西迤西蓆市街北

而逆賢亦有一第便在街南斜對門不遠賢與客氏滿望後來得請林下受享富貴齊眉到老不料賢姪良卿客氏男國興乃駢首戮于市蓋裕妃張娘娘王太監安等恠死冤魂必不肯默默寂然于泉下也古今報應誰肯饒過誰哉初賢在西庫與孝和老娘娘辦膳時便漸裕饒而良卿執掌上房庫房鎖鑰凡酒漿食物出納勤渠聞良卿雖不曾讀書而儀表堂堂亦善說話侯國興少受業于涂文輔肥蠢異常口甚小而神不足坐則眊睡氣息勤勤或與人共坐未及欠伸而已入夢鄉矣此二人形狀累臣一面未識一字未通至于崔呈秀更不

敦復齋藏書

曾識面交通者也夫如是而懸坐曰同謀非忌者下石而何耶寃哉事久論定自有公評必難哄天下後世也客氏住咸安時先帝賜名下官人如崔祿許國寧外尚數十員以至各衙門投托私人將數百焉又賜近身答應宮人<sup>十</sup>餘口及今上准歸私第之初而徐應元尚踵故套每日輟御膳賜之錢幣銀兩已不能如先帝在日其隨往私宅尚有賜過宮女四口後不知歸于何處客氏墳地在京西之田村今已拆毀逆賢墳地在碧雲寺所費甚鉅及各處生祠逆像並廢毀無遺良卿國興等誥券盡行追奪逆賢妻馮氏共生一女嫁楊六奇而馮

繼先者其妻族也逆臣魏良材曾廢都督先逆賢死良材非魏家子乃南方買來小厮為逆賢所愛冒魏姓而膺廢也傳應星者逆賢親姊魏氏之子也天啟七年五月病死又惜薪司內官劉失其名者逆賢生母之族弟也因毆傷僧命法司追理遂奏知先帝拏赴更鼓房勒令自盡魏良鄉的係逆賢之侄非子也由光祿寺署丞改廢金吾歷五伯侯公爵代先帝郊天園丘七年孟秋代享太廟代填祝版榮寵極矣先是郊中曾擬獎勅體裁臚列與曹操之九錫文相近者見無不瞪目咋舌無惑乎人疑其朵頤大物然逆賢寔無其心寔非其人也但

敦復齋藏書

彼不學無術甚于霍光客氏狠毒浮于妻顯害裕妃等恠于許后良鄉等驕奢擅寵遠過山雲本靠徐應元為接手後勁而應元另具別腸矣托李永貞石元雅涂文輔為眼目而永貞文輔但知擁戴應元甘悖逆賢如遺迹矣視外廷崔徐楊霍諸人欲同劉歆華子魚葦而妬寵互爭一敗塗地不可收拾矣世有生來好殺人好貴殺人又偏聽縉紳以廢殺縉紳正人而欲得令終于牖下豈理也哉從來叛逆者首惡真犯正法凡幼小無知者咸另議處天啟年間為妖蓮等犯有懷抱嬰孺赴市曹駢斬尚眈睡懷抱中未醒者市人嗟嘆孺子何知道逆賢客

氏既以慘殺佐先帝惟痛有宥七年之久中宮張娘娘  
等凡誕皇子三位皇女二位皆保衛不得法以致嬰年  
薨夭良可悲痛逆賢之死而剝骨豈不有天道哉累臣  
于天啟丁卯冬謫南之際見沿途田里間孩兒多慙慙  
壯壯易得存養遂條纂保衛淺言一冊計十款于崇禎  
戊辰仲春梓行南北無非為聖子神孫詳計久遠即士  
庶人家亦用着得者也

客魏始末紀畧第十四



逆賢羽翼紀畧第十五

李永貞者通州富河庄民李經之子也經原寶坻縣人  
僑寓于此先娶高氏生長男失其名流落不知何處次  
男李奉三男李成又生一女嫁皮村李家今娶矣高氏  
故繼室者申氏也生第四子失其民名少與永貞鬪墻遂  
輕生自縊于房棗樹上永貞第五子也自五歲時鬪為  
宦者十五歲進京侍孝瑞顯皇后之母夫人趙氏于永  
年伯王棟宅中十九歲選入皇城時萬曆辛丑六月也  
七月內陞坤寧宮近侍又一年經故永貞原名李進忠  
于萬曆三十一年即奉旨墩鎖頻遭譴責幾賜死者數

矣先監曾力救之後始奉有遇赦不赦之旨至庚申七月二十一日奉神廟遺旨釋放復原職侍近于坤寧宮孝瑞顯皇后宮凡筵前供職始與逆賢識面泰昌元年九月初一日鄒義尚膳監掌印到任尋陞永貞司禮監共墩鎖十八年也始讀四書詩經後讀易經書經左傳史漢等書習寫趙吳興字體善奕棋能作詩能古文亦能看選時文其兄奉生之子之旺成生子為俱序生其餘李之榮李之藻等數人皆廕錦衣衛永貞同母妹一人嫁王道寧為妻道寧亦廕錦衣衛生甥慕堯慕舜皆陞序班僕李培亦陞光祿寺署丞初天啟元年五月高

敦復齋藏書

太監時明王太監安盧太監受俱同時相繼告病求退為自全計其年秋逆賢與王體乾串同一路特陞史賓諸棟梁棟張文元裴昇秉筆永貞遂入諸棟之幕而棟掌兵仗局印時在局居住管理劉榮者號野亭自玉熙宮近侍出身健訟通文理逆賢之心腹掌班也為棟屬僚遂與永貞相結互相推獎恨相識之晚棟于天啟二年夏因請帑不遂與逆賢左憤鬱病卒永貞緣榮力薦入賢幕陞文書房至三年十一月先帝親詣園丘郊祀回陞永貞玉帶隨堂秉筆賜坐蟒襪杌匝月五遷總榮薦拔榮後因與宮人亂逆賢逐之而李朝欽始不離左

右矣榮雖被逐在兵仗局住身日甚廣凡有所聞即密  
疏于帖緘封之差名下官人馬獻祥入宮頻見永貞屏  
人密看畢即焚棄之在獻祥亦不知何等語也後榮因  
暗謀逆賢事露賢恨之嗾兵仗局掌印王應科叅榮處  
死六年四月二十九日永貞隨朝跌傷左股告假在梨  
園直房調治至五月初六日因王恭殿之變懼而求退  
體乾固不肯放嗾逆賢借先帝天語催永貞少愈即出  
永貞為人有口矜肆驕譎極好面折人不肯為之下七  
年正月初旬司空薛鳳翔有疏為今上婚禮在邇其移  
居府第合用錢糧廠臣體乾時匱乏極力節省所有內

敦復齋藏書

官監合辦者量于諛監摻括奏處永貞嗔其不全應付  
而推諉一半于內官監也遂爾同王體乾向逆賢曰外  
官一邊搗哄一邊忝的衙門賢默然次早賢乃稱病不  
起亦不赴御前但垂首冷笑長吁短歎切齒曰原來天  
下人都是搗哄虛譽我體乾代永貞危之永貞亦慌懼  
極不安泣懇賢掌家王朝用力為救解賢怒少釋又次  
日賢始力疾到先帝御前雖值元宵然不樂者數日逆  
賢好名中諛怒人直言大率如此惜永貞非勇退之人  
實貪大乏乾沒告成之恩廕馴至成禍非一朝一夕也  
其戕害楊左諸人造謀布弇寔由外廷線索歷歷有據

永貞即非助逆殺人之人然而在御前及逆賢面前顧不知果何光景又不知劉榮表帖是何等字句凡回到直房偶因甚事亦曾向累臣等或痛哭怨嘆以今思之想必心口不一換語粧點以詐忠陰賊哄衆人乎不然何其視若愚如仇讐而猜防間諜無所不至何耶想一則恐若愚眼前苦口勸諫一則恐若愚日後復侍高公子已不便所以阻抑之禁錮之嚴防左右凡事不可洩漏與若愚知之其度量心地可槩見已七年八月二十四日今上即位永貞于二十七日告病未允九月初二日差往天壽山看擇先帝壽宮初四日回見朝蒙欽賞

敦復齋藏書

赤金二十四兩永貞洒淚固辭聖顏頗不悅勉慰領受九月初七日准辭十月初二日即自砌于外宅小院之內晝夜讀書穴牆以通飲食二十六日聞逆賢允辭始拆牆見人撫今思昔蓋永貞之固求退也非真心退也原欲與徐應元合為一局擯退逆賢借應元之力待永貞從新另做世界此機巧人多不能知之至十一月初二日天不從人徐應元王國泰退矣永貞始手忙脚亂密差周承恩等覬王太監體乾王太監永祚王太監文政各銀五萬兩皆侵落大工物也旬日後三家畏聖上英明且知永貞素性反復遂都不敢收十一月十七日

各進獻御前着內承運庫收是日晚永貞知之不自安  
家充鞍馬率其甥婿孫良濟易服逃走二十六日奉旨  
降永貞淨軍發湖廣承天府顯陵安置舉家驚惶無處  
尋找不數日其兄李成自縊死矣至十二月初九日永  
貞外宅得一報信男子持永貞親筆帖差回取盤費衣  
物銀兩宅中居住掌家王成德等拏獲羈住將來帖齎  
入宮中稟見體乾等奏聖明着承天守備魏相下官人  
徑同永貞家人名下就徃黃河岸上將永貞押赴顯陵  
崇禎元年春永貞兄李奉亦驚憂死矣二月又將永貞  
同應元自承天調鳳陽三月內山西道御史劉重慶疏

敦復齋藏書

叅將永貞提解赴北塗中服砒霜不死絕食旬日不死  
四月十三日入刑部獄六月二十日中府會審擬斬罪  
決不待時二十七日召對玉音云李寔空印本李永貞  
填寫驗是墨厭硃七月初十前後候旨乘連夜陰雨永  
貞自縊兩次皆繩斷跌暈頸皮勒損又不得死至十六  
日未時縛赴正義街臨刑之際尚跪向監斬官訴冤人  
多笑其不中用也生年四十有六掌家王誠德自六月  
內于司禮監追贓被刑比之後降更鼓房淨軍七月初  
旬已先永貞病故而管家婁允德掌班丁紹呂暖殿周  
承恩姜永憲管上房曹文玉蔡化齡李秉德王應時料

理後事其妹夫王道寧姪李尚等及心腹家人李培等皆挾厚貲四散逃躲或報應商役或被人等訛或改面事人凡踰三年而永貞身首尚異處無一肯為殮埋者後王道寧偶因他事干連繫獄累臣以骨肉大義勸勉及道寧出獄始自大興縣構其首漏澤園啟其軀于阜城闈外嘉祥觀後買地瘞之癸酉春壘臣蒙恩改擬候覆問其冬道寧暴亡恐久湮無處可問遂重賞經手人王工人等根尋得葬處備牲醴冥資遣僕代奠其祭文曰嗚呼痛哉戊辰孟秋既望之夕候旨傍徨中心如刺詰朝相辭畏威覲覲詎意我公竟罹大厄銜抱冤証丹化

敦復齋藏書

為碧骨肉逃匿產業蕩然吞獻由人豈特簡編小人改面君子情遷後事之托負信誰憐荒垆權厝土燥多年瞻彼他墳春秋酬祭嗟惟我公荒蕪為最泉下交游佳客藹藹夜臺觀書青憐是賴痛抱沉冤悲纏肝肺嗚呼痛哉未死若愚朝審赴市數載奔趨路人嘆息叫天何辜屢蒙存活淚血為枯甬勉作善幻視微軀六七年來敢忘厚德飯衣釋氏布衣蔬食近荷平反更生在即曾夢見公如侍公側遣僕叩奠冤填胸臆聖明在上終照覆盆果得脫難當約同門擇吉卜穴改葬高原勒銘垂後冀慰尊魂靈其格止哽咽何言嗚呼痛哉尚饗永貞

白哲長髮性狡慧通文能書喜讀韓非短長語極好談  
天文好說夢類以身質言語賭重誓語最巨測信貪腹  
猜險更善負心而性驕好勝自王體等無一人不與之  
恚怒爭競者即逆賢亦屢次毒包容之遂自釀殺身之禍  
了無救解六年夏于富河大築房舍置園圃始將其四  
兄所益之棗樹伐去于興隆寺延僧衆建華嚴道場百  
日以懺解超度之七年永貞逃後丁紹呂王成德等打  
點家產進過銀八萬兩崇禎元年夏又追銀六萬兩連  
前三次家未收者通共銀二十九萬兩共南北往返各  
項花費屋下隱埋並名下逃奴吞拐及入獄被騙者不

敦復齋藏書

與焉為永貞河邊管家司鎖鑰者中帽局管理婁允德  
也。丁紹呂者昌平州人也亦辛丑年選入自盛甲廠  
僉書陞內官監理管逆賢囑永貞延請做掌班及永貞  
掌內官監印一應事體資紹呂為多然永貞猜懷自用  
亦多有不盡聽者惟故鄉修築并通州城內置產城外  
修橋及每年中帽高鑿散靴料銀兩皆賴紹呂區畫崇禎  
六年為慶陵寶頂大雨衝塌將紹呂拏赴司禮監代永  
貞交贓三千五百兩尋復職後以內官監管理復經營  
慶陵工成至十年秋八月二十六日聖駕親登都城徧  
視雉堞樓櫓奉旨着紹呂以總理同總理馬光斬分左

右幫築外羅城紹呂蚤夜拮据年雖老而督催有法勞可念焉十一年九月間工尚未完猝直由薊鎮墻子路入犯蹂躪北直遠至山東未敢近都城也紹呂為人善應對有識見閑兵畧好畋獵頗通堪輿家言多智術有心計能尺牘文移練達事體揣事多竒中與秉筆田王契厚于體乾為同鄉後授掌印高大監時明高自己選擇坎地于白家潭往西南和地方大覺寺山場其名曰九龍山點穴託紹呂同王國輔修造累臣曾聞盔甲廠王承恩安民廠李艾咸云曾各製大鉄狗生鉄銀銃用小車運至墳所以錮之蓋但欲奉承當道石槨之堅

敦復齋藏書

其自己職掌戎器之竅則不計也夫臣子何處不可埋身而必取九龍之名為墳亦不過鑿傷祖陵之龍脉與高何所益耶且先帝時當永貞烜赫之日富河之風水吉壤門戶方向亦曾極力托人選擇而今安在哉總之

未滅何以家為永貞輩自見不及此也永貞同列秉筆惟石元雅涂文輔皆逆賢心腹名下也其見本章經手次音第中其籍貫履歷亦畧叙于後王體乾梁棟等亦次及之。石元雅北直雄縣人萬曆辛丑選入皇城兵仗局寫字善射好畋獵不甚讀書與紀用契厚秦昌元年十一月逆賢奏陞司禮監歷任文書房陞秉筆掌針



工局印南海子提督延請許秉彝為掌家首引崔魏之交者許也每見逆賢即屏人密語移時出及大工興後每事面相授受而許亦衰老不甚靠焉至七年夏犯寧錦保全後呈秀曾有一帖復托許達有請加九錫字樣王朝用李永貞等曾親眼見之哂其諛佞然逆賢默已耳元雅亦于天啟七年九月內告辭十月內逃走客死于外。許秉彝大興縣人萬曆六年選入皇城曾侍盧太監受歷陞內官監總理工程提督皇木廠總理各省大木七年十二月被霍維華參奉旨着司禮監拏問諛監官鄭之惠等問明具奏又奉旨有搬運線索等語

敦復齋藏書

姑夾抄打降做淨軍發鳳崇禎元年夏又被科臣祝世美參奉旨提解六月入刑部獄後于都城隍廟少司寇丁啟濬等受其重賄以為審無証據仍發鳳陽。涂文輔北直安肅縣人客氏在光廟青宮時其子國興尚幼遂延文輔在外訓教天啟元年文輔冒姓姜選入皇城陞管庫近侍歷陞乾清宮管事四年復本姓隨堂又陞秉筆掌御馬監印總督四衛營又總督大倉銀庫節慎庫文輔姿容閒雅有心計善書筭通文理最能辨論好彈琴善射甫四載而晉秩秉筆賜坐蟒襪杌先帝升遐逆賢因文輔為徐應元照管之姪且客氏之私人也差

文輔同心腹名下王朝輔迎請今上聖駕踐祚不想朝  
輔先退而文輔又叛客魏與李永貞共擁戴應元幸上  
察其奸斥之先發鳳陽崇禎元年三月調發南京新房  
間住按大倉銀庫戶部事也節慎庫工部事也文輔並  
總督之精先帝寵靈客魏逆焰詣兩部到任勒司官行屬  
禮坐八人胡轎使甘蔗大棍舒徐容與揚揚長安道上其  
呼殿之聲比閣臣道子還雅其音清細而長彷彿聖駕  
清御驚蹕之聲內官外官無不下馬迴避者又強質戚  
臣李承恩宅大創解字其署額曰戶工總部者乃主事  
王姓者所獻諛也復將先朝公主家廟神主逼遷別處

敦復齋藏書

躍治不祥內臣中第一人焉凡崔魏等遞入姓名惟文  
輔頗能記憶一日吏部推湖廣司官汪始亨李師沆而  
師沆即文輔之父母官也遂亟查始亨姓名與逆賢云  
同志錄有名據奪如拾芥焉初逆賢既矯旨殺劉克敬  
于鳳陽矣馬鑑者克敬之照管老叔曾任乾清宮管事  
御馬監監督告病閒住已久逆賢嫉文輔疏叅鑑任監  
督時所造火車銃砲不如法亦矯旨捏職降發鳳陽復  
殺之此天啟七年夏事逆賢心腹馬昇見在可鞠也網  
漏吞舟惟賄之力今不過逆孽軍犯近復蒙恩改為民  
骨肉得完聚也。王體乾者京北平州人萬曆六年選

入皇城為蘓杭織造孫太監隆名下讀書正途萬曆二十八年歷陞文書房奉昌元年八月密以重賄求西李娘娘下李進忠充先帝典璽局即九月初七日秉筆掌御用監印辦膳後喉逆賢殺李進忠以滅活口天啟元年夏掌尚膳監印及盧受發鳳陽奉先帝聖旨着王安掌司禮監印矣而霍維華者直隸東光人時給事中其妻弟陸蓋臣天啟元年選入之內官也為高太監時明名下凡宮中動靜霍最先知道遂具疏劾安安再上辭疏候繳溫旨即出而客氏憚安剛直喜體乾輒媚遂矯旨淮安辭免將司禮監印付體乾掌之復陞諸棟等為幫

敦復齋藏書

手屢有中旨巧留客氏與逆賢比暱為奸又外結沈灌為謀主逐大臣王紀滿朝薦劉一燝等殺內臣王安王國寧等心粗胆大漸及妃嬪皆體乾依阿無主持也天啟四年二月三十日辰時成妃李娘娘誕生皇第二女是時也地大震宮中殿宇搖撼有聲銅缸木桶之水湧漉震蕩凡坐立者骨軟如醉乾清宮大殿藻井內所懸圓鏡東西南北震動不定如鐸舌焉至五月初十日太祖忌辰也體乾等不穿青素而穿青綠錦繡其日未時乾清宮東丹墀旋風驟作將內官監之大鉄片如屋頂闊方者盤旋如紙隔丹陛石欄之上拋擲于西丹墀鏗

旬若雷其月晦即有楊漣二十四款之疏是時汪文言尚繫詔獄為體乾者若肯從國家起見援外廷讜論屏退亮逆有何難哉乃輕狗掌家王朝用密懇且心感客氏培植掌印遂將如許恭本不肯字字全念而多方曲宥之忍先帝孤立忠言見忌士大夫之禍從此不可收拾况又開廷杖之端導稱頌之路令無骨力無遠識之得患失之閣臣四六儼語之旨凡口奏文書之際體乾必歷指姓名幾誤因錢謙益黃尊素而波及無辜良可太息體乾為人柔貌深情其貪無比即自己名下如田玉等而亦巧借題目頻剝削也凡司禮監題本年月之

敦復齋藏書

下上層居中排臣王體乾臣魏忠賢下層往後排臣梁棟臣李永貞石元雅涂文輔諸人蓋其媵阿心腸只知獻諛甚非體制可惜典禮衙門亦屑越至此真可痛哭其原疏見存者可証也及刺內臣便覽復甘心讓賢居首特高一字尤可笑焉神廟時功令寬凡文書房官俱得與外廷結識往來楊維垣霍維華徐化等中旨之起蓋不特逆賢一人力也天啟七年八月先帝不豫已久乘先帝彌留之際于八月十一日召今上至御榻前音響不已而是日閣臣批所中旨有禮臣廠臣輔臣字樣原揭具存內閣可証驗也二十日巳時永貞自御前

問安畢到忠義室直房于衣袖內取出白連四大紙花  
一个內有鮮血一縷長二寸餘濶三四分似肉非肉似  
痰非痰云自萬歲爺鼻中省出凝結如筋當與丁紹呂  
及若愚等通視之有嗟嘆落淚者若愚曰此出自御前  
龍體聖恙所關不可輕易遂用紙復包一層上寫某月  
某日老公御前請出有血紙花一个随粘于屋壁高處  
至申時太醫院官來問安御前果索此血以憑計葉當  
即取下交進至二十二日申時龍御上賓逆賢差文輔  
等迎請今上先帝移晷矣嗚呼痛哉先帝聖性虛明推  
赤心置內宮外臣子之腹惜體乾逆賢非宗社之器而南

敦復齋藏書

樂薊州東光又皆濃于名利刻于報復之人梁棟齷齪  
不足齒李永貞石元雅涂文輔皆少不更事驟登榮寵  
天低地窄前無古人後無清議滿眼只知有富貴滿懷  
只知有諂諛嫉賢醜正根于性成伏法者伏法逃亡者  
逃亡或用重賄苟免平安倘至夜氣清明良心忽萌之  
際一追思之不知魂夢中尚有何顏色而視息人間也  
身死後又何面目對越先帝之靈于在天也鄙夫鄙夫  
可與事君也歟哉體乾至崇禎己卯夏籍沒逮刑部獄  
擬斬庚辰冬死于獄真天網恢恢疎而不漏云。梁棟  
宛平人萬曆十一年選入皇城歷陞司禮監提督太和

山天啟元年夏逆賢拔陞秉筆掌酒醋麪局印馬謙力也其兄梁植等廢錦衣衛陞都督同知招權納賄為賢憎惡七年秋擯棟蘇杭織造旋撤回京今故。趙秉彝北直新安縣人萬曆二十九年選入恭昌元年冬逆賢奏陞司禮監天啟七年以監官差逆惠藩陞秉筆。孫進北直晉州人亦二十九年選入神廟時牌子王永名侍逆賢最久作人寬厚陞文書房歷任南京守備陞秉筆間任為民戊寅冬深入進守城犒軍賴以保全。王朝輔原名王進忠即所稱黑王公者北直文安縣人二十九年選入侍逆賢久先帝登極後陞乾清宮管事提

敦復齋藏書

督兩司掌銀作局司苑局印天啟七年陞秉筆。李明道大興縣人萬曆十七年選入陞司禮監提督南京守備提督漕運皆容氏力而逆賢任之自此之外當年曾任乾清宮管事牌子掌銀作局印曾于天啟七年五月差往錦州接濟禦者胡明佐也掌內織染局印者齊良臣也掌尚衣監印者杜永明也掌司鑰庫印者王秉恭也總督忠勇營者譚敬也裴芳也提督上林苑監四署者吳國恭也曹承恩也掌混堂司印者李本志也監督勇士四衛營者吳光成也提督御酒房者李昇也提督牲口房者張應詔也此人乃容氏掌班張貴之姪也

又御茶房之箭房之鄧汝敬王國祥鄭思廉等總是逆賢名下皆北直人天啟元年選入日在先帝御前尚有煖殿近侍并三年選入名下數十員俱備載姓名也此外如領勅鎮守并徐應元等亦畧次于左以備攷焉。劉應坤北直新城縣人二十九年選入侍逆賢最久歷陞憲掾同時之劉忠曰大劉公劉朝曰二劉公應坤則三劉公也總督忠勇營掌御馬監印後陞秉筆遼東鎮守便宜行事駐劄山海關天啟七年五月守寧遠崇禎己巳丙子戊寅深入薄新城應坤設法捍禦備極心力畏而宵遯曹太監化淳疏稱其勞。紀用北直

敦復齋藏書

直文安縣人二十九年選入為逆賢心腹陞乾清宮管事提督忠勇營遼東鎮守便宜行事用粗通文字慷慨有膽畧性孝天啟七年五月守錦州。葛九思北直延慶州人天啟元年選入逆賢名下能書精騎射陞乾清宮管事總督忠勇營鎮守宣大山西丙子秋深入九思死于西山某處外此則張守成李應江胡良輔等槩不錄也。金良輔孟忠俱北直人二十九年選入泰昌元年冬逆賢奏陞司禮監任文書房正陽門等提督忠大壩馬房提督。楊國瑞陝西臨潼人天啟元年選入逆賢名下陞文書房南京守備。李承先者北直容城

人萬曆十一年選入孫暹名下。歷陞內官監總理。若霖者北直安肅縣人原名進忠十七年選入由內府供用庫陞內官監總理天啟元年費數萬兩差往荊州修惠藩府第未就因病撤回與馬誠李承堯俱領大工坐名勅書分中左右三路督催崇禎元年夏以言官參論承堯若霖都着司禮監拏問追贓完日俱發南京更鼓房淨軍誠先賢死久承堯近日亦死于南京若霖茹長齋于崇禎六年為慶陵寶頂雨損復逮北繫獄擬戍仍發南京修梵行猶頭陀也。徐應元北直雄縣人于逆賢為同年同官兄弟賢天啟七年八月陞秉筆十一

敦復齋藏書

月發承天後降淨軍調鳳陽按光廟莊妃之封原因撫養今上其薨也的係應元氣鬱所致近聞死于鳳陽人咸謂有天道也應元為人不識字幼無行宿娼飲博好談謔嫚罵坐立傾歌唇不蓋齒形雖瘦長而眉目無神采腰股筋骨若不聯屬如病初起者為神廟時為管庫近侍綽號徐雌牙云若霖與應元契厚在大工時每請應元會請差去內官即曾引見今上于藩邸者數人而內官監總理吳得忠更與應元厚應元請為掌家躡陞乾清宮管事如王朝用故事尋降處云。趙進教者亦係孫暹名下逆賢應元之嫖賭兄弟因無賴隨福藩之



國秩甚卑天啟五年冬逆賢聽其密稟讒譖將福藩伴  
讀崔進于進表到京之日幾置之死賴李永貞力救始  
免逆賢復破舊制乘福藩差進教來京奏陞御馬監理  
草裡攔貼場陞玉帶內府騎馬看守寶月亭先帝游幸  
亦屢得瞻仰天表云至七年夏先逆賢病死葬極其盛  
也。李實者北直雄縣人萬曆六年選入讀書正途二  
十九年十月神廟點為光廟伴讀泰昌元年八月陞秉  
筆掌御馬監印先帝登極後差往選皇后天啟元年夏  
差往蘓杭織造寔為人朴素無文惟聽掌家樊得和孫  
昇等提掇衆享其利而寔尸其名先因楊姜之事頗與

敦復齋藏書

巡撫周起元不睦及南樂通線索與逆賢而崔呈秀等  
次第布窋于六年二月內逆賢勒要寔空印本着李朝  
欽等串謀同孫昇昇填寫七君子之命始斃此事累臣終  
始未見此本夫空印本既出自孫昇之手果是何湊砌  
江南事件果屬誰手捏稿謄真事關進呈豈一人一手  
可能做得惜崇禎元年七月初四日聖明召對時只辨  
殊墨之壓否何如竟未弔取寔從來別本與此本比對  
字跡但究及寫真之人則自有寫稿造謀之人再比對  
原本紅字是誰所批當時王體乾梁棟李永貞石元雅  
涂文輔五人之字跡亦易認也必如是歷歷實換直窮

到底朝欵雖死孫昇等見存便言下明白矣乃止以墨跡蓋硃而指為永貞成案永貞雖死真正捏砌填寫此本之人尚漏網幸免揚揚于聖明之世也實原不知情降南京淨軍近亦老死人尚多憐之。王國恭者京師人二十九年選入孝瑞顯皇后司禮監名下也于永貞為同年謫南畿二十年光廟登極取回天啟元年退斥後于大佛寺管工客氏闈賢喜之補今上藩邸局官遂與徐應元為一派人天啟七年八月陞秉筆掌尚膳監印十一月發南京後調承天降淨軍今為民國泰性篤寔多學能書尚氣節善治生理廣交游胸中坦率無機械

敦復齋藏書

尖巧也。馬謙者宛平縣人嘉靖四十一年選入由司禮監寫字歷陞內官監總理逆賢救命之大恩人也謙與秉筆梁棟契厚陞乾清宮管事改名馬誠性剛直曉營造虛心採納可則可否則否敢于逆賢面前持正不阿即內官監之掌印宋晉李永貞咸改容敬憚之大工門閣三殿初萬曆年間馮御史嘉會掌河南道時大家估計所需三千萬計工二十年至天啟年間鼎建馮與少司寇馬亦預估計樽節所費乃不過六百萬誠區畫詳要任勞任怨初寒暑雨未之少懈不四五年克臻厥成勞難泯焉惟曾與總理戴福壽汪良德管理翟應奎有

隙而置之死人多少之誠于天啟七年春病故享壽將  
近八十富寵服食亦極內誠之貴何其生樂死安得報  
康吉如此耶抑前世種德因而今生逸樂耶不可知已  
紀用石元雅俱兵仗局出身好武勇劉榮名下馬獻祥  
掌關防掌司也凡祖宗以來庫藏中所蓄刀劍鎗銃一  
切武器最利最精者逆賢以勢索取甚多且轉賜心腹  
名下葛九思劉應坤楊朝等并姪魏良卿及傅應星等  
無筭此所以利及在手逢着便害者也

逆賢羽翼紀畧第十五



酌中志

內臣衙門職掌第十六

凡職掌錢糧數條載大明會典



皇明祖制所載設立內府衙門職掌品級立法垂後亦盡善盡美惟是間有祖訓所未及載而未詳者謹譜次梗概于左按內府十二監曰司禮曰御用曰內官曰御馬曰司設曰尚寶曰神宮曰尚膳曰尚衣曰印綬曰直殿曰都知又四司曰惜薪曰寶鈔曰鐘鼓曰混堂又八局曰兵仗曰中帽曰針工曰內織染曰酒醋麪曰司苑曰浣衣曰銀作已上總謂之二十四衙門也此外有內府供用庫司鑰庫內承運庫等處亦臚列于後



NATIONAL CENTRAL LIBRARY, TAIWAN, R.O.C.

司禮監掌印太監一員秉筆隨堂太監八九員或四五員設有象牙小牌一面長寸餘每日申時交接輪流監正凡每日奏文書自御筆親批數本外皆衆太監分批遵照閣臣票來字樣用硃筆楷書批之間有偏傍偶訛者亦不妨畧為改正最有寵者一人以秉筆掌東廠掌印秩尊視元輔掌東廠權重視總憲兼次輔其次秉筆隨堂如衆輔焉皆穿貼裏先斗牛次陞坐蟒先內府騎馬次陞攬杓祿米每陞一級則歲加祿米十二石各家私臣曰掌家職掌一家之事曰管家辦理食物出納銀兩曰上房執掌箱櫃鎖鑰曰掌班領班鈴束兩班答應官

敦復齋藏書

人曰司房打發批文書謄寫應奏文書其下則管帽管衣靴茶廚房打聽官看莊宅各鎖屑事務也其餘大小衙門遇有應題奏事情皆先關白司禮監掌印秉筆隨堂而始行凡御前親近大內臣如乾清宮管事打卯牌子其秩亦顯榮猶外廷之勳爵戚臣然皆得掌各衙門之印視其寵眷厚薄而欽傳畀之不拘資次  
司禮監提督一員秩在監官之于本衙門居住職掌古今書籍名畫冊頁手卷筆墨研綾羅絹布紙劄各布庫貯之選監工之勤敏老成者掌其鎖鑰所屬掌司四員或六七員佐理之并內書堂亦屬之又經廠掌司四員

或六七員在經廠居住只管二應經書板印及印成書籍佛藏道藏番藏皆佐理之自提督之下則監官典官十餘員第一員監官提督皇史音成音并新房候轉提督俱輪流該正在廊下家宿專理皇城内一應禮儀刑名鈐束長隨當差聽事各役關防門禁至逆賢擅政時令與文書房輪挨遇數月十六日前往教場比試武職應其次六科廊掌司六員或八員分東西兩房管精微科內外章疏及內官脚色履歷職名月報逃亡事故數目其次人數十員或八員管二十四衙門山陵等處內官職級姓名撰寫每日傳行聖旨稽查門禁鈐束當差

敦復齋藏書

聽事題奏應行禮儀頒賞賜其次六科廊騰黃寫字一員其次管掌寫字則按節令挨次題稟禮儀文書及賞例或百餘員或數十員分兩班四撥各撥若干人其班按十二支輪之曰頭頂整一日過夜曰守早從卯至申曰守晚從申至次日天明曰末頂整一日過夜方得下班歇息四日也凡遇聖駕朝講遊幸穿麟補紅襖襪或青襖襪執藤條攔當者凡掌司人數寫字也或掌經廠司禮監掌司者則每撥內另有一種衙門寫字共十餘員挨補而已自提督至寫字俱穿襖襪也凡出入皇城各門軍接輿擋道自內書堂奉旨派撥者名曰正途其

次或乞恩奏保改陞者亞焉按祖宗舊制必依照欽錄姓名挨次魚貫陞轉罔敢攙越自逆賢擅政盡將歷練老成之人擯折殺害內御司房或退出于冷淡衙門林衡等署西山小墳園三場十庫及天啟七年春復點撥于代府于新之國之瑞惠桂三府今概蒙聖恩召復凡有力者雖漸有生色其寔典禮衙門挫折損體恐終不能復祖宗一定之舊規也惜哉如欲內廷有真正忠良才品必先內書堂振刷優選慈善之人加意訓教以儲十餘年或二三十年之後大用可也奈天啟年間有誰肯仰全聖德保全國體惟刻意報復仰酬寵利內則注

敦復齋藏書

精神于媚嫉外則不痛戒于覆車苟植私人罔有卓識大率兩目熒熒患失而已謂之朝不及夕者非即至一旦失寵退閒後浪又催前浪天家才人性命那堪頻遭帶累摧折乎况又多閭閻幼稚志在安飽誇耀却傭奴視父叔習俗移人雖賢者難免或有特達自見迥異流輩者必群起而非謂之或乘機而擯害之總之孤陽不生自古已然非止一人也

文書房官八員或十員雖穿袂微其寔祖宗設立原是遴選二十四衙門山陵等處有學行才識者委用職當通政司每日封進本章并會極門京官所上封本及在

內各衙門本天下各藩封本府有大小濃淡之不同文  
書房各以名銜前後分管之其在外之閣票在內之搭  
票一應旨意聖諭御札俱由文書房落底簿發行所以  
如今凡掌司陞轉文書房者概削去司禮監衙都列內  
內官監銜其呈稟文書俱見經手次第中然不過逆賢  
時如此耳先時從公揆轉雖非外衙門選擇委任尚可  
觀也而逆賢盡行斥退信用自己名下間有一派少不  
更事之人非制也按舊制後右門即雲臺右門之北隆  
宗門之南坐西朝東房一連原名協恭堂每日早晨或  
非朝講之日及申時後掌印公過司房看文書秉筆隨

敦復齋藏書

堂人各有室挨次細看先看文書外本<sub>房</sub>次看監官典簿  
文書自逆賢竊柄其規矩蕩廢無遺所以事事苟且萬  
曆年間先監過司房例印公穿直身率秉筆等都是單  
身入室其親信掌班人等一人不得入機密禁近理應  
如此奈王體乾黨附無骨而逆賢不識字遂公然于乾  
清宮大殿上看文書或懋勸殿板房看文書硬拆實封  
高聲朗誦又挨次到各直房那一家管文書看直房掌  
班司房官人肯不出宮門不張權勢者乎不過司房誠  
訛政也如欲君德昭明左右得人須先振刷內書房起  
欲章疏不洩漏權不傍落須有好明白印公不拘私不



憚勞仍復早晚過司房之舊制始欲真才柄用中外不  
水火湏大破逆賢積習為官擇人不為自己子孫擇官  
始在聖主自無一番一番如傳舍用人之理在內臣亦  
聞風觀感群于為善庶免本官勢倒連累退斥之患此  
必得虛明為國淡明名利忘報復之人柄政當朝立賢無  
方庶可辨此若只悠悠忽忽張三敗了便將他支派王淨  
李四敗了又如此趙大王敗了又如此縱有真心為國束  
身自好之品恐亦孤掌難鳴也東海逝波其奈之何哉  
凡御前面考隨掌秉筆自崇禎元年冬欽出事君能致  
題其身考鄭太監之惠曹太監化淳中式始至十二年夏季

敦復齋藏書

李太監承芳署司禮監印時其名下顧三聘者急圖速  
化遂密託己之名下王建鼎代作選于衆時藝一篇被  
巡緝官發其事李遂不得已奏知聖上並將三聘責斃  
降建鼎淨軍發南海子看守牆鋪其年秋視職逮獄偶言  
及于此累臣曰重懲三聘甚當李曰何也累臣曰彼草  
野寒士或迫于家貧親老行險徼倖世所間有罪不致  
死今三聘職叨典禮于御前面試乃敢藐視憲典迫挾  
名任性冥行至此便是犯一欺字了于臣子之誼安乎  
嚴懲處死不為苛也

內書堂讀書自宣德年間創建始命大學士陳山教授

之後以詞臣任之凡奉旨收八官人選年十歲上下者  
二三百人撥內書堂讀書本監提督總其綱掌司分其  
勞學長司其細擇日拜聖人講詞林衆老師初則從長  
安石門入北安門出後則由北安門出入每學生一名  
亦各具白蠟手帕龍掛香以為束修至書堂之日每給  
內令一冊百家姓千字文孝經大學中庸論語孟子千  
家詩神童詩之類次第給之又每給刷印做影一大張  
其背書號書判做點止標日子號書不點句也凡有志官  
人各另有私書自讀其原給官書故事而已派年長有  
勢力者六人或八人為學長選稍能選字者為司房凡

敦復齋藏書

背書不過寫做不堪或損污書做犯規有罪過者詞林  
老師批教目付提督責處之其餘小事輕則學長用界  
方打手重則于聖人前罰跪再重則板着幾炷香板着  
者向聖人前直立灣腰用兩手板着兩脚不許體屈屈  
則界方亂打如雨或半炷香一炷香其人必眼脹頭眩  
昏暈僵仆甚而嘔吐成疾者此最酷最不近理之法也  
凡強凌弱衆暴寡長欺幼者每賄托學長借公法以報  
私怨此第一陋套所宜痛革者也嘉靖年間讀書官人  
有年少貪睡者散學時人叫不起遂鎖在內半夜聞有  
呼殿聲儀衛甚衆云聖人到搜得此官人聖人曰既得

見我可謂有受教之分視有何書取來我親教之不意  
案頭止有大統曆一冊乃指誦一週至天明向人言如  
此試令背誦一字不差又姜淮者年少有口才值殷太  
史士瞻教書偶不在室淮戴其紗帽束其帶正在室中搖  
擺作勢殷猝至淮不知帶插黃解 殷頗不懌淮曰師  
父還繫玉帶哩此銀帶何足貴殷笑而釋之歸寓向夫  
人備道其相笑萬曆初殷入相帶來玉夫人尚記憶淮名  
白殷托馮太監保察之見任馬監奉御隨令赴殷寓拜  
見師媽殷山東人罷相致仕時淮送至天津始回見讀  
書官人遇令節朔望亦放學一日其每日臨暮散即排

敦復齋藏書

班題書不過雲淡風輕之類按春夏秋冬隨景而以腔  
韻題畢方權列魚貫而行人有不知誤亂攙越者必群打詬  
辱之別衙門官遇學生擺班行走必拱手端立讓過即  
司禮老公遇之亦然凡各衙門缺寫字者即具印信本  
奏討奉旨撥給若干名即挨名給散至逆賢時此制大  
無餘殊可嘆也凡書堂官人已撥散將完無人讀書諛  
監題知于二十四衙門官占官人及監工改讀書以補  
之其寔事久弊生冥頑貪詐或粗橫兇猾總非作養賢  
才良法也如欲痛改前轍只在聖主右文主持于上好  
印公提督掌司振飭于下不容教不悛煩詞林老師激

勸于外不倚勢有良心年長曉事學長應之于中不三  
五年即有成驗十年內外國家自享真才之用消玄黃  
之戰于廟堂行無疆福澤于億世顧惟在位者加意何  
如耳 禮儀房署在東安門外舊都府草場之東向南  
提督太監一員掌印或秉筆攝之掌司數員寫字管事  
數員本房長隨數員掌管一應選婚吉禮每年春夏秋  
冬四仲月選乳媪生男十口生女十口月給食料給在奶  
子府居住凡宮中有喜舖月子房則生男生女各一口  
二口在文華殿外西北臨河之小房住及報生皇子則  
用生女妳口皇女則用生男妳口彌月剪髮百日命名

敦復齋藏書

及請髮苗髮入囊冊立冊封選妃打扒角選駙馬一應  
禮儀皆經理之

中書房掌房官一員散官十餘員係司禮監監工年老  
資深者挨轉專管文華殿中所寫書籍對聯扇柄等件  
承旨發寫完日奏進御前凡宮中糊飾如不放外匠便  
只是監工并學手藝牌子糊飾挨轉此處并御前作至  
貧老無倚則發外經廠看守以待斃焉凡司禮監掌印  
秉筆隨堂故後各有牌位送外經廠供安各有形像送  
西直關外大佛寺供安看廠監工守寺僧人侍香火不  
絕也

御前作聲掌作官一員散官十餘員亦是監工年老資深者挨轉專管營造龍床龍桌箱櫃之類合用漆布桐油銀硃等物料奏准予甲字等庫關支已上二處亦掌印或秉筆提督之

司禮監外差南京正副守備太監二員關防一顆其文曰南京守備內守關防護衛留都為三千里外親臣轄南京內府二十四衙門孝陵神宮監官等奏進神帛鮓魚苗姜等鮮各衙門印文比北京各多南京二字

孝陵神宮監掌印太監一員別衙門可陞不係司禮監也轄本陵僉書掌司及謫南種菜淨軍人等

敦復齋藏書

天壽山守備太監一員關防一顆轄十二陵掌印僉書工部廠掌司等官凡每清年明親率各掌印來京奏添工本每歲辦進松花黃連茶核桃榛栗等果各陵皆有晾果廠在

鳳陽守備太監一員關防一顆護衛皇陵轄僉書數十員兼管高牆犯宗

湖廣承天府守備太監一員關防一顆僉書數十員轄承德荆襄地方護衛顯陵徵收籽粒每年進茶扇葛布香茶手巾

太嶽太和山鄱武鎮守太監一員關防一顆轄均州等

處經管本山香火羽流辨進犢柳梅鷹嘴筍窩山茶等件

正陽等九門永定等七門正副提督二員關防一顆已上六處秩在文書房監官之上并孝陵掌印各有勅諭又正陽門掌司一員秩視六科廊然不隨內轉缺則補之近已裁革不補

大壩馬等房正副提督太監二員勅諭關防秩在文書房之外次衙門官亦間任之

蘓杭織造太監一員亦有勅諭關防秩視秉筆而安逸尊富過之萬曆年間惟孫太監隆先監之同年也多學

敦復齋藏書

善書曾刻通鑑總監中鑿錄等書所造謹堂墨款致精巧猶方于魯程君房而劑料精細為殊勝焉神廟最愛重之今不易得也隆在蘓杭年久又以暇日重修西湖蘓堤從容儒雅蓋事辦而民不擾大得東南民心至今思之未艾也掌印王體乾秉筆王文政皆隆名下也今

王即位憫東南財物凋敝特停止不差

東廠自成祖即位永樂十八年始置其外署在東安門外迤北提督太監一員關防一顆勅諭最為隆重凡內官奉差關防皆曰某處內官關防惟此處篆文曰欽差總督東廠官較辦事太監關防自泰昌元年九月先帝

登極後歷掌東廠者鄒義沈蔭宋晉也至天啟四年春  
逆賢掌東廠其年夏季永貞偶批分東廠一疏累臣見  
面上關防因稟永貞曰此廠如何省直提學道關防俱  
因避御名題請改鑄此臣下尊君之體不忍缺者東廠  
係內府親近衙門何三四年尚用舊關防無人題請改  
鑄可乎永貞始竊嘆稱曰老爹素通六書可謂識體即  
轉白逆賢逆賢曰真字我尚不識這篆字誰能認得隨  
令廠司房呈稿具題改鑄更官較曰官旗也及六年以  
後內臣紛紛出鎮值陶文討鑄關防不過曰內官足矣  
不意閣票欠詳先帝御批于閣票內誤添太監二字王

敦復齋藏書

體乾等不達體制含糊奉行未之奏正聞近日鑄給者  
亦多稱太監各人原疏可証也本廠設有掌貼刑千百  
戶二員掌班領班司房四十餘名圓帽皂靴穿直身十  
二顆管事圓帽被襪皂靴其擋頭辦事百餘名分子丑  
寅卯十二顆圓帽旋褶白靴番役可千餘名外署大廳  
之左小廳供岳武穆像一幃廳後磚壁雕狻猊等獸狄  
梁公斬虎故事存此者良有深意也大廳之西有祠堂  
內供從來廠掌職名牌位前有坊曰百世流芳稍南有  
獄一處凡重犯則係獄輕犯干連則在署外之店也署  
西南有門以通出入向南大門不恒開也近年將西門

改墻而井中水無故汎溢是以鄭太監之惠李太監承芳相繼禘職逮刑部獄人咸以為宜仍開西門為安云凡中府等處會審大獄北鎮撫司拷訊重犯本廠皆有人聽記其口詞一本抄打數一本于本日晚或次早奏進每日訪看兵部有無進部有無塘報京城各門皇城各門關防出入俱有事件奏聞或地方失火或雷擊何物亦奏聞之又每月每日奏報在京雜糧米荳油表之價此祖宗以來良法深意欲九重之上覽物價之多寡即可知農歲之豐歉以商賈之通塞便可知道路之夷險總留意民若第一義也凡皇城禁地人命亦皆有事件

敦復齋藏書

其內署在東上北門之北街東混堂司之南萬曆初年馮太監保奏建古槐森鬱解宇肅然凡各處辦事打來事件皆到內署先見廠公心腹內官發司房刪順奏之逆賢擅政是時所獨信任者李朝欽耳初天啟元年二月因之惠將立武門外入賣貨物大市奉旨即改于東安門外戒政府街民間謠曰大市去矣至七年秋皇極等殿告成復奉聖諭前朝後市之義仍將大市移入立武門外是時先帝違和已久逆賢因設夜禁被巡捕提督張體乾一言所激日夜巡非不緊奈有內裏犯夜巡軍那敢問又因客氏之母路遇一內官醉爭道惡



罵馳去逆賢大怒遂碎布旗番即于初三日晚捉得夜行  
內官陳烏眼等十餘人聽李朝之言乘大市之日逆賢  
親自到內東廠將犯夜內官各狠打一頓有降發鳳陽  
者有發南海子者致死于路者數人逆賢坐板由玄武  
門入王體乾李永貞石元雅涂文輔等凡在河邊居住  
掌家皆望塵跪伏道傍俟賢過方起其市上買賣人觀  
看亦有叩頭匍匐候過而方起者此逆賢肆毒作威之  
末一著也內署有扁曰朝廷腹心有至聖堂有井其掌  
廠公宮中直房有欵給密封牙章一枚凡事件應封奏  
者以此鈐封逆賢擅政更造一差大者曰東廠密封凡

敦復齋藏書

在賢左右念本章事件者蘇雄陳福壽李朝欵裴有聲  
也每日清晨叩頭旁立挨次回通本封本票本話者李  
永貞石元雅涂文輔三人也如孫進却隱儒等槩不聞  
也凡先帝御前奏念事件亦止此三人耳李朝欵等亦  
不能到也

內官監掌印太監一員其所屬有總理管理僉書典簿  
掌司人數寫字監工自典簿以下分三班宮中過夜每  
班掌司第一人曰掌案研管十作曰木作石作瓦作搭  
材作土作東行西行油漆作婚禮作大藥作并米鹽庫  
營造庫皇壇庫裏冰窖金海等處凡國家營建之事董

其役凡御前所用銅錫木鐵之器日取給焉外廠甚多各有提督外廠等官真定府設有抽印木植管理太監一員則內官監之外差也四年一撥只有本監公文無勅書關防及寶坻縣收子粒西湖河差大石窩白虎澗等處各有提督俱外差也凡內外修建分封藩王府第亦是管理外差湏數萬金營求方能到手勅書關防前去工竣即回天啟元年湖廣衡州府修桂藩府第管理翟應魁遞銀四萬未能得黃用費五萬即得之餘差可以例其多寡矣無惑乎桂藩地基不堅殿宇傾塌也凡大行帝后陵寢妃嬪皇子女薨逝修造墳塋及完婚修理府

敦復齋藏書

第皆其職掌天啟元年春慶陵工興御前所發帑銀五十萬即有分侵八萬者矣欲堅美完善得乎至七年春今上大婚禮成藩邸殿宇及陳飾器具俱塗飾草率皆李永貞貪其侵冒包工了事漫不加意之所致也可恨極矣永貞伏法而經管員役漏網謂非孔方之力哉御用監掌印太監一員裏外監把總二員猶總理焉有典簿掌司寫字監工凡御前所用圍屏擺設器具俱取辦焉有佛作等件凡御前案設硬木牀閣桌櫃及象牙花梨白檀紫檀烏木瀾瀾木雙陸棋子骨牌梳櫬螺甸填漆雕漆盤匣扇柄等件皆造辦之仁智殿有掌殿監

工一員掌管武英殿中書承旨所寫書籍扇函奏進御前亦猶中書房文華殿中書者也

司設監掌印太監一員有總理僉書等官如內官監而所職掌者鹵簿儀仗圍幙褥墊各宮冬夏簾涼蓆帳幔兩袱子雨頂子大傘之類事最苦煩遠不逮御用監內官監有盈餘肥潤也如遇御前打點庫藏槿箱此則三衙門之人皆任重搢運不敢憚勞

御馬監掌印太監一員有監督提督四衛營勇士小廝有監官有典簿掌司寫字駕馬等官有象房掌房等官牙母象九隻各居一房缺則奏于外象房改補金鞍作

敦復齋藏書

平長隨房等處有各灘監工本監象房之東有粟草欄草場皇城之外有天師庵草場舊都府草場天啟六年夏舊都府草場失火逆賢督率內外官員軍士人等救撲三日始息都城東北有大壩等二十四馬房大壩城垣逆賢重創一新李魯生巡青疏所諛者也凡逆賢出外到此則于城樓上陞座飲夜酒至夜則花砲巧線盒子烟火之類皆在城下放看如元宵焉

神宮監掌印太監一員司禮監監官或文書房無力者陞之有僉書掌司十餘員在端門之左九廟在焉四孟之朔聖駕親享之正旦朔及別朔或遇日食則改卜于

初五日後行其餘節令祀事誰謹即外大廟也其他無  
敢畜犬者萬曆年間掌印社用養一獬豸小狗最為珍  
愛東廠李太監後訪知之指為違禁不敬聲欲叅奏用  
費千餘金<sup>方</sup>得免

尚膳監掌印太監一員光祿寺西門提督太監一員西  
華門內裏監有總理一員管理僉書掌司數十員寫字  
監工及外牛房羊房等處監工百餘員而槿供養官撥  
子長隨各數十員光祿寺涼樓醬房 七等項各有監  
工坐家名色職掌造辦每日早午晚奉先殿供養膳品  
乾清宮等宮一號殿仁壽宮等宮眷月分葷料各有差

敦復齋藏書

等凡在御前掌印秉筆管事牌子暖閣近侍及外之內  
閣文華武英殿中書畫士桌兒銀兩咸光祿寺職掌用  
典簿關防緘封每月酒飯一桌折銀十兩有奇半桌者  
五兩有奇到每月晦照欽賞數目坐名頒給之光祿寺  
志可考也凡遇大典禮萬歲爺陞大座則司禮監催督  
光祿寺備辦茶飯鐘鼓司承應九奏之樂有所謂炮龍  
烹鳳者鳳乃雄雉龍則斬白馬代之耳至如南京等處  
進到各樣鮮品皆屬收納天啟以前凡聖駕每日三時  
之膳俱司禮掌印秉筆掌東廠者二三人輪辦之近年  
改由此監亦節省之意至十三年復會司禮掌印掌東

廠秉筆照先年例挨月輪流辦膳仍舊遵依祖制也  
尚寶監掌印太監一員僉書等官可數十員職掌御用  
寶璽勅符將軍印信其所可知者尚寶司凡所領寶璽  
曰皇帝奉天之寶郊天齋醮用之曰尊親之寶上尊號  
用之曰親親之寶有大小二顆與藩府用之曰誥命之  
寶勅命之寶廣運之寶則用之最多者也曰御前之寶  
則宮中庫藏箱鎖用之曰御藥謹封則牙刺者也御藥  
房用之凡勅命遠出者仍用一黃紙封套上下悉用一  
牙刺方寶封識之其文曰丹符出驗四方其餘寶咸玉  
刻也凡寶皆內尚寶文官掌之遇用寶則尚寶司以揭

敦復齋藏書

帖赴尚寶監尚寶監請旨後再赴內司領取歲用寶三  
萬餘顆歲用寶色銀六十餘兩工部虞衡司辦進別項  
供億不盡載也其餘寶璽尚多不恒用天啓甲子冬河  
南巡撫程紹遺副使張夢鯨進到寶璽玉盾瑩潔款制  
渾朴其白文曰受命于天既壽永昌似小篆不甚古角  
無利缺的非秦璽想是宋元時偽造者惟閣臣魏廣微  
誇大其祥從臾逆賢播告中外以為此璽之進正在萬  
方慶祝之前又值朝政惟新之會顯是瑞應寔所以熒  
惑先帝受賀稱慶亦藉肆報復云

印綬監掌印太監一員僉書掌司數十員職掌古今通

集庫并鈇券誥勅貼黃印信圖書勘念符驗信符諸事及南京解到文武誥軸凡追奪誥命交納本監會同談科給事中中書舍人于勘合底簿內附寫為事緣由類于本監後小門之西傍河墻焚化

直殿監掌印太監一員僉書等官數十員職掌皇極建極中極武英文華殿寔樓閣廊廡洒掃之役最勞苦冷局無大廳公署也

敦復齋藏書

直房萬曆時凡造上用袍服之裏合用杭紬等絹例具尺寸數目于掌東廠太監處取辦之不知今尚如此否也萬曆三十二年冬御前偶失珍珠袍一件神廟震怒命先監矩親至袍房拷問數次時掌管內官王體乾王進王保三人素不睦而互訐陷之先監怒其愚狡察其寔寃而憐之竟不為嚴旨所拘再四撓鞠了無盜袍証據時王進孱弱被掠病亡而王乾等奉旨降淨軍結局其後又數年宮中有人云此袍是一貴顯宮女偷出付其答應內官拆碎變賣人始追感先監之明允淑問也倘希旨鍛鍊則支連蔓引含寃而死者寧能再生也乎

益知執法者凡事宜虛公詳慎可也  
都知監掌印太監一員甚不顯貴餘者皆本監寫字長  
隨各有青紅執事衣服凡聖駕出朝謁廟等項在前驚  
蹕清御者即此監之官也手執骨朵身穿鸚哥等補子  
戴平巾或官帽亦有穿圓領襖襪者其人極寒苦難以  
陞轉下下衙門也

惜薪司掌印太監一員總理數十員僉書掌道掌司寫  
字監工數十員各外廠公數十員專管宮中所用柴炭  
及二十四衙門山陵等處內臣柴炭每月初四十四二  
十四日開玄武門等放夫匠打掃淨車及擡運堆積糞

敦復齋藏書

壤每歲春暖開長庚蒼震等門率夫役淘浚宮中溝渠  
正旦節安彩粧凡遇冬寒宮中各銅缸木桶諛內官監  
添水湊安鉄筭其中每日添炭以防水凍凡宮中所用  
紅籬炭者皆易州一帶內中硬木燒成運至紅籬廠按  
尺寸鋸截編小圓荆筐用紅土刷筐而盛之故名曰紅  
籬炭也每根長尺許圓可徑二三寸不等氣煖而耐久  
灰白而不爆如曾經伏雨久淋性未過盡而火大氣熾  
多能損人倏令眩暈昏迷發嘔大人尚可皇子女嬰幼  
何堪又宮中咸木做地平牆壁多缺土氣凡乳母畏寒  
皇子女或中此每不覺屢致薨天良可痛也順天府歲

供糯米一十五石一斗永平府歲供紅棗一萬五千五百七十斤于紅籬廠交納之廠中舊有香匠塑造香餅獸炭又塑造將軍或福判仙童鍾馗各成對高二尺許用金彩粧畫如門神黑面黑手以存炭制名曰彩粧于十二月二十四日奏安宮 殿各門兩傍此亦歲暮植將軍炭于門傍之遺意也至次年二月初二日仍擣歸本廠修補粧新臨年節再用逆賢擅政則各增而大之所費百倍于前傀儡體做法高八九尺丈餘不等穿以真直綾絹苧細佩以真正弓矢兵器鬚眉直豎猛惡如生又恐無知之人戲弄損壞凡諛把門近侍必明燈守

敦復齋藏書

看雖冰雪寒夜不敢遠離必交接明白人人敢怒而不敢言也凡隆德等殿修建齋醮焚化之際用楊木長柴宮中膳房用馬口柴內官關領則片柴也外有北廠南廠西廠新西廠新南廠等處各有掌廠僉書監工收貯柴炭以聽關支

鍾鼓司掌印太監一員僉書數十員司房學藝官二百餘員掌管出朝鐘鼓凡聖駕<sup>朝</sup>聖母回及萬壽聖節冬至年節陞殿回宮皆穿有補紅貼裏頭戴青攢頂綴五色靴在聖駕前作樂迎導宮中陞座承應凡過年九日登高聖駕幸萬壽山端午鬪龍舟插柳歲暮宮中驅儼



及日蝕月蝕救護打鼓皆本司職掌西內秋收之時有打稻之戲駕幸旋磨臺無逸殿等處鐘鼓司扮農夫婦及田畯官吏徵租交納詞訟等事內官監等衙門候各用器具亦祖宗使知稼穡艱難之美意也又過錦之戲約有百回每四十餘人不拘濃淡相間雅俗宜陳全在結局有趣如說笑話之類又如雜劇故事之類各有旗引一對鑼鼓送上所粧扮者備極世間騙局醜態并閨閻拙婦駸男及市井商工刁賴詞訟雜要把戲等項皆可承應又御用監武英殿畫士所畫錦盆堆則名花雜果或貨郎擔則百物畢陳或將三月韶光富春山

敦復齋藏書

子陵居等詞曲選整套者分編題目畫成圍屏按節令安設總皆祖宗原因聖子神孫誕于宮壺之中長于保阿之手所以制此種種作用無非廣識見博聰明順天時恤民隱之意也猗歟盛哉意淵微矣又上元之前或于乾清宮丹陛上安七層牌坊或于壽皇殿安方圓鰲山燈有高至十三層者派近侍上燈鐘鼓司作樂贊燈內府供用庫備蠟燭內官監備奇花火炮巧線盒子烟火火人火馬之類誠所謂瞬息之樂粧點太平或藉此孝娛聖母未為不可但火燭耽驚糜費甚鉅思及民瘼實可惜焉又木偶傀儡戲其裂用輕木雕成海外回夷及

蠻王仙聖將軍士卒之像男女不一約高二尺餘立有  
有臀以上無腿足五色油漆彩畫如生每人之下平底  
安一柶卯用長三寸許竹板承之周欵餘濶數寸進深  
尺餘深方木池一個錫鑲不漏添水七分滿下用機支  
起又用紗圍屏隔之經手動機之人皆在圍屏之內自  
屏下游移動轉水內用活魚蝦蟬螺蛙鰕膳萍藻之類  
浮水上聖駕陞殿座向南則鐘鼓司官在圍屏之南將  
節次人物各以竹片托浮水上游鬪頑要鼓樂喧闐另  
有一人執鑼在旁宣白題目替傀儡登答贊道唱采或  
英國公三敗黎王故事或孔明七擒七縱或三寶大監

敦復齋藏書

下西洋八仙過海孫行者大鬧龍宮之類惟是暑天白  
晝作之猶要把戲者耳其人物器具御用監也水池魚  
蝦內官監也圍屏帳幔司設監也大鑼大鼓兵仗局也  
乍觀之如可喜如頻作之亦覺煩費無味矣先帝最好  
武戲于懋勤殿陞座多點岳武穆戲文至風魔和尚罵  
秦檜處逆賢常避而不視左右多竊笑之自天啟六年  
以後凡御前撒料打院本有鐘鼓司簽書王進朝綽號王  
瘸子者抹臉詼諧公然稱贊惜薪司怎樣軫惜商人內  
府庫怎樣米積天堆東廠怎樣釐奸剔弊保和店怎樣  
裕國通商內修朝政外鎮邊疆或稱好個魏公公或誇

好箇魏太監逆賢居之不疑自以為美先帝聖顏亦每  
為喜悅回想憲廟時汪直擅權尚有懷恩之流居帝左  
右所以阿丑敢譎諫也今王體乾既熟軟媚巧在王瘤  
子不過俳優賤職耳目然而化之可嘆也已想稱功  
頌德是又寧止章疏間哉五年之九月九日駕幸萬歲  
山鐘鼓司掌印太監丘印執板清唱雒陽橋記內之攢  
眉黛鎖不開一套至六年九月九日登高丘印仍唱此曲識  
者已哂其不合景失大體矣撫今思昔亦莫之為而為  
良非雀兆云神廟孝養聖母設有四齋近侍二百餘員  
以習官戲外戲凡慈聖老娘娘陞座則不時承應外邊

敦復齋藏書

新編戲文如華嶽賜環記亦曾演唱是日神廟侍側見  
權臣驕橫寧宗不振至云政由甯氏祭則寡人神廟亦  
屬目不言者久之先是仁宗聖陳老娘娘在時凡遇令節  
闡必恭請兩宮聖母子乾清宮大殿陞座神廟先在雲  
臺門之朝北立候仁聖老娘娘轎至景運門慈聖老娘  
娘轎至隆宗門神廟即居中朝北跪接候兩轎俱至乾  
清門方起中宮王娘娘扶請仁聖老娘娘皇貴妃鄭娘  
娘扶請慈聖老娘娘入宮少憩陞座神廟遞酒擺膳下  
氣怡聲膝行即拜周旋中禮傾心孺慕從來古今帝王  
聖孝所希覩也神廟又自設玉熙宮近侍三百餘員學

官戲外戲凡聖駕陞座則承應之劉榮其一也又蔡學詩等四十餘人多怙寵不法自萬曆己亥秋俱下北鎮撫司獄至庚申秋光廟始釋然庾死者已什之三四也此二處不隸鐘鼓司而時道有寵與煖殿相亞焉

寶鈔司掌印太監一員管理僉書十餘員掌司監工數十員每年工部商人辦納稻草石灰木柴若干萬觔又香油四十五觔以為膏車軸之用抄造草紙監不足二尺濶不足三尺各用簾成一張即以獨輪小車運赴平地晒乾類總入庫每歲進宮中備宮之人使用至于聖上所用草紙則係內官監紙房抄造淡黃色綿軟細厚

敦復齋藏書

裁方可三寸餘進交管淨近侍收非此司造也神廟至先帝惟市買杭州好草紙用之祖宗時造鈔印板及紅印聞其在庫中貯理其衙門左臨河後倚河有泡稻草池而每年池中濾出石灰草渣二百餘年陸續堆積竟成一卧象之形名曰象山有作房七十二間各具一爐突朝天名曰七十二亮神凡空濶土地最宜種蔬今畦圃綿亘桔槔相望若田家清野之象云

混堂司掌印太監一員僉書監工數員職司沐浴堂子惜薪司月給柴薪內官監撥有夫役今事皆廢弛凡內官皆于皇城外有堂子之佛寺內沐浴有選不中的淨

身男子俗稱無明白即古之私白者為之擦澡討賞諛  
寺僧擅其利而無明白分其餘潤故內官全不來司沐  
浴也

銀作局掌印太監一員管理僉書數員寫字監工數十  
員專管造金銀鐸針枝桃枝金銀錢金銀豆葉等豆者  
圓珠重一錢或三五分不等豆葉則方片其重亦如豆  
不拘以備欵賞之用又造花銀每錠十兩不等止可八  
成許又祖宗舊制有票兒銀者重十兩五兩三兩二兩  
一兩至一錢之方塊也其呈色止有六七成上有分兩  
印子逆賢擅政時久廢不造止以細絲銀鑿賞遂失祖

敦復齋藏書

宗節省之意甚可惜焉

浣衣局掌印太監一員僉書等數十員惟此署不在皇  
城內在德勝門迤西俗所稱漿家房者是也凡宮中  
年老及有罪退廢者發此局居住內官監例有供給米鹽  
待其自斃以防洩漏大內之事法至善也天啟七年十  
一月客氏筮死於此

兵仗局掌印太監一員管理僉書十餘員軍器庫提督  
一員掌關防掌司一員掌司寫字監工數十員職掌成  
造鎗刀劍戟鞭斧盔甲弓矢各樣大小神器又火藥局  
一處當之宮中元宵上鰲山頂上之燈例點放神器三

位則監工事也凡每年七夕宮中乞巧小針并御前鐵鎖鑰鏈鉗針剪之類及日月蝕救護鑼鼓響器宮中做法事鐘鈴鏡鈸法器皆隸之是以亦稱為小御用監也逆賢擅政時瓦解寧遠皮島等處登貢佛即機等件本局中為多

中帽局掌印太監一員管理僉書掌司監工數十員職掌內官長隨內使小火者平中官帽每年入夏據見在負數具題移文工部至冬初即于慎節庫領銀十餘萬兩鑿散內官內使人等靴料凡有羨餘繳進御前凡新陞秉筆即送朝衣冠笏帶鞋一分凡選中駙馬冠靴中

敦復齋藏書

使之家正帽閣者之猪嘴帽插柳跑馬勇士之圓帽藩王之國其旗尉靴帽帶若干分皆本局造送之奏于工部支領工價其署後臨河有梓潼帝君廟傳云神像是順流漂入至此不動遂建祠祀之籤最靈

針工局掌印太監一員餘與中帽局同職掌內官長隨內使小火者冬衣夏衣每年進散一次遇辰年戌年冬散鋪蓋銀一次凡宮中做法事揚幡桌圍等件皆隸焉凡內官曾賜蟒衣退出宮及病故者各具本還本局收內織染局掌印太監一員總理僉書掌司寫字監工數十員掌染造御用及宮內應用緞疋絹帛之類有外廠

在朝陽門外澣濯袍服之所又有藍靛廠在都城之西亦本局之外署也萬曆三十六年始建西項娘娘廟于此其地素窪下時都中有狂人倡為進土之說凡男婦不論貴賤筐擔車運或囊盛馬馱絡繹不絕以徵福焉甚而處女豔婦藉此機會以恣游觀咸坐二人小轎而懷中抱一土袋隨此香紙以往進之殊可笑也此先監沒後光景也又數年神廟宮中偶興棹作料城之戲于御前十餘步外界畫一方城于城內斜正十字分作八城挨寫十兩至三兩止令司禮監掌印掌東廠秉筆及管事牌子遞以銀豆叶八寶投之落于某城即照數賞之

敦復齋藏書

若落迸城外及壓線者便收其所擲焉至戊午年遂有之變失撫順開原等處此戲始不作也

酒醋麪局掌印太監一員管理等處官與別局相若也職掌內官宮人食用酒醋麪糖諸物浙江等處歲供糯米小麥黃豆及穀草稻皮白麪有差以備御前官眷及各衙門內官之用與御隔房不相統轄

司苑局掌印太監一員管理等官同前職掌宮中諸處蔬菜及種藝之事歲用黑豆穀草山東等處歲供之御前所用瓜果茶料俱此局與林衡等署上林苑海子同備辦之已上總謂之曰二十四衙門惟浣衣局在皇城

之外也

內府供用庫掌印太監一員總理僉書管理掌司寫字  
監工共百餘員專司皇城內二十四衙門山陵等處內  
官食米每員每月四斗神廟時張明掌此印插稻子或  
爛米甚而至有三斗半者孫成將此印將天堆之米亦罄  
者有油庫臘庫等處廳前懸木魚一尾長可三尺許以  
示有餘糧之意後庫上有瓦鴿子一相傳已久不知何  
所取意也凡御前用白蠟黃蠟沉香等香皆取辦于此  
庫其印非九重倚毗最有寵眷者不得掌也司禮掌印  
掌東廠秉筆管事牌子等歲賜祿米各于季冬奏過給

敦復齋藏書

散之宮中各長街設有路燈以石為座銅為樓銅絲為  
門壁每日晚內府庫監工添油點燈以便巡看關防逆  
賢擅政則盡廢弛以便冥行無敢言者矣

司鑰庫掌印太監一員管理僉書寫字監工可數十員  
凡寶源等處鑄出制錢該部交進本庫俵御前取討賞  
賜之用庫中積有歷代古錢洪武以來大錢逆賢擅政  
引導先帝濫賜左右幾無孑遺御前舊錢內一日偶得  
天啟錢大小數枚色甚古徧問人無知者李永貞到直  
房向纍臣說之纍臣隨告假沐浴到外直房于史內及  
袁氏叢書玉篇等書內查出梁蕭魏元法僧并南詔俱



曾有此年號及萬歲爺其四矣此進擬年號之宰相不多讀書之明驗也惜累臣身為人役不能親到御前奏對而反以此為招妬之媒豈非命耶凡乾清宮等門及午門東華門等鑰匙皆本庫監工于五更三點時自宮中發出分啟各門其鑰即便繳回其印文曰司關庫即俗名曰天財庫

內承運庫掌印太監一員近侍僉書太監十餘員掌司寫字監工數十員其署在東馬門其職掌庫藏<sub>下</sub>在宮內者曰內東裕庫曰寶藏庫皆謂之裏庫其會極門寶善門迤東一帶及南城磁器等庫皆謂之外庫也凡金銀

敦復齋藏書

紗羅紵絲閃色織金錦羊絨玉帶玉塊象牙瑪瑙寶石珍珠珊瑚之類總隸之又浙江等處每歲夏秋麥米共折銀一百一萬有奇即國初所謂折糧銀今所謂花銀是也候解到京于每年仲月由長安石門入徑進本庫交收此印及直殿監印鍾鼓司印混堂司印靈臺印皆本衙門第一員僉書族掌不係貴近內臣掌至崇禎三年冬董安事發之後此印便改以貴近臣掌也凡內官陞玉帶即于本庫領取及褫降病故其名下官人仍具本交還更須許多繁費近年奉旨陞玉帶者亦如外臣自備珠公私兩便也南京供應機房太監一員則本庫

外差有勅諭關防所謂漢臣織造是也其署漢庶人高煦遺址

靈臺掌印太監一員近侍僉書教員看時刻近侍三十餘員學習數十員凡遇收選官人則撥三四十名年幼者讀步天歌陰陽雜流天官星曆等書習寫筭觀星氣輪流上臺以候測變異呈稟掌印具呈司禮監掌印據寔奏聞其占候書曰觀象玩占曰流星撮要等書皆抄謄授受不敢布傳于外世雖有抄本玩占多差訛不全未足信也其教法極嚴比司禮監書堂之學規稟書寔効為優勝云每年曆樣造曆係靈臺欽天監公同經營

敦復齋藏書

御酒房提督太監一員僉書教員專造竹葉青等各樣酒并糟瓜茄惟乾豆豉最隹外廷不易得也

彈子房提督太監一員僉書教員專脩彈弓所用泥彈大小輕重各有等第以黃布作袋盛之

牲口房提督太監一員僉書教員收養異獸珍禽有虎城羊房

刺漏房官數十員不隸靈臺專管每日時刻畫則文華殿後每一時至即令直殿監官入宮換牌每夜攢點後至天明則隆宗門外報幾刺水之第一聲而答應長隨接報第一聲如其時初一至初四其時正一至正四之

類為接班起早之候也

更鼓房凡有罪內臣謫司其事挨年久者一員手牌帽總之平巾烏木牌者數人佐之凡逆賢殺人皆牌子候得用下手今死矣餘者二牌曰定水牌子其餘則淨軍每夜五名輪流上玄武門糝打更每夜自更三點起至五更三點止按數目用藤條擊鼓用檀木榔頭擊點點者銅鑄之大雲板也例只一更一人上樓不許移燈晴夜或可惟風雨晦冥苦不可言如有錯誤即責處之甜食房掌房內官一員協同內官數十員經手學習造辦虎眼等糖裁松餅減煤等樣一切甜食于內官監內

敦復齋藏書

討餞金盒裝盛進御前兼備進賜各宮人欽賜閣臣等項其造法器具皆內官自行經手絕不令人見之是以絲窩虎眼糖外廷最為珍味又七月十五日進獻波羅蜜亦所造也

繚作

即洗白

掌作內官一員協同內官數十員經手學習

織造各色兜羅絨各色五毒繚花素甲板繚及內官長隨小火者牌總繚惟兜羅絨織法傳自西域外無敢私織者甜食房并此廠皆屬御用監轄最寒苦可憫棗州攔草場在皇城内東北隅御馬監大門之南永樂初年建收料荳至宣德年間將中府草府草場之草分

受始立場有倉廩也

中府草場

即舊都府草場

在東安門外妣子府街永樂初創收

馬草傳云是勝國時都督府故名

天師庵草場在皇城東北角正統年間以張天師舊處改名建場外有井甘冽可用不減十王府街之井也已上共謂之三場隸御馬監各有掌廩太監一員貼場一二十員僉書數十員或百餘員

甲字庫職掌銀硃烏梅靛花黃丹綠礬紫草明礬光粉黑鉛水膠槐花藍靛五倍子潤白三梭布綿花布苧布紅花水銀礪砂藤黃茜草姜黃蜜陀僧礪砂白芨梔子

敦復齋藏書

百藥煎之類皆浙江等省歲供納之以備御用等監奏准取討

乙字庫藏掌奏本紙藥榜紙中夾等紙各省解到胖襖以備各項奏准領取

丙字庫每歲浙江辦納本色絲綿合六絲串五絲荒絲以備各項奏討而山東河南順天等府歲納棉花絨則內官之冬衣軍士之布疋咸取備于此

丁字庫每歲浙江等處辦納生漆桐油紅黃熟銅白麻檫麻黃蠟錫牛筋黃牛皮麂皮鐵泉魚膠白圓藤生熟建鐵等件以備御用監內官監等奏准支給

戊字庫職掌河南等處解到盔甲弓箭刀鎗及廢鐵以  
備奏准支給

承運庫職掌浙江四川湖廣等省黃白生絹以備奏討  
欵賞 人并內官冬衣樂舞生淨衣等項用

廣盈庫職掌黃紅等色平羅熟絹玄色等色杭紗及青  
細綿線以備奏討

廣惠庫職掌綵織帕梳櫛刷錢貫鈔錠之類以備奏  
討

廣積庫職掌盆淨焰硝熟硫黃聽盔甲礮等處成造火  
藥凡京營春秋操演咸取給于此

敦復齋藏書

贓罰庫職掌籍沒官衣服等件或作價抵俸給官已上  
總謂之曰十庫各有掌庫一員貼庫數員僉書數十員  
各不等然庫自戊字之後不全用十干者已者已也止  
也是以不得不改用別名也逆賢自甲字庫出身惟倚  
任李宗政為掌庫餘九庫聽宗政指揮先帝時凡宮中  
喜慶及萬壽聖節御馬監三草場并此十庫俱隨內官  
關鎖銀鐸針杖箇比別者外衙門示優異焉復奏討關  
防令掌場掌庫者掌之其篆文一行直下不過曰某字  
庫某草場關防而已萬曆時在京親藩如潞王福王先  
帝時在京親藩如瑞王惠王桂王各府承奉等官止有

食米冬衣靴料惟天啟年間今上信卽承奉等官亦俱  
隨宮內闕賞蓋先帝友于至誼祖宗以來所希有也  
漢經廠釋典具宗教兩門而誦經持咒勸導羣生蓋又  
度世津梁必不可缺者我二祖列宗咸多御製序文隆  
重佛典自宮壺藩封以逮學士大夫近而村氓里婦遠  
則邊塞軍士罔不藉佛法以寓勸化布經典以暨款貢  
以示羈縻祖宗在宥孝侍兩宮聖母琳宮梵刹徧峙郊  
圻丹籙梵文無遠弗屆皇城內舊設有漢經廠內臣若  
干員每遇收選官人則撥給數十名習念釋氏諸呂經  
懺其持戒與否則聽人自便如遇萬壽仁聖節旦正中

敦復齋藏書

元等節于宮內啟建道場遣內大臣瞻禮揚幡掛榜如  
外之應付僧人一般其僧迦帽袈裟緇色衣亦與僧人  
同惟不剃鬚髮耳事畢焚化圓滿後仍各易服色神廟  
曾選擇經典精熟心行老成持齋者數員教習宮女數  
十人亦能于各宮佛前作法事行香念經若尼姑也又  
萬曆初年馮太監保掌司禮監印時輔臣則張居正也  
時款貢伊始宣大巡撫移咨言求佛經江陵以書答撫  
臣曰王求經求僧此悔惡歸善之一機也南北數百萬  
生靈皆係于此天祐中華故使虎狼梟獍皆知淨修善  
業皈依三寶我聖所謂佛氏之教陰翊王度不虛哉禮

曹准公咨即可題請不必另疏但今在京番僧皆溷濁  
淫穢之流不通釋典遣去恐為人所輕耳所求佛經  
須有我祖<sup>聖</sup>宗御製序文者乃可與之公可持此書諭  
王嘉其善念曲為開導示之以三塗之苦誘之以人天  
福果之說及念珠坐具之類亦可稍少裁與俾益其向  
化之心則亦調伏克人一大機括也聖人之道苟可利  
濟生民隨俗用其教可也何必先王禮樂法度而後為  
哉此萬曆初年事也至三十年後于西直<sup>門</sup>外青龍橋萬  
壽寺建大鐘樓懸大鐘口鐘鑄楷書佛經樣式淳古聲音  
洪大可聞數十里外是時雨暘時若香火豐足此鐘晝

敦復齋藏書

夜撞不絕聲云十萬八千杵至天啟年間即停廢不撞  
今不知鐘存何處也累臣少時讀通鑑節要中楊節潘  
氏榮總論及宋儒崇

極厭憎釋教以為惑

世誣民最宜擯絕者後恭親列聖御製諸經序文及舊  
唐書太宗文皇帝本紀所載貞觀三年十二月癸丑詔  
建義以來未交兵之處每義士勇夫殞身戎陣者各立  
一寺命虞世南李百藥褚亮顏師古岑文本許敬宗朱  
子奢等為之碑銘以紀功業又初學記載此詔文曰有  
隋失道九服沸騰朕親總元戎致茲明罰誓牧登陴曾  
無寧歲其有禁火嬰此湯羅街鬚義憤終乎握節各狗

所奉咸有可嘉日徃月來逝川斯遠雖復項藉放命封  
樹紀以丘墳紀信捐生丹素著于圖像猶恐九泉之下  
尚淪鼎鑊八難之間永纏冰炭愀然疚懷用忘興寢所  
以樹其福田濟其營魄可于建義以來交兵之處為義  
士凶徒殞身戎陣者各建寺剝招延勝侶望法鼓所震  
變災火于青蓮清梵所聞易苦海于甘露所司其量定  
處所並主寺名支配僧徒及修院宇具為事條以聞稱  
朕哀矜之意按今都城宣武門外之憫忠寺寔其一焉  
寺有唐刻石碑係蘇靈芝書傳為李北海筆然有史思  
明字樣則非貞觀時碑可知累臣自崇禎戊辰秋斷掌

敦復齋藏書

戒酒皈依釋教又誦金剛等經又得詳味雲棲蓮池大  
師所纂彌陀疏抄菩薩成發隱等編咸歎服釋教宏博  
誠暗助聖朝治化不淺或在至戚密友苦口勸戒所不  
能感格之人彼或自己于內典發露真可使神懣汗流  
至壬申春山東巡撫余公大成者博山大師弟子也因  
孔有德之變逮獄累臣得侍座側猥蒙指教且云我聖  
朝大明會典所載每月禁刑十日即十齋期也凡未能  
長齋者先習十齋或歲加正五九月誠循循誘掖後人  
慈悲方便門也回想潘氏總論誤初學甚深是以儒生  
與釋子猶水火為至學博識定得君行道如江陵張相



國即 之克殘獷鷲尚頌經化導在我中華衣冠文物之輩又當何如以指成就哉治世法與出世法即儒門成已成物用舍行藏之義凡具慧性上根法器之人當終有憬然覺悟翻然自悟懺改者焉總憲唐公世濟長男元竑于萬曆乙卯中浙江鄉試持齋二十餘年甘心恬退推精禪學亦博山大師弟子也甲戌冬唐自留都召北任總憲元竑因慮日久年衰曾刺血寫家書勸唐辭官唐不聽也丙子秋 由宣鎮東北獨石拆墻入犯潛從天壽山後柳溝深入踰皇陵陷昌平薄都城殘掠畿輔竟飽颺去其冬奉旨朝官各舉素其邊材者唐

敦復齋藏書

薦及霍維華奉旨逮唐獄元竑聞之號泣奔北無可奈何遂復斷鹽豉持白齋刺血寫金剛經等二函叩佛祈祐丁丑夏部擬唐戍奉旨俞允以唐素有清名也唐亦不知維華在南抱病于丁丑正月間已客死戍所也番經廠習念西番梵貝經咒宮中英華殿所供西番佛像皆陳設近侍司其燈燭香火其隆德欽安二殿香火亦各有陳設近侍也凡做好事則懸設幡榜惟此番經廠仍立監齋神于門傍本廠內官皆帶番僧帽穿紅袍黃領黃護腰一永日或三晝夜圓滿掃砂萬曆時每遇八月中山秋神廟萬壽聖節番經廠雖在英華殿做好事

然地方陝隘于隆德殿大門之內跳步叱而執經誦念  
梵唄者十餘人粧韋馱合掌像捧杵向北立者一人御  
馬監等衙門捧活牛黑馬犬圍侍者十餘人而習學番  
經跳步叱者數十人各戴方頂笠穿五色大袖袍身披  
纓絡一人在前吹大法螺一人在後執大鑼餘者皆左  
持有柄圓鼓右執灣槌齊擊之緩急疎密各有節奏按  
五色方位魚貫而進視五方五色傘蓋下誦經者以進  
退若舞焉跳三四個時辰方畢神廟時亦選老成有行  
者教宮女數人亦如漢經殿能做法事惟弓足不能跳  
步叱耳監齋神者傀儡體制法真盔甲器械高與人等

敦復齋藏書

猶門神焉而黑面豎髮威靈可怖于本殿門宮門安之  
凡做好事畢即收于本殿庫中一夕有盜入庫神施法  
禁不能行托夢於看庫內官曰庫內有賊我替你拏住  
了天明果然是以人皆畏之凡食驛肉者絕不敢入殿  
入則有意外灾咎凡食牛犬之內者亦不及隆德殿欽  
安殿蓋亦頗著靈驗人不敢犯也英華殿前菩提大樹  
二株結子可作念珠詞臣張士範偈謹附載之其序曰  
大內西北之隅建有英華殿一處殿前菩提樹二株聞  
係九蓮菩薩慈聖皇母所建樹叢生高二丈餘枝幹婆  
娑下垂至地儼若佛菩薩慈悲接引衆生也者盛暑開

花作黃金色鼻觀時時有異香葉如楸子不從花得乃生于葉之背雙雙如綴明珠似借空花喻世<sub>六</sub>起色香佛果別成非闕生滅特見菩提身而為說法者深秋葉墮時飄颺水荈拾作念珠較南崖者惜不甚大然色黃潤而分瓣之綠色微白名衲多寶之如得未曾有神廟以聖母上賓奉御容于樹之東北別殿值朔望令節即親詣行禮每仰瞻雙樹若有杯棬之思焉因上尊號曰九蓮菩薩云偶禪持此珠作施脩述其詳如此臣士範敬撰小偈以代頌言英華殿前菩提樹淨土移來飽霜露借問當年種者誰值以九蓮菩薩故托根不與凡卉

敦復齋藏書

同花作黃金欲逆風婆娑蔭覆人天界馥郁香飄帝擇宮香飄蔭覆超塵劫培得本枝千萬葉明珠每葉實離離佛子繩繩相續接秋深其葉滿階鋪會得西來旨意無分明舍利人恣取綴作人間念佛珠念茲在茲指其掌拳拳勿失非闕想常得法雨潤心田澆灌菩提日日長果証三生不記春化生菩薩萬億身萬億之身一身是九蓮菩薩寧異人是則名為慈聖母九品蓮花為上首即心即母即菩薩菩提不朽母不朽菩提即母定承歡誰道衆生見母難寄語恒河諸佛子莫把菩提作樹看翰林院侍講張士範恭識初萬曆元年四月順義王

俺答奏選得金字番經並喇嘛僧為傳誦經典禮部通行順天府造金字經三部舊字經四部黑字經五部選得番僧暨日早回毋淹滯生釁神廟報可至十一月禮部覆看督臣王崇古之請給俺答佛像番經當前去傳經番僧三人裨衣坐具苧絲番僧衣并靴襪授在番僧九人官仍給裨衣坐具僧帽及給其番官四人綵段道經廠演習玄教諸品經懺凡建醮做法事亦于隆德殿或欽安殿懸幡掛榜如外之羽流服色而雲璈清雅儼若仙音萬曆五年十月戊子慧星見西南神廟以星變特諭禮部建醮于朝天宮三日仍徧告各宮廟至二

敦復齋藏書

十六年鼎建乾清坤寧兩宮勅先監矩總督工程每月初四日即同閣臣九卿入宮閱視一次至三十一年工始造告成勅正一嗣教大真人張國祥即張天師也率領道侶數十員于乾清宮大殿啟建黃籙大醮若干日香燭輝煌齋供精美儀文隆備世所罕見至第三日午時有白鶴千餘于兩宮之上飛鳴旋繞移時方散無不贊歎聖誠感格玄穹鑒臨羣內仰視之空中之鶴有小近侍王昇者其口大能容拳亦隨衆挨擠真人一見即曰這孽畜躲在這裡了云昇是得道蝦蟇初化生之人也凡朝天等宮廟奏事即道經啟代為轉奏護國寺等寺

奏事即漢經廠番經廠代為轉奏其道經廠林朝者泰  
昌元年八月內陞乾清宮管事王太監安極器重之改  
復原姓魏陞天壽山某陵神宮監掌印太監後被逆賢  
害死初神廟亦欲選宮女數十令教習玄教為女道士  
而掌壇內臣李昇白忠林朝執奏曰不可佛教慈悲凡  
此微簡褻尚或耽待若玄教諸神天將恐女子無知惹  
咎不便是以中止共謂之曰三經廠每遇收選官人各  
撥數十員隸之凡做好事一永日或三晝夜五晝夜七  
晝夜各有欵賞錢錠為襯一總事畢易服叩頭謝恩凡  
三經廠將做好事之前須先頒旨意傳各衙門答應錢

敦復齋藏書

糧其所誦經典所費紙劄司禮監也桌撓香爐紙爐等  
件內官監也鈴杵等件御用監也檐桌圍針工局也拜  
單幃幙傘司設監也香燭油米內府供用庫也炭餅柴  
炭惜薪司也齋供飲食尚膳監也鍾磬鑼鼓鈺鈸兵仗  
局也凡遇癸亥神廟景命三經廠各做好事三永日遣  
管事牌子瞻禮凡做好事則司禮監掌印掌東廠秉筆  
管事牌子各進素盒十三副或八副點茶每廠掌廠太  
監一員貼廠各司房數十員于各衙門帶衙維番經廠  
韓長老神廟極所信禮稱長老而不名又王定安清修能  
琴為先監所器重云

南海子林苑總督太監一員關防一顆提督太監四員  
管理僉書掌印監工數十員分東西南北四圍每面分  
四十里總二十四鋪各有看守牆鋪牌子淨軍若干人  
東安門外有菜廠一處是其在京之外署也職掌壽鹿  
獐兔菜蔬西瓜果子凡收選內官于禮部大堂同欽差  
司禮監監官選中時由部之後門到此廠過一宿次日  
早晨點入東安門赴內官監又細選無違碍者方給烏  
木牌候收畢請旨定日差同司禮監掌印或秉筆于萬  
歲山前撥散

林衡署蕃毓署嘉蔬署良牧署提督太監一員各有掌

敦復齋藏書

署官一員貼署僉書數員職掌進宮川芎雜菜栽培樹  
株雞黃鴨蛋小猪等項

織染所掌關防太監一員僉書十餘員職掌內承運所  
用色絹其署向南在德勝門裡三座橋之北內有空地  
堪為園囿其染成之絹赴內承運庫交納此所工部亦  
有監督有所大使有供辦顏料諸項商人此所不隸內  
織局染

盔甲廠即鞍轡局建署于都城内之東南隅掌廠太監一員  
貼廠僉書數十員轄匠頭九十名小匠若干名專管營  
造鐵盔甲銃砲弓矢火藥之類萬曆年間火藥忽燃者

再其三十三年九月丙申申時忽響一聲起烟如靈芝  
燒死京營領藥把總等官九員軍人六十三名重傷者  
二十一名毀房屋若干間禮科蕭近高所題燒死不下  
數百人凡于工部領銀一萬兩此廠則六千王恭廠四  
千分造之工部主事一員監督之近年因東西南北宋  
便復增主事一員各監督之崇禎甲戌九月初七日天  
明時忽震響一聲損房及人甚多將製火藥石砧遠拋  
于泡子河城牆下又一石砧自空中落于民家屋上打  
透至炕炕上所卧小孩又不知何因在地無恙又一人  
繫掛于梁上頭與脚下垂止有皮無衣無肉骨形比生

敦復齋藏書

時頗增長許多是日也本廠匠頭蔡承祿號小泉家出  
殞其人頗富侈寘器咸用真正綾絹為之延優倡扮十  
二寡婦征西等故事又製火人火馬十匹各以起火紙  
炮縛徧人身馬上點看藥線馳跑則起火四飛紙炮雖  
近響而人不傷是日之變人多云蔡家所致凡附近寺  
廟正殿多未震動而配殿概損也有一吳羊兒者素以  
食物入廠貨賣此晨已擔入忽覺眼黑耳畔亦略聞有  
些微響聲移時始醒開眼視之則身立泡子河橋上不  
知得何佑而無恙也又有一賣肥皂者素在崇文門裏  
賣後改于門外賣是時偶入城索債被響雷震死于姜

百戶門首肥皂<sup>箱</sup>香油粉狼藉見者無不悚懼奉旨將掌  
廠直日內臣賀堯年等監督主事蔡宸思逮獄薄懲之  
安民廠舊名王恭廠建署于都城之西南隅掌廠太監一員  
貼廠僉書十餘員轄匠頭六十名小匠若干名管營造  
錢糧與盔甲廠天啟六年五月初六日辰時忽大震一  
聲烈踰急霆將大樹二十餘株拔出土根或向上而稍  
或向下又有坑深數丈烟雲直上如靈芝滾沸向東北  
自西安門一帶皆霏落鐵渣如麩如米者移時方止嗅  
之火藥氣自宣武街迤西刑部街迤南將近廠房屋猝  
然傾倒如踐踏者木土在上而瓦在下殺有名姓者幾

敦復齋藏書

千人而合戶死及不知姓名者又不<sup>知</sup>幾千人也凡坍塌  
房屋爐中之火皆滅只賣酒張四家兩三間之木箔焚  
然其餘了無燒燬凡死者肢體多不全不論男女盡皆  
裸體未死者亦或震禿其衣帽焉真從來未有之變也  
遂改卜于西直門街北建廠先帝賜名曰安民并盔甲  
廠皆鑄銅關防以給之重軍需也王恭廠舊址兵部尚  
書馮嘉會題改為戎政署凡在西會議兵事即共集面  
計甚便而崇禎辛未戎政尚書關夢得設處錢糧修理  
捐俸完局云近因火藥逼窄遂于宣武門街儘北頭街  
西分創新火藥局處所又安定門裏東絛兒衚衕舊設



有鎗局一處係軍營官軍自兩廠領出火藥併神器堆積以便教場取用者崇禎戊寅四月初五日卯時新火藥局忽震一聲損壞房屋人民許多至六月初二日午時安民廠亦大震略減于天啟六年五月時也八月初七日卯時鎗局復大震且延燬草若干垛其湧起之烟各如靈芝如潮浪如雲如雪移時方散聖明極矜憐之發御前銀分賑司禮監掌印雷太監化淳皆親詣傷處驗看復施棺施蓆殮埋是歲頗旱至庚辰四月初一日午時宣武門外所設新局造火藥處復響一聲損人民房屋甚多

敦復齋藏書

西山墳陵各有掌府官一員僉書十餘員不等以供修理洒掃看守香火凡有祭祀即本處掌府官行禮京城內外寺廟各有燒香內官十餘員不等及東西捨飯寺亦各有內官數十員咸因年老有病退居于此止給本身柴米冬衣靴料以終殘年此祖宗以來養養之澤周詳備至者也

安樂堂在安門裏掌房官一員掌司數十員凡在裏面官長隨內使小火者有病便差此處醫治痊可之日重謝房主銷穀供職如不幸病故則各有送終內官啟銅符出北安門內官監給棺木板惜薪司給焚化柴槿至

淨樂堂焚化皆祖宗為中官始終之大恩也萬曆時堂內一屋有兩人養病一人已死身旁無所有止有一銅盆被未死者力疾床下將盆藏之死者之家人名下編尋盆不見而藏盆者不久亦氣絕比殮時則覆盆于被內腹下蓋內臣性貪苟得至死不二遂得為笑柄云累臣目擊陋習心頗不甘因發三大愿一曰不教戲寔不忍將民間幼男買來付南人教習費財耗力以供人耳目之樂終致戲散流落失所者多二曰不蓋房寔不忍隨世俗陋套頻興土木取片時之得意失寒素之本色三曰不受故官財產是以先監陳坐化常太監雲病逝

敦復齋藏書

李公永貞死後累臣所分遺念堪付一笑凡內臣稍富厚有力者咸豫先捐資約期擺酒創老衣會棺木會壽地會于義會館中念經殯殮以為身後眼目之榮淨樂堂在西直門闕外亦有內官數人經營凡宮女內官無親屬者死後于此焚化堂有東西二塔塔下有井皆盛貯骨反之所猶唐之宮人斜也客氏筮死亦焚于此

內安樂堂在金鰲玉鍊橋西樞星門迤北羊房夾道有掌司總其事者二三十人凡宮人有病及年老或有罪先發此處待年久方再發外之浣衣局也成化年間憲

廟皇貴妃萬娘娘專寵孝穆皇后紀娘娘覺有孕曾托病居此誕生孝廟為中興聖帝云

內贊禮官巡街長隨凡宮中祭祀禮儀等事係贊禮官職掌如外之鴻臚寺焉其官十餘員自答應長隨選其動轉便利聲音洪亮儀表豐秀者為之得穿紅圓領束金鑲帶此外又有巡街長隨亦自答應長隨內歷俸寔俟帶平巾得穿青襪襪牙牌各輪流巡歷地方有旗尉數人跟隨凡禁地有異言異服及喧嚷犯禁者得詰而責之事大則開具連七紙手本名曰事件呈稟司禮監奏處事小則責打逐出而已

敦復齋藏書

答應長隨凡收入官人之始先選身軀偉壯者有力者百餘人分派大轎即梭頂方轎也小轎即明轎也并傘扇等演習步驟凡遇謁廟朝講以至聖駕出外擗弓箭賞賜等箱駕回各交原處俱在玄武門之東西長庚門之外一帶廊下家住分各門共爨屬司禮監轄平巾牙牌貼裏看守六科廊報水巡街禮儀房等項皆從此中挨陞補選凡夜間那方有光亮便從宮中門縫傳出急分差長隨找尋是何處失火登時回話凡召對宣及欵賜大臣銀兩表裡羊酒瓜果等項皆長隨齎送天下文武官各藩府進到表箋禮物皆隨收接捧進其為首數

員有官帽曰答應牌子即司禮監奉御然不敢穿袂襖也祖宗以來凡雙月十六日例有答應牌子前往教場比試武藝應襲至逆賢時欲令名下私人炫耀中外遂改差文書房或監官輪挨一人往也非舊制也官下官占分兩班回撥小火者烏木牌平巾遇陞一級則內使烏木管宮中洒掃之事有力者免之

當差聽事兩班四撥內使小火者烏木牌戴平巾有總牌一名二牌三牌四牌各一名每撥餘者各數十名專答應司禮監監官典簿人數凡出外拏入馬房動刑裡外聽事房看守墩鎖淨軍皆其職掌猶外廷之皂隸也

敦復齋藏書

夜則輪流叫火巡風隔風縫聽博驅使極勤苦忙迫可憐然間多騙詐嫖賭答應宮人不成人貪忍無恥亦大與外廷廝役相似者大抵習俗移人多被漸染不能特立誠為飢寒迫耳悲夫京城內外十六門

正陽門掌門官一員管事官數十員帶管外羅城南門居中之永定門凡冬至聖駕躬詣園丘郊天并耕藉田及崇禎辛未五月初一日今上聖主因旱詣園丘步禱咸由正陽門出也

崇文門掌門官一員管事官數十員帶管外羅城之東南左安門正東之廣渠門東北之東便門崇文門俗稱

海岱門也左安門即俗稱姜繚門也廣渠門即俗稱沙窩門也

宣武門掌門官一員管事官可百餘員逆賢則幾二百員帶管外羅城西南之右安門正西之廣寧門西北之西便門宣武門即俗稱順城門也廣義門即俗稱彰義門也此京城之南一面也

東面則朝陽門即俗稱齊化門也聖駕春分節躬詣朝日壇及藩王之國則由朝陽門出再北則東直門也西面則阜城門即俗呼平則門也聖駕秋分節躬詣夕月壇則由阜城門出再北則西直門也

敦復齋藏書

北面居西者德勝門也聖駕謁陵及大行帝后發引則出此門北面居東者曰安定門也萬曆丙辰七月初六日晚大風暴雨曾將此門櫺刮折拔清河一帶大樹無筭而皇城之北中門東上門櫺俱折凡遇夏至聖駕躬詣方澤壇祭地即經由安定門也各掌門官一員管事官十餘員或三四十員與前三門亦同議查出入交納課程已上俱聽正付提督掌司節制而司禮監鈐轄之凡在京大小喪柩得于安定西直東直阜城崇文宣武門發引餘三門不許出柩也

在京府第王府每承奉正一員典寶等官數十員公主

府每中使一員閹者數十員。

聖駕御前凡每日親近內臣自司禮掌印秉筆隨堂之次而名位尊顯者曰乾清宮管事其第一員或第二員則提督兩司房者也曰打卯牌子則隨朝捧劍者也其次曰御前牌子曰煖殿則朝夕在側者也其次曰管櫃子曰人數司房曰管賞司房曰御藥房曰御茶房曰管庫又其次曰管弓箭曰擎馬曰尚冠等四執事則并尚衣尚履管淨者也曰帶刀曰報時刻曰大庖厨曰宮後苑曰班上曰吹響器曰欽安殿隆德殿英華殿之陳設已上皆穿紅謂之曰近侍也曰某宮近侍則答應皇后

敦復齋藏書

妃嬪皇子女等近侍也各數十員不等總穿紅近侍也御藥房提督太監正副一員分兩班餘曰近侍二三十員未進宮者未穿紅者學醫官人三四十員職掌御藥餌與太醫院相表裡凡選官人一次官人進內必撥年少者三四十人或五六十人選醫官教習讀藥性賦醫要集覽及素問脉訣等書祖宗以來無一人敢無事入藥房者防至密也逆賢用事則大不然矣可嘆也凡聖駕違和傳放御醫至或四人或六人吉服入宮不論冬夏必于殿門之內設炭火一盆中焚蒼朮雜香人人從盆上入叩頭畢第一員膝行跪診左手第二員跪診右

手診畢仍互更再診之各將聖恙大畧面奏數言出至聖濟殿計開藥方具本御藥房用金確煎進之其灌口以御藥謹封緘之

御茶房秩視御藥房分兩班有牌子四員常行近侍三四十員職司茶酒瓜果凡聖駕出朝經筵講筵御用茶及宮中三時進膳聖駕七箸中宮七箸係其職掌尚膳監撥長隨以供汲水擗扛祖宗以來亦無一人敢擅入者逆賢擅政時止伺候先帝七箸杯盞將中宮張娘娘合用器具一槩不管而客氏逆賢王體乾等御前每日賜喫之膳顧奔趨供奉不敢後焉可慨也神廟時牌子

敦復齋藏書

魏學顏最有寵自有打卯牌子朝忠死後無人解聖意者惟學顏奏對便捷嘗備顧問日親信之即陞秉筆管事莫敢與抗泰昌元年八月光廟登極憫其勤慎忠勞陞秉筆尋准辭間住學顏豐潤縣人未甚讀書而博聞強記敬重士大夫且癖好黃白之事門多異流即屢被丹客騙哄而至老不厭也萬曆丙辰科第六名中式舉人趙鳴陽遭第一名沈同和事敗喫累雖鳴陽未得廷試然文名藉甚學顏深慕之後以重幣延請至外邸訓其侄魏廷獻入豐潤縣庠及學顏得以秉筆予告而鳴陽在京師道 大行復游山西主鄭公宗周家天啟甲

子冬河南獻寶璽後魏相國廣微等交通逆贖自大工興後  
崔御史呈秀等接續布窵凡先帝一應長旨意長聖諭  
迥與癸亥以前文氣不同人頗駭訝彼時通內導逆諸  
臣大布謠言于外曰涂文輔是秀才出身趙鳴陽入幕  
在內南北布傳人多信以為實是時今上在朱邸或亦  
聞之至崇禎戊辰六月內中府會審李永貞等而永貞  
輒昧心妄扳鳴陽蓋欲少賒目前之死誣陷人性命罔  
恤也其年冬臺臣陳公乾陽偶有疏波及之奉旨逮鳴  
陽獄時大司寇喬公允升總理曾公于汴咸心知其冤  
而奈無據乃于己巳七月內提取若愚并永貞姪男僕

敦復齋藏書

人赴都城隍廟面質鳴陽若愚曰永貞若愚心本不同  
各人自有本末扳者自扳不扳者自不扳此形可碎此  
心難昧必不忍以人之妄加己者而今亦妄加諸人也  
乃激烈慷慨力為鳴陽辨白曰鳴陽並不曾入魏忠賢  
之幕中外之語皆因鳴陽曾在秉筆魏學賢家教書人  
遂誤傳入魏忠賢之幕也云云其舉人曹泰然等生員  
魏廷獻等可數百人皆鳴陽門人俱為鳴陽申訴時座  
中問官董公羽宸等九位盡感動首肯鳴陽得擬杖過  
堂覆允存案刑部江西司其長男趙玉成至丁丑科登  
劉同升榜進士學顏至戊寅年夏卒壽九十餘人咸以



為得內養外丹力也

篋頭房近侍十餘員專習為皇子女請髮留髮入囊整容之事凡誕生皇子女彌月剪胎髮百日命名後按期請髮者即如外之每次剃頭然一莖不留如佛子焉皇子戴玄青縐紗六瓣有頂圓頂名曰爪拉冠至十齡留髮約年餘又擇吉入囊總束于後冬用玄色紵夏用玄色紗作囊濶二寸許長尺餘垂于後至選婚有妃始擇吉行冠禮此皇子事也皇女戴寸許濶小頭箍至十餘齡留髮至年餘又擇吉打扒角至選婚有駙馬始擇吉上頭此皇女事也凡奏文書皆禮儀房職掌凡收生婦

敦復齋藏書

醫婦進宮出宮或乳婦有疾更換皆禮儀房事也

猫兒房近侍三四人專飼御前有名分之猫凡聖心所鍾愛者亦加陞管事職銜牡者曰某小廝驕者曰某老爹牝者曰某了頭候有名封則曰某管事或直曰猫管事亦隨中官數內閣賞凡皇子女嬰孺時多有被猫叫得驚風禿天者有誰敢言或只于所居近處禁止幾年可也說者曰祖宗為聖子神孫長育深宮阿保為侶或不知生育繼嗣為重而寵注一人未能溥貫魚之澤是以養猫養鴿復以螽斯百子千嬰名其門者無非欲藉此感動生機廣胤緒耳其意良深遠哉凡聖駕喜乘之

馬亦各有賜佳名逆賢曾進先帝之馬甚多有曰飛玄光等或陞馬玉帶賞馬抹布刀兒如管事之秩然總屬戲弄不可為訓也

宮內教書選二十四衙門多讀書善楷書有德行無勢力者任之三四員五六員不拘穿被襪不妨原衙門原職銜而隨御司房或管櫃子關賞亦洊陞玉帶騎馬仍命秉筆一員提督之所教宮女讀百家姓千字文孝經女訓女孝經女誡內則詩大學中庸論語等書學規最嚴能通者陞女秀才陞女史陞官正司六局掌印凡聖母及后妃禮儀等事則女秀才為引禮替禮官也凡宮

敦復齋藏書

人有罪者發落責處或罰提鈴墩鎖等名色以苦之提鈴者每日申時正一刻或天晚宮門下鎖時及每夜起更二更三更四更之交五點則自乾清門裡提鈴至日精門回至月華殿門仍還乾清宮門裡其聲方止提者徐行正步大風大雨不敢避而鈴聲若四字一句如曰天下太平天下太平神廟御居啟祥宮時則自咸和右門提至嘉德右門而仍回原處止焉

寶和等店經營各處客商販來雜貨一年所徵之銀約數萬兩除正額進御前外餘者皆提督內臣係祖宗額設內府衙門之數也店有六曰寶和曰和遠曰順寧曰

福德曰福吉曰寶延而提督太監之廳廨則在寶和店也俱坐落戎政府街凡奉旨提督者亦無勅書傳云起自嘉靖年間裕邸差官徵收神廟時屬慈寧宮聖母娘娘宮中徵用管事張隆齊棟等總其事先帝登極逆賢攘為提督委掌家王朝用經理之朝用兢兢自守自愛新其廨宇寬其苛斂惟恐病商司房王惟善等至今稱之按年販來貂皮約一萬餘張狐皮約六萬餘張平機布約八十萬疋粗布約四十萬疋棉花約六千包定油河油約四萬五千筭燒酒約四萬筭而都城內所燒者不與也荆油約三萬五千筭芝麻約三萬石草油約


敦復齋藏書

二千筭南絲約五百馱榆皮約千馱各香館分用也北絲約三萬斤串布約五萬筒江米約三萬五千石夏布約二十萬疋瓜子約一萬石醃肉約二百車紹興茶一萬箱松羅茶約二千馱雜皮約三萬餘張大麪約五千萬塊中麪約三十萬塊麪麪約六十萬塊京城自造細麪八十萬塊而內臣勛戚自製之麪不與也四直河油五千筭四直大麪五十萬塊 約五千斤猪約五十萬口羊約三十萬隻俱各有稅而馬牛驢騾不與也如瑱粵之寶石金珠鉛銅砂汞犀象藥材吳楚閩越山陝之幣帛絨貨又不與也天啟以前大概如此今又不知何

項增多何物減少觀商民之通塞販貨之豐耗亦足以  
卜時考世云

內臣衙門職掌第十六

敦復齋藏書



大內規制紀畧第十七

皇城外層向南者曰大明門與正陽門永定門相對者也稍東而北過公主左門向東者曰長安左門再過東玉河橋自十王府西夾道徃北向東者曰東安門轉而過天師庵草場轉西向北者曰北安門即俗所稱厚載門者是也轉而過太平倉迤南向西曰西安門再南過靈濟宮灰廠向西曰長安右門紅柵之內門之北則登聞鼓院在焉此外圍之六門牆外周圍紅鋪七十二處也

紫禁城外向南第一重曰承天之門每年霜降後吏部

等衙門朝審刑部重囚在門前中甬道之西東西甬道  
之南五府等衙門坐東向西吏部等衙門坐西朝東吏  
部主筆者第一座刑部正堂第二座都察院第三座餘  
以次列下聞舊時犯人朝北跪而刑部事宜亦明載各  
旗尉引押本囚上前北面跪則是有寃者側面向西主  
筆者分訴今侍從之人大聲唱曰朝上跪而乃直朝西  
豈以西為上耶主筆者思以上自居耶無人敢以為非  
也南二重曰端門三重曰午門魏闕兩分曰左掖門曰  
右掖門轉而向東曰東華門向西曰西華門向北曰玄  
武門此內圍之八門也牆外周圍紅鋪三十六處每晚

敦復齋藏書

有勳臣一員左闕左內直宿每更官軍提銅鈴巡之而  
護城之河遠焉

皇城內自北安門裡街東曰黃瓦東門之東街南曰尚  
衣監街北曰司監再東曰酒醋麪局曰內織染局曰皮  
房紙房曰針工局曰巾帽局曰火藥局即兵仗局之軍  
器庫也再東稍南曰內府供用庫曰番絰廠曰漢絰廠  
曰司苑局曰鍾鼓司再南曰新房曰都知監曰司禮監  
祖宗舊制司禮監第一層門向西門之內稍南有松樹  
十餘株者內書堂也先師位供安向南其楹聯曰學未  
到孔聖門牆須努力儻行幾步做不盡家廷事業且開

懷丟在一邊聖人位之北一間教書詞林先生所總之所也廚房設在後凡米肉食料俱辦于光祿寺內書堂稍北曰崇聖堂凡印公公秉筆隨堂公之到任入門先禮之再北向南者則二層門矣入此門再東朝南者斯本監公廳之大門也門外有東西二井通封給之西井之西有一小門東井之東亦有一小門其內皆提督監官典簿文書房掌司所居房屋也古書籍名畫筆墨綾紗紙劄各有庫貯焉新房之北司禮監也新房之南御馬監也所謂新房者東西一街南北一連二連三連等連之十字路口各有井自逆賢擅政將司禮舊制外

敦復齋藏書

層折毀改為大門向西殊失蘊藉次第一層高如一層之義無知妄作此其一也近年仍改復舊制焉御馬監之南向西者曰杆子房曰北膳房曰煖閣廠廠之東門通河而門最高大啟閉不便遂于大門扇上復開一小門以便行走河之兩岸榆柳成行園畦分別如田家也曰南膳房再南曰冥器廠曰混堂司曰內東廠曰尚膳監撥子斜對御馬監向東者曰北花房亦辦膳之所也曰印綬監曰中書房曰蹴圓亭武廟恒臨幸之曰內承運庫此庫掌印僉書掌司寫字諸人所住之署也此路總名之東河邊尚有房八區則司禮監印公秉筆隨堂

大內規制紀畧

衆住所謂河邊直房是也過東上北門東中門街北曰彈子房曰學醫讀書處曰光祿寺街曰篋頭房再東則東安門裡俗所稱牆門者過橋則東安門也自東上南門之東曰重華宮其前曰重華門曰廣愛門曰咸熙門曰肅雍門曰康和門猶乾清宮之制而後有兩井東西有兩長街西長街則有興善門麗景門長春門清華門寧福宮延福宮嘉福宮明德宮永春宮永寧宮延禧宮延春宮宜春宮凡妃嬪皇子女之喪皆于此停靈至發引時出東上南門東上北門北中門北安門詣西山等處墳園安厝東長街則有廣順門中和門景華門宣明

敦復齋藏書

門景明門洪慶門洪慶殿供番佛之所也又有膳房又有門曰景和門又東則內承運庫也自東上南門迤南街東曰永泰門門之內街北則重華宮之前門也其東有一小臺臺有一小亭再東南則崇禎殿俗云黑瓦殿也景泰年間英廟自北狩回所居永泰門再南街東則皇史宬珍藏太祖以來御筆寔錄要緊典籍石室金匱之書此其處也皇史宬每逢六月初六日奏知晒晾司禮監第一員監官提督董其事而稽覈之其看守則監官也左右小門曰鑿龍音歷左門鑿歷右門東去則追光閣曰欽天閣透玲碑在焉世廟御製欽天頌勒于碑



石光潤潤有整之二近似卧碑御製也再南則御前作也皇史宬之西過觀心殿射箭處稍南有門曰蒼龍其南曰昭明門其西南則嘉樂館也其北曰丹鳳門列金獅二內有正殿曰龍德左殿曰崇仁右殿曰廣制正殿之後則飛虹橋也橋以白石為之鑿獅龍鼉魚蝦海獸水波洶湧活躍如生云是三寶太監鄭和自西域得之非中國石工所能製者橋之前右邊一塊缺損云是中國補造屢易屢泐亦古迹也橋之南北有坊二曰飛虹曰戴鰲姜立綱筆橋之東西有天光雲彩二亭又北壘石為山山下有洞額曰秀巖磴道分而上之其高高

敦復齋藏書

在上<sup>者</sup>乾運殿也左右各聳一亭曰御風曰凌虛隅以山石藤蘿花卉若牆壁焉又外為永明殿最後為圓殿引流水繞之曰環碧又再北曰玉芝館即睿宗獻皇廟也後殿曰大德殿外券門曰寶慶門曰延祥門曰佳麗門其東牆外則觀心殿也皇史宬東南有門通河河上曰湧福閣舊名澄輝閣俗所謂騎馬樓者是也迤東沿河再北則呂梁洪東安橋再北則有亭居橋上曰涵碧又北則回龍觀止焉其殿曰崇德者是也觀多海棠每至春深盛開之時聖駕多臨幸之是河也從北安門外文昌宮迤東步橋入經皮房內織染局涼帽局御馬

監之東東安門橋下至長安左門外迤東之玉河橋出焉

北安門內街西曰安樂堂凡內官有疾者送此調理山陵及外廠九門官則不與也再南黃丸西門之裡則內官監也過北中門迤西則白石橋萬洪殿等處至高太玄殿則習學道經內官監之所居也其北則水窖也北中門之南曰壽皇殿曰毓秀館曰育芳亭曰萬福閣其下曰臻福堂曰永平閣其下曰集仙室曰延寧閣俱萬曆三十年春添蓋曰北果園殿之西門內有樹一株掛一鐵雲板年久樹長遂啣雲板于樹幹之內止露十之

敦復齋藏書

二三誠古跡也殿之東曰永壽殿曰觀花殿植牡丹芍藥花甚多曰集芳亭曰會景亭曰玩春樓其下曰壽安室曰觀德殿亦射箭處也與御馬監西門相對者曰壽皇殿之東門萬曆中年始開者也殿之南則萬歲山俗所謂煤山者此也久向故老問詢咸云土塹堆積而成崇禎己巳冬大京兆疏亦曾語止為真有煤如果靠此一堆土而要認為煤寧不臨危誤事哉我成祖建都之後何等強盛天下有道守在四夷豈肯區區以煤山山為禁中自全計何其示聖子神孫以不廣耶山上樹木葱鬱神廟時鶴鹿成羣呦呦之鳴與在陰之和互相響

答聞于霄漢矣。山上有土城，磴道每重陽日，聖駕至山頂，座眺望，頗遠。山之前曰萬歲山門，再南曰北上門，左曰北上東門，右曰北上西門，西可望乾清門，東可望御馬監也。再南過北上門，則紫禁城之玄武門也。

北上西門之西大高玄殿也。其前門曰始青道境，左右有牌坊二座，曰先天明鏡，曰大極仙林。曰孔綏皇祚，曰弘祐天民。又有閣二座，左曰靈明閣，右曰朔陰靈軒。內曰福靜門，曰康生門，曰高玄門，曰蒼精門，曰黃華門。殿之東北曰無上閣，其下曰龍章鳳篆，曰始陽齋，曰象一宮，所供像一帝君，範金為之，高尺許，乃世象<sup>廟</sup>。玄修之御

敦復齋藏書

容也。稍西曰石作曰圓明閣，又西曰乾明門，門裡迤南曰兵伏局，曰西直門<sup>房</sup>，即尚衣監所屬之袍房也。曰舊監庫，屬內官監地方，曰尚膳外監，曰甜食房，曰西上北門。其東向北者，則西下馬牌矣。紫禁城護城河一帶，其有祖制所設內承運庫衙門，起至北花房止，有房也。而西向護城<sup>河</sup>西岸止，有矮河墻，羅列石作物料而已。逆賢擅政興大工之際，輒自西下馬門迤北，朝明門迤南，于兵伏局對門一帶，創造房屋數區，以為秉筆直房。于風水頗失宜，又護城河東北角西北角，原有澡馬河，姜礫石榭逆賢一旦毀之，改成兩方角。後又悔其誤，復改如

舊說者曰改此河後先帝聖嗣不育靈臺掌印張得禮者密為逆賢言之乃方復求舊先帝皇子女雖經數產竟無一存惜哉說者又曰逆賢以恠殺尊上從災遊獵手及獐狼兔狐血肉淋漓牲自轉動相與歡笑為樂欲導先帝以武斷將手及無辜政不止曲法鍛鍊矯旨害人已也自西上北門過西上南門向東則御用監也又南向西則銀作局也再南過橋向南者曰靈臺亦有觀象臺銅鑄渾天儀以測星度觀雲焉沿河西岸而南者曰寶鈔司自西中門之西則尚寶監也鷹房司也屬尚寶監再西出西苑門迤南向東曰灰池曰水碓水磨河

敦復齋藏書

之西土坡之上曰昭和殿曰擁翠宮曰趨臺坡曰澄淵亭又北曰紫光閣再西曰萬壽宮曰壽源宮嘉靖四十四年春更曰百祿宮曰五福殿曰承佑殿左佑殿祥右祐寧殿曰龍吉齋曰鳳祥館曰昭祥閣曰朗瑞居曰耀曦門曰耀朗門曰舍祥門曰成瑞門曰永和門曰永順門曰永綏門曰永祉門曰納康門曰長寧門曰凝一殿其東曰萬春宮曰含春殿曰萬和宮曰萬華宮曰萬寧殿曰御饌庖曰體仁門曰履康門曰啟泰門曰納祉門曰泰安門其西曰仙禧宮曰仙樂宮曰仙安宮曰仙明宮其朝東南起有門二十一曰長寧曰長和曰長善曰

長耀曰令寧曰攸順曰攸利曰金靜曰金瑞曰宣惠曰  
靜安曰康寧即灌木曰金寧即授衣曰廣成曰東和景  
靜曰壽安其南曰陽德曰永光曰嘉安其東曰栢木殿  
曰旋坡臺即鬼兒山顯揚殿也曰迎仙亭牌坊二南曰  
福巒北曰祿渚臺七七層牌額曰玉光曰光華曰華耀  
曰耀真曰真境曰境仙曰仙臺曰朝元館曰景德殿曰  
大光明殿曰登福門曰廣福門等曰太和殿曰太初殿  
曰宣恩亭曰饗社亭曰一陽亭曰萬仙亭後曰永吉門  
曰左安門曰右安門曰太極殿曰統宗殿曰總道殿曰  
天元閣下曰闡玄保祚朝東外二門曰天平曰豐和曰

敦復齋藏書

無逸殿曰幽風亭曰落成殿金海石橋之北河之西岸  
向南曰玉熙宮曰承華殿即迎翠殿曰寶月亭曰扶蓉  
亭曰清馥殿曰丹歆殿曰錦芳亭曰翠芬亭曰長春門  
曰昭歆門曰瑞芬門曰馥景門曰仙芳門曰馥東門曰  
馥西門曰澄碧亭曰騰波亭曰飛藹亭曰騰禧殿即黑  
老婆殿也曰王媽媽井河之上游倒影入水如龍宮如  
城闕曰乾德閣即俗所云北臺是也高八丈一尺廣十  
七丈磴道三分三合而上之萬曆二十九年夏建乾清  
宮牌子朝忠內官監總理陳永壽董其役至天啟元年  
十一月十四日奉旨拆毀平之蓋猶春秋泉臺之毀矣

天啟四年夏就其處為嘉豫殿其門曰延景門牌坊南  
曰福渚北曰壽岳河干有亭五中曰龍澤左曰澄祥右  
曰湧瑞又左曰滋香又右曰浮翠總謂之五龍亭焉又  
洞三上曰龍壽中曰玉華下曰游仙已上俱萬曆三十  
年秋添其三洞至天啟元年冬拆再西則內教場也曰  
振武殿曰恒裕倉曰省歛亭稍南臨河有坊曰祥  
橋其東則北閘口曰洪應殿曰壇城曰轟雷軒曰嘯風  
室曰嘯雪室曰雲雨室曰耀電室曰清一齋曰寶淵門  
曰靈安堂曰精畝堂曰馭仙堂曰輔國堂曰演妙堂曰  
入聖居也自北閘口迤南東岬曰屋船乃冬日藏龍舟

敦復齋藏書

之所有弘濟神祠橋之南亦有船屋焉直南曰玄熙殿  
有馬頭左擁翠亭有飛香亭後更名曰玄潤亭再南曰  
陟山門通裏水窰者也又西馬頭曰龍淵亭曰念善館  
又云雷居又有亭曰龍楸又有殿曰壽源殿即太素殿  
曰正心齋曰博敬齋曰素左門曰素右門曰隆治門曰  
騰波亭曰滋祥亭又再南巍然若山者曰廣寒殿即俗  
云蕭后梳粧樓也萬曆七年傾頽其脊中錢元至元錢  
也神廟曾分賜輔臣張居正數枚曰太液橋其坊曰堆  
雲曰積翠今止存山石基址天啟年間逆賢又將山石  
拆毀焉又再南曰圓殿即承光殿也磚砌如城牆亦有

雉堞以磴道分上之上有樓閣古松松乃數百年物霜  
幹虬枝紛披如偃蓋凡枝之垂者皆以杉木撐柱之至  
崇禎五年因枯久不能再活連根剷除也此乾明門之  
西也其石梁如虹直跨金海通東西之往來者曰玉河  
橋有坊二曰金鰲曰玉鍊萬曆年間每遇七月十五日  
道經廠漢經廠做中元法事放河燈于此橋之中一空  
約丈餘以木枋代石亦用木欄杆橋之東岸再南曰五  
雷殿即椒園也亦名下園凡修寔錄成于此焚草左迎  
祥宮右集瑞館曰太玄亭曰問法所曰臨濟亭曰水雲  
榭再南則至西苑門矣由玉河橋玉熙宮迤西曰櫺星

敦復齋藏書

門迤北曰羊房夾道牲口房虎城在焉內安樂堂在焉  
櫺星門西迤曰西酒房曰西花房曰大藏經廠即司禮  
監之經廠也又西曰洗帛處曰果園處曰西安裡門曰  
甲字等十庫曰司鑰庫曰鴿子房街南曰惜薪司正司  
則西安門也櫺星門迤西街南贓罰別庫之門也門之  
東迤南曰蠶池曰陽德門又西曰迎和門則萬壽宮之  
門也曰大光明殿自陽德門外皆可以至河是河也由  
北安外葉王廟西橋下入紫迴洗漾蓄洩惟謹藕蓮魚  
蝦味最鮮美且葎葦茂密水禽上下儼如江南風景云  
至冬冰凍可拖拖牀以木板上加交床或藁薦一人前

引繩可拉二三人行冰如飛。積殘雪點綴如畫。世廟晚年尚玄修。多居西內。嘉靖壬午正月十六日。皇太子自宮中往見絕河水而過。時閣臣夏言詞云。胡床穩坐。度層冰正咏。此也。神廟臨御久。希禁網踈濶。每于河東之後。近京貧民羣來。趨食于皇城內外。凡有水處。拉拖床以餬口。遇雪滿林。皁坐拖牀者。艷素雜還。交拖如織。亦有興豪乘醉而頻往返者。至春冰將泮。間有沉溺捐生。聽不畏也。其河自寶鈔司東與護城河之西。派合流。過長安右門之北。經承天門前。再東過長安左門之北。自湧福閣會歸于皇城之巽城。而出焉。護城河者自北開

敦復齋藏書

口分流。經內官監。橋大高。玄殿之東北。上西門之外。半邊石半邊磚。橋入此橋。半用石者防車輪耳。大高玄殿前。豎石碑二。曰宮眷人等至此俱下車馬。世廟尊崇玄教。無往而不恪敬也。水由橋下至紫禁城墻下。護城河而東而南。經太廟之東。玉芝宮飛虹橋之西。而西派。則自大社大稷之西。至靈寶鈔司之東。總合流于湧福閣之河焉。紫禁城內之河。則自玄武門之西。從地溝入。至廊下家由懷公門以南。過長橋。裡馬房。由仁智殿西。御酒房東。武英殿前。思善門外。歸極門北。皇極門前。會極門。凡文華殿西而北。而東自慈慶宮前之徽音門外。蜿



蜓而南過東華門裡古今通集庫南從紫禁城牆下池溝亦自巽方出歸護城河或顯或隱總一脉也神廟久不臨御河遂壅塞不通幫石圮泐者多逆賢擅政時勒令疏通至今清流可鑒但恐事久禁弛仍復阻閉耳是河也非為魚泳在藻以資游賞亦非故為轉折以費物料恐意外回祿之變此水實可賴天啟四年六科廊災六年武英殿西油漆作災皆得此水之力而鼎建大工凡灰泥等項皆用此水祖宗設立良有深意惟在後人之遵守何如耳况坤寧宮後苑魚池之水慈寧宮魚河之水各立有水車房用騾拽水車由地窖以運輸咸賴此

敦復齋藏書

河又如天啟年一號殿熾鸞宮等處被災者二次如只靠井中能救幾何耶既濬此河脉誠急務也大明門內曰承天門其門裡之東一門內則大廟也西一門內則大社大稷也曰端門內則六科也東曰闕左門再東則松林會堆處也西曰闕右門其居中巍然而向明者午門也鐘鼓在焉旗纛在焉曰左掖門曰右掖門門之內居中向南者曰皇極門即奉天門也俗所謂鑼兒天銅壺滴漏在此其左曰弘政門即東角門也考選通政司叅議及鴻臚寺官皆在此焉右曰宣治門即西角門也居西向東曰歸極門即右順門也居東向西曰會極門

即左順門也皇極門內居中內南者曰皇極殿即奉天殿也金磚玉瓦在殿額兩旁左向西者曰文昭閣即文樓也右向東者曰武成閣即武樓也南北連屬穿堂上有滲金圓頂者曰中極殿即華蓋殿也殿之兩傍東曰中左門西曰中右左門正北曰建極殿即謹身殿也俱嘉靖四十一年重修工完所改今名也殿居中向後高踞三躔白玉石欄杆之上與乾清門相對者雲臺門也兩旁向後者東曰後左門西曰後右門即雲臺左右門亦曰平臺凡召對閣臣等官或于平臺即後左門也又東則景運門西則隆宗門隆宗門西南向者則仁德門也

敦復齋藏書

乾清門外左右金獅者各一入門丹陛直至乾清宮大殿殿內扁曰敬天法祖四字則崇禎元年八月初四日懸安聞係司禮監掌印高太監時明筆也殿左曰日精門右曰月華門門左小門曰龍光右小門曰鳳彩殿東西有斜廊廊之後左曰昭仁殿右曰弘德殿東西各有角門宮後披簷東曰思政軒西曰養德軒再北則穿堂居中圓頂殿曰交泰殿其滲金圓頂亦猶中極殿之制也再北曰坤寧宮皇后所居也曰永祥門增瑞門俱萬曆二十五年二月十一日添額宮之東披簷曰清暇居北迴廊曰游藝齋俱崇禎五年十二月十三日懸安者

也宮後左曰景和門右曰龍德門再北右曰端則門左  
曰基化門便接瓊苑東西門矣坤寧宮仍有門原曰廣  
運門至嘉靖十四年七月初二日改曰坤寧門萬曆三  
十五年乾清坤寧俱鼎建告成至四十年後始御居乾  
清宮西暖閣乾清宮大殿之左向西者曰端凝殿尚冠  
等處近侍所司御服亮冕玉圭冠帶等錢糧貯此右向  
東者曰懋勤殿先帝創造地炕于此恒臨御之王體乾  
等直房見本章經手次第中乾清宮管事牌子劉忠王  
朝忠等直房不概叙也此薇垣深邃之處中一路之大  
畧也

敦復齋藏書

過日精門之東曰崇仁門稍南曰內東祿庫曰弘孝殿  
曰神霄殿即舊名崇先殿也日精門往北向南者曰景  
明門今曰順德左門則東一長街也再北向西與龍光  
門斜對者曰咸和左門向南者曰景仁宮其東則東二  
長街也南首曰麟趾門北首曰千纓門麟趾門之東曰  
延祺宮曰怡神殿再東曰嘉德左門直東則蒼震門也  
此門恒閉遇掃雪修造則開孝靖皇后王老娘娘疾草  
時每日光廟來問安出入此門至薨逝後于慈慶宮恭  
設靈位哭臨供安大祥禫祭畢始不尚白衣冠矣咸和  
左門之北向西與景和門相對者曰廣和左門向南者

曰承乾宮東宮娘娘之所居也東二長街之東曰永和宮廣和左門之北向西與基化門相對者曰大成左門向南者曰鍾粹宮今皇太子所居改曰興龍宮者是也東二長街之東曰景陽宮者孝靖皇后曾居之千嬰門之北並列者則乾東之房五所其東後小門每月初四十四廿四打掃凡有事則開也宮正司六尚局皆在乾清宮之東已上則東一路之大畧也

過月華門之西曰膳厨門即遵義門向南者養心殿也前東配殿曰履仁齋前西配殿曰一德軒後殿曰涵春室東曰隆禧館西曰臻祥館殿門內則司禮監掌印秉

敦復齋藏書

筆之直房也其後層尚有大房一聯緊靠隆道閣後祖制宮中膳房也逆賢移膳房于怡神殿而將此房亦改為秉筆直房養心殿之西南曰祥寧宮宮前向北者曰無梁殿間係世廟烹煉丹藥之處也其制一木不用皆磚石砌成者月華門之西南巍然者隆道閣原名皇極閣後更道心閣隆慶四年春改此名左曰仁蕩門右曰義平門按此二門原名會極歸極世廟時改之閣之下曰仁德堂即舊名精一堂亦隆慶四年所更前曰仁德門萬曆二十四年兩宮災後開此門出入至神廟晚年移居乾清宮始閉不恒開先年慈聖老娘娘亦曾升此

閣召李戚晚至仁德門跪于地而宣諭切責之閣之東曰忠義室馮太監保李太監壽魏太監仲曾以室東小屋做值房至李永貞則憤然據忠義室而居之矣室三間黃琉璃瓦綠琉璃瓦龜背腰墻其藻核葉皆龍鳳文永貞遇有內官監巾帽局呈稟公事南面而坐干天之位恬然不知怪于臣子之義安乎欲逃誅得耶說者子為左右而不切諫何也累臣曰難言之也一傳味衆轉喉觸諱寧止此哉如大工闕給銀兩自有司存乃必勒取領單親加磨算用掛印號以恣侵剋當時工部工科等衙門皆以墨筆標日月在京各官體自應爾惟永

敦復齋藏書

貞獨用朱筆焉可乎原領文案在庫後人見之不知何如冷笑也閣之西南過義平門則慈寧宮矣萬曆年間慈聖老娘娘所居泰昌元年八月皇貴妃鄭老娘娘亦曾居之光廟聖孝凡朝謁尊禮如一神廟時見仁聖陳老娘娘慈聖李老娘娘故事中外毫無間言從來疑端訛語一時冰釋王太監安調劑力也先帝登極復遷鄭老娘娘于一號殿之仁壽宮居請神廟東宮昭妃劉老娘娘于慈寧宮居住天啟七年八月後熹廟皇貴妃范娘娘亦居此宮也月華門往北曰順德右門則西一長街也再北向東與鳳彩門斜相對者曰咸和右門即廣

安門向南者曰毓德宮即長樂宮萬曆四十四年冬更  
曰永壽宮逆賢曾以此為蹴鞠處其西則豐長街也南首  
曰僉斯門北首曰百子門僉斯門西曰啟祥宮神廟自  
兩宮災初移居于毓德宮後復移此萬曆三十年春聖  
體不豫曾召輔臣沈一貫至此宮此乃獻皇帝發祥之  
所原名未央宮世廟入繼大統至十四年夏特更曰啟  
祥將宮門內石坊向北扁石青地金字四原曰貞源茂  
始後更之曰玄德永衍凡舊謀興卽錢糧至今日未央  
宮改進乾清宮也西去則嘉德右門即舊名景福門也  
其兩藩竿插雲向南而建者隆德殿也舊名立極殿隆

敦復齋藏書

慶元年夏更今名供安玄教三清上帝諸尊神萬曆四  
十四年十一月初二日被災害天啟七年三月初二日  
修蓋崇禎五年九月將諸像移送朝天等安安藏六年  
四月十五日更名曰中正殿東配殿曰春仁西配殿曰  
秋義東順山曰有容軒西順山曰無逸齋再西北曰英  
華殿舊名降禧殿供安西番佛菩薩像殿前有菩提樹  
二株娑婆可愛結子堪作念珠又有古松翠柏幽靜如  
山林十三年秋殿復供安聖像如前寔仰體祖宗以來  
神道設教之意自嘉德右門之西向南者曰二南門門  
之北則八角井也水不堪汲天啟六年亦曾修濬而味

不改真廢井也正北曰四德門再西曰咸安宮穆廟繼  
遷皇后陳老娘娘曾居于此天啟年間客氏移住者咸  
和右門之北向東與隆福門相對者曰廣和右門向南  
者翊坤宮西宮娘娘所居也西二長街之西曰永寧宮  
先帝改曰長春宮成妃李老娘娘曾居者也及遭草封  
之後移于乾西某所居焉廣和右門向東與端則門相  
對者曰大成右門向南者曰儲秀宮西二長街之西曰  
咸福宮神廟時惠王桂王曾共居之百子門之北竝列  
者則乾西之房五所其西後小門凡有事則開如東後  
小門總乾清門官經營啟閉也已上則西一路之大畧

敦復齋藏書

也

東西後小門之外皆有惜薪司貯柴炭之園備宮中進  
用坤寧宮之後則宮後苑也欽安殿在焉供安玄天上  
帝之所也有門曰天一之門殿之東北有足跡二相傳  
世廟時兩宮回祿之變玄帝曾立此默為救火其靈跡  
顯佑云崇禎五年秋隆德英華殿諸像俱送付朝天等  
等宮大隆善等寺安藏惟此殿聖像不動也曰承光門  
曰集福門曰延和門苑內曰萬春亭曰千秋亭曰對育  
軒曰清望閣曰金香亭曰玉翠亭曰樂志齋曰曲流館  
曰四神祠曰觀花殿萬曆十一年拆去壘塚石山子券

大內規制紀畧

十九

門石扁名曰堆秀上蓋翠高一座名曰御景亭東西兩邊  
魚池二處其東曰游碧亭西曰澄瑞亭奇花異樹禽聲  
上下春花秋月景色可人東南曰瓊苑東西南曰瓊苑  
西門即東二長街西一之長街北首也其南首則東西  
夾牆也欽安殿後坤寧門嘉靖十四年秋更名曰順貞  
門其宮牆外則紫禁城之玄武門報夜更鼓在焉逆賢  
時更鼓房牌子侯得用恠毒無比較外之許顯純為更  
甚凡需索不遂而心欲斃之則用連七紙寫病重手本  
一件藏于身邊叩見逆賢探其口氣可以斃即將手本  
呈遞呈稱病故回至更鼓房即絕其命如逆賢口氣寬

敦復齋藏書

即不呈手本計三四年間所害內官可百餘人初天啟  
元年秋正監名下曹化淳等數人發更鼓房打更得用  
心憐其寃設法解救尋改謫南京如同再世亦難泯其  
一節之善也至七年四月內得用欲殺更鼓淨軍梁暹  
趙進忠二命閉之幽室刻期必死不意趙進忠家人迫  
急無策遂于禁地用繩自縊衆人解救未死致巡視長  
隨得知具稟到官逆賢始知得用從來朦朧害人貪殘  
狠惡狀奏聞先帝即陞梁暹為更鼓房牌子將得用就付  
暹登時捶斃哀恠萬狀肢體離拆人甚快之崇禎年間  
曹太監化淳追念得用欲圖報之絕無親屬矣玄武門



裡迤東有廊下家可十一門而更鼓房則儘東首為紫禁城之良隅也

乾清宮門圍牆之內左右廊房之朝南半間者曰東夾牆曰西夾牆又慈寧宮西茅等處皆宮眷內官便溺之所宮牆之外磚砌券門安大石于上鑿懸孔垂之各有淨軍在下接盛于每月初四十四廿四等日開玄武門及各小門打掃

自嘉德右門之西曰太安門其外向西曰長庚門凡放夫匠淘溝及修造或年老有勞宮人病故皆奏開此門以便出入其外自玄武門迤西可九門自北而南過長

敦復齋藏書

庚橋至御酒房後牆曰長連可三十一門再前層曰短連可三門并玄武門東計之通共五十四門總曰廊下家俱答應長隨所住各有佛堂以供香火三時鍾磬宛如梵宮凡遇有風之日即輪一人大聲巡警曰謹慎燈燭牢插線香嚴慎如此各門所栽棗樹森鬱其寔甜脆異常衆長隨各以造麪做酒貨賣為生都人所謂廊下內酒是也長庚橋南有柿一株高二丈餘每到霜後寔懸樹杪丹色可愛凡文書房并司監禮監官典簿各占過宿直房萬曆時李永貞墩鎖十八年曾于懷宮門住懷公者憲廟時賢監國史所稱懷恩者也此門之南井

之北神廟時災久缺未補逆賢專政日委李永貞等修補一新勒碑之文崑山相國所撰其諛語明載居停主人字樣今此碑或仆埋不敢存矣

自隆宗門外朝東者曰司禮監經廠直房日用紙劄書籍皆貯于此候御前取討過慈寧宮外層向東小門之南曰北司房即文書房也再南曰司禮監官賞處即兩班四撥寫字所居也亦有茅房木桶為衆便溺之所再東曰外膳房萬曆時每五更攢點後河邊擡來膳先到此後運入宮今不然也再南曰南司房即監官典膳直房也隆宗門外朝西者亦監官典簿直房也有井存焉

敦復齋藏書

再南則寶寧門門外偏西大殿曰仁智殿即俗所謂白虎殿也凡大行帝后梓宮靈位在此停供其西南曰御酒房西北曰馬房監官典簿奉旨門刑拷打內犯之所門外有大椿俗云裏馬房者此也東南曰思善門門外橋西曰武英殿命婦朝皇后于此再西曰大庖廚曰尚膳監乃第一員總理及管理僉書掌司所居也

武英殿之西南曰御用裏監乃把總等官所居再東曰南薰殿凡遇徽號冊封大典諛御用監裡監把總官置辦盛席伺候必殺鹿一隻蒸泡作羹以明豐侈此舊典也又神廟靜攝久凡冬至聖節閣臣詣仁德門外行禮

畢先監矩即奉旨于文書房置酒飯管待畢必審具說帖回奏如有應行事體亦借此轉達可十得四五誠納約自牖之義也再東曰歸極門所謂逍遙城者在六科廊背後此門之西南姜礫之下永樂中置漢王高煦于銅缸矣死于此至天啟年間鼎建大工時官匠亦計議及此逆賢曰這是國家甚麼吉祥好句當存之何為遂泯其迹從歸極門裡向西南入曰六科廊東西两房掌司所居精微科及章疏在焉過皇極門再東曰會極門凡京官上本接本俱于此處各項本章奉旨發抄亦必由此處會極門裡向東南入曰內閣輔臣票本清禁處

敦復齋藏書

也宣廟賜有文淵閣印一顆玉筋篆文凡進封票本揭帖聖諭勅稿用此印鈐封萬曆十四年五月二十二日不知何人盜去六月朔神廟准補鑄賜之出會極門之東姜礫下曰佑國殿供安玄帝聖像籤最靈像金鑄者曾經盜去鎔使惟像首屢銷不化盜藏之肚兜晝夜隨身由此發覺正法至如寶善門思善門乾清門仁德門平臺之西室及皇城各門皆供有關聖像也佑國殿之東則內承運庫銀兩表裡等錢糧貯藏之所也兩庫之間有槐一株自徽音門南望杖幹扶踈翠茂可愛有井一處甘冽可用再東過小石橋曰香庫乃內府供用庫

答應錢糧之所又稍北有庫一連坐東向西有石碑曰古今通集庫係印綬監職掌古今君臣畫像符券典籍貯此每年六月初六日晒晾如皇災歲例再北曰東華門門內有石橋橋之北有樹二株曰馬纓樹高不足丈其葉似槐而細長晝舒夜斂花粉紅色無瓣而香若蔬結角如椿亦可種而生是以名之曰馬纓也再曰馬神廟御馬監談班官及良馬十餘匹在此有飛龍二大字太監蕭敬筆也會極門東向南者文華殿也後殿扁曰學二帝三王治天下大經大法乃慈聖老娘娘御書後人乃以為神廟御書也分六行每行二字前殿扁曰繩

敦復齋藏書

德糾繆聞亦慈聖因世廟時建有省愆居是以特命小臣杜詩寫此四字扁以垂戒萬世殿內圍屏中數扇畫輿地圖左數扇貼文官職名右數扇貼武官職名遇陞遷則易之此係萬曆初年輔臣張文忠公居正所創進者至二十四年之後神廟御居啟祥宮復另置一小圍屏高二尺餘中左右亦如之于啟祥宮前殿安設凡文華殿前後柱上對聯亦張文忠進獻王廷策等所書寫曰念終始典于學期邁殷宗於熙緝殫厥心若稽周后又曰披皇圖考帝文寰寓化成于几席游禮闈翔藝圃六經道顯于羹牆又曰四海昇平翠幄雍容探六籍萬

幾清暇瑤編披覽惜三餘又曰縱橫圖史發天經地緯之藏俯仰古今期日就月將之益又曰西崑峙羣玉之峰寶氣高騰冊府東壁耿雙星之耀祥輝遙接書林殿之側有九五齋臨寶室一精室堂恭默寶殿之後曰玉食館端敬堂理辯堂過小門而北曰省愆居其制度用木為通透之基高三尺餘下不令墻垣至地其四圍亦不與別處接連凡遇天變災眚聖駕居此以示修省之意先帝時塵封久矣萬曆中年後凡天下藩府差來進表內官尚膳監脩辦筵宴司禮監掌印或秉筆于文華殿門之西奉旨管待以昭親親之誼焉自天啟七年皇極

敦復齋藏書

殿工完後其管待藩府官人始不在文華殿西也殿之東曰神厨內有一井每年祭司井之神于此殿之西曰崇本門殿之後為刺漏房凡八刺水則交一時直殿監官把時辰牌赴乾清門裡換之牌長尺餘石青地金字某時路之者必側立讓行坐者起立蓋敬天時之義殿之東北向後開門者曰聖濟殿供三皇歷代明醫御服藥餌之處薇音門裡亦曰麟趾門其內則慈慶宮神廟時仁聖陳老娘娘居之內有宮四曰奉宸宮曰勗勤宮曰承華宮曰昭儉宮其園之門曰昭補門曰麗園門曰擷芳殿曰荐香亭麟趾門之東曰闕睢左門其內則掌

印秉筆直房所謂梨園者是也西曰閨睢右門再西轉角向西者曰元輝殿先廟元妃郭娘娘選中時在南配殿住其總理婚禮者田太監義也後福王妃鄒娘娘選中在正殿北一間住其總理婚禮者先太監陳矩也凡三五日即詣妃寢殿門外問貴人起居時萬曆三十一年也其冬續憂危竑議之獄興凡諸王館選中淑女候欽遣某封某位娘娘親到元暉殿選不中者送出凡選中者或后或妃或王妃皆先居住于此以便次第奏行舉吉禮也再北曰御馬監直房每日伺候御乘良馬十餘匹在此神廟時有進到大黑牛二隻無角大黑牛一隻亦

敦復齋藏書

餵于此再北曰御用等監庫再北朝南者曰寶善門門之西舊有核桃棗樹數株乃二百餘年所培植者逆賢因天啟二年夏風變除去以便跑馬耳十庫之後亦有隙地跑馬者逆賢從史先帝薙其蒿菜而馳騁焉寶善門內迤東曰慈慶宮後門門之外神廟末年鑿一井味極甘冽北曰奉先殿即內太廟祖宗舊制宮外膳房原在寶寧門裡每日五更攢點後膳房牲匣約十餘楨自河邊經東華門會極歸極思善寶寧等門逆賢擅改于寶善門內矣街東曰隆祀門其內則外東裕庫也街西再北曰蒼震門又街東再北並列二門向西者曰履順曰

蹈和則一號殿仁壽宮之外層小門也內有噉鸞宮皆鳳宮凡先朝有名封之妃嬪無名封之宮眷養老處也各有應得養膳銀喫用至病終之後諡號殿看門官稟知司禮監監官典簿題知奉旨着照其封其氏例發送此卷自寶善門亦可通玄武門所稱狗兒灣其居中之門曰蓮花門也景運門南朝西者都知監之直房也隆宗門北朝東者司禮監人數之直房也五更攢點至曉報九刻水者刻漏房官及答應長隨也隆宗門南朝東者曰協恭堂印公等過司房之處也慈寧宮慈慶宮皆有花園卉木有井有庫藏而乾清宮兩旁各有井無花

敦復齋藏書

園惟鍾彝宮有松數株而已其餘宮名殿名門名或有記憶未真銓叙失次未能備載者敬俟後之博覽君子續補訂正是幸

京北沙河鞏葦城有門四南曰拱京北曰鎮遼西曰威漢東曰展思內有駐鑾宮曰龍蹕門曰龍蹕殿曰廣載門東曰凝禧之殿曰華鸞宮曰集祥宮西曰景惠之殿曰翠鳳宮曰會社宮東曰麗春門曰步和門西曰延秋門曰宣澤門北曰寧遠門

天壽山紅門裡曰時陟門曰時陟殿曰松露殿曰肅敬殿曰修儀館曰飾容館曰聖蹟亭曰咸思門曰咸思殿

曰九龍池曰粹澤亭曰老君堂曰長生蹟曰長生亭  
湖廣承天府舊名安陸州乃世祖發祥之所即興都也  
曰重明門曰麗正門曰龍飛門曰龍飛殿曰啟運殿曰  
卿雲門曰卿雲宮曰鳳祥宮曰弘載宮曰春暉門曰秋  
朗門曰純一門曰純一殿曰世子府曰泰禋門曰泰禋  
殿曰永配殿曰保和門曰太和門曰啟祚門曰受命御  
極之殿曰春霄殿曰福寧門曰慶源殿曰光熙殿曰元  
祐宮門曰儲趾門曰元祐門曰元祐寶殿曰宣真殿曰  
愆法殿曰隆祥殿曰三洞閣

說者曰史漢以來有因漏禁中語而得罪者又有不

敦復齋藏書

答溫室省中何樹者今子侈口鋪張罄懷羅列得無  
非古人厚重不洩之意乎累臣曰固也然聞諸道路  
如張金吾懋忠所刻規制一書止憑慈寧宮管事齊  
棟所言中多舛誤何以明聖朝之盛美乎蓋我國家  
左右史之溺職久矣自神廟靜攝多年起居所記注  
猶不能詳而內小臣獨能竊知一二揄揚弘烈以仰  
昭一代之盛垂之無窮不亦可乎况若愚不幸遭罹  
奇冤朝不保夕筆此梗概不拘體制不循次第不過  
古人之西京雜記三輔皇圖類等耳世之君子當不  
諱之朝思采風之義史失而求諸野聞中一寫目焉



未必不興發其致君澤民之念也。累臣所見如此。至于園丘方澤謁陵視學耕籍闕戎一切慶典。經筵等儀自有儀注。外廷備矣。茲不槩及。

大內規制紀畧第十七

敦復齋藏書

內板經書記畧第十八

凡司禮監經廠庫內所藏祖宗累朝傳遺秘書典籍皆提督總其事而掌司禮監工分其細也自神廟靜攝年久講學塵封右文不終官如傳舍遂多被匠夫厨役偷出貨賣柘黃之帖公然羅列于市肆中而有寶圖書再無人敢詰其來自何處者或占空地為圃以致板無晒處濕損糊塗甚或劈經板以禦寒去其字以改作即庫中見貯之書屋漏滛損鼠嚙蟲巢有蛀如玲瓏者有壁如泥片者放失虧損日甚一日若以萬曆初年較蓋已減什六七矣既無博學淹洽之官綜覈齊理又無

簿籍數目可攷以憑銷算嘆內官發迹本不由斯而貧  
富升沉又全不關乎貪廉勤惰是以居官者經營多長  
于避事而鮮諸大體固無怪乎泥沙視之也然既厲內  
廷庫藏在外之儒臣又不敢越俎條陳曾不思難得易  
失者世惟書籍為最甚也昔周武王滅商洪範訪自箕  
子晉韓起聘魯見易象春秋曰周禮盡在魯矣今將有  
用圖書盡擲無用之地豈我祖宗求遺書于天下垂典  
則于萬世之至意乎想在天之靈不知何如其恫然何  
如其歎息也今萬歲爺天縱英明右文圖治倘一旦清  
問祖宗歷來書籍所存幾何或有不避勞怨提督率掌

敦復齋藏書

司人役親臨庫際打點盤察一番亦聖道幸也惜哉當  
局者未及此耳祖宗設立內書堂原欲于此陶鑄真才  
冀得寔用按古文真寶古文精粹二書皆出于老學究  
所選纍臣欲求大方于明白上水頭古文選為入門再  
將宏肆上水頭古文選為極則起自檀弓左國史漢諸  
子共什七八唐宋十二三為一種再將洪武以來程墨  
垂世之稿亦選出一半為入門一半為極則亦為一種  
四者同成二帙以範後之內臣奏知聖主發司禮監刊  
行用示永久不知得遂志否也皇城內相學問讀四  
書書經詩經看性理通鑑節要千家詩唐賢三體詩習

書東活套習作對聯再加于古文真寶古文精粹盡之矣十分聰明有志者看大要衍義貞觀政要聖要心法綱目盡之矣說苑新序亦間及之五經大全文獻通考涉躐者亦寡也此皆內府有板之書也先年有讀韻海等部頭以便簡查難字凡有不知典故難字必自己摻查不憚心苦蓋緣志氣驕滿勉強拱高而無虛己受善之風也三國志通俗衍義韻府群玉皆樂看愛買者也至于周禮左傳國語國策史漢一則內府無板一則絕于陋習際不好焉除古本抄本襍書不能徧開外今按見有板者譜列于後即內府之經書則例也

敦復齋藏書

五倫書

六十二本一千七百一葉

周易大全

十二本一千一百十八葉

書傳大全

十本七百六十三葉

詩傳大全

十二本九百九葉

春秋大全

十八本一千四百五十九葉

禮記大全

十八本一千二百九十九葉

書傳

六本五百八十三葉

易傳

六本五百八十二葉

詩傳

六本六百三十五葉

春秋傳

四本一千六十一葉

禮記傳

八本一千六十一葉

四書大全

二十本一千五百八十九葉

四書集註

十本八百二十葉

性理大全

三十本二千一百六十九葉

資治通鑑綱目

四十本四千一百葉

續

十四本一千一百二十二葉

少微通鑑節要

二十本一千四百廿八葉

通鑑節要續篇

二十本一千六百八十三葉

晏宏通鑑綱目

三十本四千二百葉

文獻通攷

一百本一萬八百三十六葉

內板經書記畧

歷代通鑑纂要 六十本三千六  
百三十二葉

歷代名臣奏議 一百五十本九  
千七百二十葉

大明會典 一百四十本六千  
五百九十葉

事文類聚 一百三十本八  
千三百六十葉

大明一統志 四十本三千  
一百五十葉

明倫大典 二十四本七  
百二十葉

大明集禮 三十六本一千  
四百七十六葉

大學衍義 二十本一千三  
百八十八葉

大學衍義補 四十本三  
千六百葉

對類 十二本八百  
七十三葉

諸司職掌 三本四百  
二十八葉

大明官制 二本三  
百十葉

御制大誥 四本二百  
五十三葉

大明律 二本二  
百七葉

洪武正韻 五本五  
百葉

韻府羣玉 十本一千  
四十葉

御制文集 八本七百  
一十三葉

經史海篇直音 五本五百  
一十二葉

廣韻 二本二百  
五十五頁

玉篇 二本三百  
十五葉

御製詩集 二本八  
十四葉

經書音釋 二本一  
百七葉

詩韻釋義 二本一百  
五十八葉

四書白文 六本三百  
十二葉

詩學大成 十四本  
一千葉

爾雅埤雅 四本三百  
九十七葉

許氏說文 八本六百  
五十葉

呂真人文集 二本二百  
四十葉

孔子家語 四本一百  
四十四葉

通書大全 八本九百  
九十葉

列女傳 三本一百  
三十五葉

神課金口訣 二本二百  
四十葉

仁孝皇后勸善書 十本八百  
七十六葉

臞仙肘後神樞 二本一百  
七十八葉

選擇曆書 二本二百  
五十六葉

雍熙樂府 二十本一千七  
百九十三葉

三國志通俗衍義 二十四本一千  
一百五十五葉

歷代臣鑒 十本五百  
六十葉

貞觀政要 八本三百  
七十葉

居家必用 十本八百  
八十葉

內板經書記畧

聖學心法 四本三百

釋文三註 四本千字文七十二頁胡曾詩九十九頁

飲膳正要 三本七百

唐賢三體詩 二本一百

古文精粹 二本二百

李白詩 四本三百

選詩補註 三本三百

唐詩鼓吹 五本二百

高皇后傳 一本四

女訓 一本四

內訓 一本五

尚書孝經大學中庸 五本三百

周易占法 二本二百

草堂詩餘 二本一百

恩紀堂含春詩 二本二百

小四書 三本二百

明心寶鑑 二本一百

擊壤集 四本三百

勸忠百箴 四本三百

古文真寶 四本三百

敦復齋藏書

醫要集覽 六本二百八

草韻辨體 六本二百

增定華夷譯語 十一本一千

評史心見 六本三百

通鑑博論 三本二百

重刻証類本草 十本一千三

養生類纂 五本一百

釋氏源流應化事跡 四本四百

皇明祖訓 一本五

洪武禮制 一本八十

稽古定制 一本八

鄭氏女孝經 一本四十

祖訓條章 一本十

曹大家女訓 一本十

女誠直解 一本四

劉向說苑 五本三百

皇明典禮 一本九

內則詩 一本六

內令 一本十

昭鑒錄 一本一百

內板經書記畧

五

御製洪範篇集 一本三

勤政要典 一本七

外戚事鑒 一本六

山居四要 一本八

慈聖皇太后女鑒 一本六

懼仙肘後經 一本一百

女訓 全前

內訓 全前

玉匣記 一本八

省躬錄 一本一

祥異賦 一本四

步天歌 一本

傳心妙訣 一本四

詳明算法 一本七

草字碎金 一本九

真字碎金 一本九

千家姓 一本 五十九葉

孝經實事 一本二百

為善陰隲 一本三百

小學書解 一本一

敦復齋藏書

忠經 一本四

孝經大義 一本四

歷代紀年 一本三

四時歌曲 一本十

隨機應化錄 一本六

高皇帝道德經註解 一本六

達達字孝經 一本四

醫按書 一本三

蒙求白文 一本三

山歌 一本

華夸譯語 一本八

古字便覽 一本五

八行遺事集 一本二

警世篇 一本三

忠經直解 一本十

太上感應靈篇 一本五

憲綱 一本五

百家姓 一本

大學 一本三

千字文 一本十

內板經書記畧

孝經 一本十  
六葉

中庸 一本五  
十六葉

千家詩 一本四  
十四葉

四書襟字 一本十  
二葉

神童詩 一本二  
十葉

七言襟字 一本十  
三葉

三字經 一本二  
十二葉

啟蒙集 一本四  
十葉

啟蒙書 即永字八法一  
本二十二葉

草訣百韻 一本十  
四葉

草訣百韻歌 三本四  
十葉

八行圖書 一本四  
十葉

孝經直解 一本三  
十六葉

解夢書大全 二本七  
十葉

四書直解 二十六本一千  
八百四十葉

書經直解 十三本八  
百二十葉

易經講議 十六本

通鑑直解 二十五本一千  
四十二葉

帝鑑圖說 六本三百  
五十六葉

劉向新序 三本一百  
四十二葉

敦復齋藏書

洪武正韻玉鍵 二本一百  
三十葉

佛經一藏 計六百七十八函 十八萬八十二葉

共用白連紙四萬五千二十三張 藍絹二百五十

三疋七尺四寸 黃絹二十六疋二丈四尺一寸

每疋長三丈二尺 黃毛邊紙五百七十張 藍毛

邊紙四千九百十二張 黃連四紙三百四十七張

白戶由紙一萬八千九十五張 黑墨二百八十

六觔八兩 白麩一千二百二十五觔 白礬四十

五觔

道經一藏 計五百十二函 十二萬二千五百八十

內板經書記畧

七



九葉 共用白連四紙三萬八百九十七張 黃連  
 四紙一百七十六張 藍毛邊紙三千十八張 黃  
 毛邊紙五百二張 藍絹一百八十二疋一丈八尺  
 六寸 黃絹二十疋十丈六尺 白戶由紙八千三  
 百七張 黑墨一百六十觔八兩 白麩七伯五十  
 觔 明礬二十五觔  
 番經一藏 計一百四十七函 十五萬七十四葉 共  
 用腰子白鹿紙一萬三千六百四十張  
 大五大部經 華嚴經八十本 大涅槃經四十本 報恩經七本  
 金剛明經十一本 心地觀經八本

敦復齋藏書

小五大部經 法華經七本 楞嚴經十本 佛母大孔雀經  
三本 地藏經三本 梁皇懺十本  
 又五般經 圓覺經二本 彌陀經一本 諸品經呪 金  
 剛經註解一本一百四十七葉 華嚴小鈔一百十七本  
 諸真寶懺十二本 小道經一部  
 累臣若愚曾聞成祖勅儒臣纂修永樂大典一部係  
 湖廣王洪等編輯時號召四方文墨之士累十餘年  
 而就計二萬二千八百七十卷一萬一千九十五本  
 因卷帙浩繁未遑刻板止寫原冊本至孝廟弘治年  
 以夫典內金匱秘方外人所未覩者乃親詣宸翰識

內板經書紀畧

以御寶賜太醫院使臣王聖濟殿內臣寵蓋欲推之以福海內也閣臣王文恪鑿恭撰頌以掄美盛美相傳至嘉靖年間于文樓安置遇遭回祿之變世廟亟命救幸未至焚遂勅閣臣徐文貞階復令儒臣照式摹抄一部當時供謄寫官生一百八名每人日抄三葉自嘉靖四十一年起至隆慶元年始克告完及萬曆年間兩宮三殿復遭回祿不知此新舊永樂大典二部今又見貯于何處也又累臣曾見車駕幸第錄所載正德十五年閏八月內武廟南征回如鎮江幸大學士楊一清第曾進抄本冊府元龜一部共一

敦復齋藏書

千卷計二百零二本累臣曾向韓提督世祿言及幸有一部然舛訛頗多至不能句似非楊宅所獻之書李永貞遂僱人借抄一部仍將原本交還而抄本一部聞丁卯冬已有人獻于王體乾矣崇禎己卯夏體乾沒產又不知落何人手也又江陵張文忠公在閣時曾具書與張中翰後湖曰先年張文簡公曾得內閣所藏冊府元龜一部其後文簡公卒于京邸其僕將此書于部前貨賣令先翁識其為閣本也贖而藏之于家書常語區區曰吾欲將此書仍送內閣以完先代之寶何如僕時起賀曰幸甚此義舉也無何而

令先翁亦逝竟勿克踐其言今憶此書必無恙也僕  
欲倍價奉贖仍歸閣中以卒先公之志惟執事其幸  
許之夫此一書也文簡得之令先翁贖之至僕而還  
之三更張氏皆楚人也將以媿于古之左史倚相能  
讀墳典丘索不亦美乎云云然詳味江陵此舉則必  
實踐其言者但未曉後湖果曾割付此書否又不知  
此書今尚存內閣否也承平日久處處光景與先年  
不同則此書之存與不存與永樂大典之存貯何庫  
又有誰敢饒舌問及也哉嗟嗟難言之矣

內板經書記畧第十八

敦復齋藏書

內臣佩服紀畧第十九

祖宗設立內官其中帽佩服自有一定之制其名色多非外廷所曉而舊制醇雅每寓等威節省之義自逆擅政創古今未有之制服之不衷身之災也以今驗昔良然

貼裏其製如外廷之襪褶司禮監掌印秉筆隨堂乾清宮管事牌子各執事近侍都許穿紅貼裏綴本等補以便侍從御前凡二十四衙門山陵等處官長隨內使小火者俱得穿青貼裏自逆賢擅政于蟒貼裏膝襪之下又加一欄名曰三欄貼裏最貴近者方蒙欽賞服之又

有雙袖襴蟒衣凡左右袖上裡外有蟒二條自正旦燈  
景以至冬至陽生萬壽聖節各有應景蟒紵自清明鞦  
韆與九月重陽菊花俱有應景蟒羅自端陽五毒至八  
月月光玉兔俱有應景蟒紗逆賢又創造滿身金虎金  
兔之紗及滿身金葫蘆燈籠金壽字喜字紵或貼裏每  
褶有朝天小蟒者然圓領亦有金壽字喜字者遇聖節  
及千秋或國喜或印公等生日搬移則穿之惟逆賢之  
服奢僭更甚及籍沒後皆賞給鐘鼓司凡承應則穿之  
光焰耀日今上聖主天性素儉每為切齒或笑其越分  
折福終何用也祖宗以來青貼裏原不綴補惟紅貼裡

敦復齋藏書

有補逆賢偶欲貴異其親信者遂自印公起至請小轎  
正俱于青貼裏綴補紛更多事人咸不便又按舊制自  
十月初四日至次年三月初三日穿紵絲自三月初四  
日至四月初三日穿羅自四月初四日至九月初三日  
穿紗自九月初四日至十月初三日穿羅諛司禮監預  
先題奏傳行凡婚慶吉典則雖遇夏秋亦必穿紵絲供  
事若羊絨衣服則每歲小雪之後立春之前隨紵絲穿  
之凡大忌辰穿青素桃廟者穿青綠花樣遇修省則穿  
青素祖宗時夏穿青素則皂絹也冬穿青素則玄色紵  
絲也逆賢擅政則王體乾等夏穿真青油綠懷素紗內

以玉色素紗襯之滿身活文如水之波如木之理而冬  
天則青竹綠油綠懷素紗光耀射日争相誇尚以艷麗  
為美然于忌辰之義何居焉于臣子之心何安乎  
襖襟其製後襟不斷而兩旁有襖前襟尚截而下有馬  
面褶往兩旁起惟自司禮監寫字以至提督止并各衙  
門總理管理方敵服之紅者綴本等補青者否

圓領襯擺與外廷同各按品級凡司禮監掌印秉筆及  
乾清宮管事之者舊有勞者皆得賜坐蟒補次則斗牛  
銜朱太監俱麒麟補凡請大轎長隨及都知監戴平巾  
有牙牌者穿獅子鸚哥襪禽補逆賢名下凡掌印提督

敦復齋藏書

者皆濫穿坐蟒可嘆也

官帽以竹絲作胎真青縐紗蒙之自奉御至太監皆戴  
之俗所謂剛叉帽也

平巾以竹絲作胎真青羅蒙之長隨內使小火皆戴之  
制如官帽而無後山然有羅一幅垂于後長尺餘俗所  
謂紗鍋片也

牙牌內官監題本于內承應庫領討象牙製造每陞奉  
御或長隨即給與一面將原帶烏木牌換收按御用監  
等衙門各有號數一邊刻忠字若干號一邊某監某衙  
亦有私買者私造者從來不禁其制有雲尖下方微濶

而上員可重六七兩不等近將舊牙牌不用另換給新製牙牌一面橫用篆文其衙門下書衙一面載不許借失等字為官物也無私造者

烏木牌其製荷葉頭圓徑二寸許一面刺內使或小火者字樣一面用長方火印于中其篆文四字曰關防出入而火印兩旁分刺小字或內字若干號此係官物無敢私造者凡遇失落必題知懲處另給

牌總其製用象牙或牛骨作管青綠線結寶蓋三層圓可徑二寸下垂紅線長八寸許內懸牙牌或烏木牌上有提繫青絲凡穿圓領隨侍及有公差私假出入本等

敦復齋藏書

帶之左即懸此牌總如平居在宮穿袂襪者貼裡者俱帶牌總有絛逆賢時將牌總紅線長至尺餘而懸總之提繫舊制大可二寸不過銅銀玉等為之上有鈎逆賢時改造大樣提繫長六寸五寸濶三寸或二寸半鑲嵌絕好珠石晴綠之類有一件可值千金或六七百金者各按節令巧樣將見帶者懸掛滿壁不帶而聚蓄者盈箱充櫃亦賞及名下諸人又令絛作織五色五毒絛子創造珍珠牌總以玉作管去牙牌而懸白玉或碧玉玲瓏牌五毒絛編綴小珍珠其色白疑近喪間服飾遂又加青紅寶石珊瑚黃綠琉璃珠以間之其寔不雅皆逆

賢掌家王朝用逢迎辨造有識者竊嘆曰帶珠者待誅也謂非服妖而何又剏造玉管天青線印綬如外廷印綬夏則內懸玉牌冬則內懸金牌或金魚二尾中加鑰焉凡掌一印者帶一綬如王體乾三綬李永貞則二綬矣雖不掌印者凡出禁城有事則亦帶一綬于玉帶之左焉冒濫可笑極矣。

帶凡內使小火者烏木牌平巾者無穿圓領束帶之理惟請轎長隨并都知監長隨各獅子等補束角帶其陞有牙牌官帽便謂之奉御正六品得服麟補束金鑲玳瑁或犀角帶自奉御而上左右監丞五品左右少監從四

敦復齋藏書

品太監正四品自太監而上方敢穿斗牛補如再陞則膝襪之飛魚也斗牛也蟒衣也再陞則受賞也特陞方賜玉帶冬則光素夏則玲瓏三月九月則頂粧玉帶也再陞內府騎馬再陞每歲祿米十二石如再陞則凡一級止歲加祿米十二石耳逆賢擅政時有孩孺而至祿米若干石有陞賢一次曾頓加祿米至一千二百石不一也

騎馬凡內府有名騎馬者自東西下馬門起至北安西安門柵欄東上北門止又東上南門起至南門內西上南門起至寶鈔凡遇萬壽聖節正旦節凡內府騎馬者各



進馬一匹若遇大婚禮誕生慶典亦然凡進馬有例司禮監管賞寫字豫先于思善等門曉示一帖曰某日進馬各家將馬之毛色并己之官銜姓名開送司禮監總辦黃本處各酬銀二錢或三錢不等以為買紙具筆墨之用此舊規也臨期請旨如聖駕親覽所進之馬便都于乾清宮門外伺候覽過交御馬監不堪者該監不收換補之逆賢擅政時因山海關等處缺馬遂將皇城內官人稍堪辦進者躡陞數百人騎馬每次各進一匹又派各監局司場庫進十匹至五十匹者每歲傳進十餘次每次不下數百匹驗收之日黎明時逆賢于北上門

敦復齋藏書

中間朝北正坐盛服示威內外侍衛者數百人列于兩傍按職名捧馬魚貫而過或有不係夸產及瘤瘦老病者必重責其人如牌子王心悅幾斃于杖下所以馬價踴貴焉及解馬到于彼處聽其瓜分又苦無應時芻豆隨至倒死者相望軍士啖馬者比比也按舊制禁門中間係御路無臣子敢正坐者曾記萬曆二十九年累臣同選入者四千餘人于七月先監矩奉神廟聖旨于北上門撥散于各衙門先監在北上門東一空門限之北坐東朝西可謂得宜至天啟二年六月內王體乾史賓張文元奉先帝聖旨選內操官人時便已在北上門居

中朝北正坐者體乾也左右並列坐者賓與文元也孔聖立不中門况坐以臨下乎千天之位情然可笑者是又不止驕橫逆惡魏忠賢矣凡賞過祿米者遇萬壽聖節等節隨進馬之外仍各進鹿一隻交南海子未賞祿米者則否又冬至之前印公公秉筆隨堂管事牌子各進子母羊四角羊交牲口房凡藩府所進之羊亦交牲口房所進之馬亦交御馬監也

欖杙凡司禮監掌印秉筆之年高最有寵眷者方能得此其制如靠背椅而加兩桿于傍用皮纏如轎前後各用一橫槓然槓者不在轅內只在桿外斜插槓槓而正

敦復齋藏書

行之所以曰杙者禁地不敢乘轎之意也

板其制如牀面高五尺許于偏後此安一椅圍前後以粗絨繩拴用槓二條斜插槓走離地尺餘司禮掌印秉筆年老者方私置坐之不係欵賞亦不係正經品級自乾清門外至西華門東華門裡止自逆賢擅政乃徑自由門擡外子無畏忌又曾于寶月亭戴巾穿褻衣坐板擡走殊可恨也從昔以來禁地無戴巾之理神廟時司禮監掌印田義老病先監矩清弱亦曾間于宮中坐板然出于不得已非驕矜賣貴也邇來年少如李永貞石元雅涂文輔三人皆坐之可不謂濫褻之極耶

朝服朝冠帶履與外廷同冠七梁或五梁舊制只有司禮監掌印于祭中雷之神之夜服此祭之自逆賢擅政加至九梁凡遇先帝聖節年節冬至節王體乾起至牌子止俱朝服朝冠于乾清宮大殿或丹陛上服之照外廷儀注行慶賀山呼禮贊禮官大聲鳴贊如鴻臚寺馬班首亦致詞焉自魏良卿晉封後逆賢即改戴公侯伯爵簪纓出班行禮致詞位在體乾上至今上初登大寶舊例宮中內外各執事印公等行禮磕頭慶賀逆賢欲仍戴簪纓照先帝時朝服行禮俾聖上英明未果行止以本等服色叩頭呼萬歲禮也

敦復齋藏書

笏以象牙為與外廷同抹布非布也是素紵絲或綾染柘黃長五尺濶三寸雙層方角如大帶子之式而無總比乾清宮管事牌子暖閣御藥房櫃子御司房管庫管弓箭請小轎四執事牌子欽安殿隆德殿英華殿陳設近侍須蒙賜過者方敢佩于貼裏之右而緡結絛上雙垂之露半條于外垂與衣齊

刀兒小牙筋一雙小尖刀一把長六七寸不等銀鑲魚皮等鞘以紅絨緡繫束于衣左牌總之上以昭近臣殊寵非外衙門之所敢望也惟司禮監是禮儀衙門斯

不屑抹布刀兒矣

鐸針金銀珠翠珊瑚皆可製年節則大吉葫蘆萬年吉慶元宵則燈籠端午則天師中秋則月光頒曆則寶曆萬年其制則八寶荔枝萬字鮎魚也冬至則陽生綿羊太子梅花重陽則菊花萬壽聖節則萬萬壽洪福齊天之類洪福者于齊天字之兩傍各有紅色蝙蝠一枚以取意耳凡遇誕生婚禮及尊上徽號冊封大典皆萬萬喜所謂鐸針者單一枝有鐸居官帽中央者是也按蟒衣貼裏之內亦有喜相逢名色比尋常織樣不同前織一黃色蟒在大襟向左後有一藍色蟒由左背而向前

敦復齋藏書

兩蟒恰如偶遇相望戲珠之意此萬曆年間新式非逆賢創造凡婚禮時惟宮中貴近者穿此衣也枝箇其制隨景如鐸針但咸小偏向成對耳

桃杖亦隨景如前而珍珠珊瑚自鐸端下垂或間以寶石金方萬字下有垂脚世廟時亦間將三種賜大臣神廟初年亦曾賜江陵相公云

披肩貂鼠製一圓圈高六七寸不等大如帽兩旁各製貂皮二張方毛向裡至耳即用鈎帶斜挂于官帽之後山子上舊制自印公公等牌子煖殿方敢戴其餘常行近侍則只帶煖耳其制用玄色素紵作一圓橢高二寸

兩級貂皮長方如披肩凡司禮監寫字起至提督止亦止戴暖耳不甚戴披肩也凡二十四衙門內官內使人等則止許戴絨紵圍脖似風領而緊小焉凡聖上臨朝講亦尚披肩至于外廷如今所戴帽套謂之曰雲字披肩隨侍然古制似已頓易也

直身製與道袍相同惟有襪在外綴本等補聖上有大經直身袍凡印公公若遇司房或秉筆私自下直房始穿此見尊長則不穿其色止有天青黑綠玄青不敢做大紅者或亦開襪如襯衣而束本等帶者

道袍如外廷道袍製惟加于領耳間有綴補然逆賢

敦復齋藏書

時其袖有大至二尺七八寸可笑莫此為甚

斃衣有如道袍袖者近年陋制也舊制原不縫袖故名曰斃衣絲素不拘

大摺前後或三十六三十八不等間有綴本等補子順褶如貼裡之制而摺之上不穿細紋俗為馬于褶即外廷之襪褶也間有綴本等補世人所穿襪子如女子裙之制者神廟亦間尚之曰襯摺袍想即古人下裳之義也

束髮冠其製如戲子所戴者用金累絲造上嵌晴碌硃石每一座有值數百金或千餘金二千金者四爪蟒龍

在上蟠繞下加額子一件亦如戲子所戴左右插長雉羽焉凡遇出外游幸先帝聖駕尚此冠則自王體乾起至煖殿牌子止皆戴之各穿窄袖束玉帶佩茄袋刀臨唱咬臍即打圍故事惟涂文輔高永壽年少相稱其年老耆戴之便不雅觀

唐胡帽此古製如畫上綿羊太子所戴者是以貂鼠銀鼠皮製之凡冬月隨駕出獵帶之耳不寒

烟墩帽亦古製也冬則大鶩絨或紵縐紗夏則馬尾所結成者上綴金蟒珠石其式如大帽直簷而頂尖細二色衣近御之人所穿衣自外第一層謂之蓋面如襖

敦復齋藏書

襖貼裡圓領之類第二層謂之襯道袍第三層謂之綴領道袍其白領以漿布為之如玉環在項而缺其前稍油垢即換之非入過皇城者不敢綴也自此三層之內或掛或襖俱不許顯露白色袖口凡脖領亦不許外露亦不得綴鈕扣只宮人脖領則綴鈕扣是以切避忌之凡外廷講幄召對之臣不可不曉二色衣之妙處者如夏則以葛<sup>布</sup>為上身以深藍或玉色紗作下褶并接<sup>兩袖</sup>各數寸又緣子領寸許一則恐露白色一則省費情福以便拆斡此從來古制也自逆賢擅政凡近御之人槩得穿白色生紗生羅葛布及白綾綠袖領袖襟縫公然

顯露不憚忌矣

一把蓮宮壺中舊制凡掌印秉筆管事牌子在殿內直宿其餘者候聖駕已安寢磕過安置頭寢殿門已闔則始散歸各值房或酒或茶自己用過便各安寢絕無敢私相會飲者其各家經管衣服帽官人即將官帽一項貼裡道袍大襖或挂共上一條領者一副總綴兩條帶子將提繫絳牌總亦挂得停當名曰一把蓮并硬抹口絨襪靴護膝一雙俱繫安于所卧歇床旁伺候暗燈及燭于桌上立銅箍頭攢竹五尺一根于桌旁司房官人伺候筆袋一分空紙數幅本色紙花一袋紙花者即白

數復齋藏書

紙裁成方葉如梳大以備寫字唾痰擦手之用凡猝然夜間御前有事忽有傳召或值火災意外之警便立可衣冠手持五尺速赴駕前防衛此從來貴近大臣之體亦內臣小心敬慎分內事也至賢擅政此制盡廢甚有沉醉解網赤身而睡者曾過過半夜有事如先時逆賢王國臣之闕于殿內并號殿兩次火災寧遠兩次 警及天啟六年六月初五日夜半地震則凡赴御前之人多零星遲緩不濟事矣又先是各直房飲食都從河邊等處做成擡入宮以炭火熟食之不敢煤灶也至逆賢時直房各具寬大茶廚房雙煤爐訪善烹調內官答應似

麵店酒館煤火烈焰炮炒煎煤互相請召而上下因循日甚一日全不以火燭為戒非賢倡始衆亦不敢屑越至此也

長者中製如東坡巾而後垂兩方葉如程子巾式神廟恒尚之曰長者冠尚戴也前綴縫一西洋大珠洎兩金五爪龍戲之而後垂尚葉之中亦各鑄蒼龍凡內臣高年之人<sup>亦</sup>有戴者或金線黑線緣鑲然不敢綴雲龍也忠靖冠六合巾九華巾晉巾等製皆如外廷先帝恒尚九華巾

圓帽皇城內內臣除官帽平巾之外即戴圓帽冬則以

敦復齋藏書

羅或紵為之夏則馬尾牛尾人髮為之有極細者一項可值五六兩或七八兩十餘兩名曰瓜拉或瓜喇絕不稱帽子想有所避忌云

撥鞞巾帽局製造每年大雪第一次即送司禮監掌印掌東廠秉筆每二雙管事牌子每一雙冰雪穿之以便趨走不滑跌也

撒扇其製用木柄長尺餘合竹作小骨二十餘根用藍絹糊裱兩面皆撒大塊金箔放則遮日收則入囊自司禮監掌印至管事牌子皆于宮中夏間用之只可取陰不能取風其扇式如外之竹涼扇而不曲長可二三尺



上潤下窄損齋備忘錄載宣廟六言詩三首其一詠撒  
扇者云湘浦煙霞交翠剌溪花雨生香掃却人間炎暑  
招回天上清涼以天地萬物為一體真帝王之言也  
靴皂皮為之似外廷之製而底軟襯薄其裡則布也與  
聖上履同式而前縫少菱角各縫少金線耳頻加粉飾  
敝則易之凡當差內使小火者不敢槩穿但單臉青布  
鞋青布襪而已或雨雪之日油靴則不禁也

扁辮用不堪之絨紫色或青綠色織如大帶子微鬆軟  
耳長可丈餘不等潤可三四寸凡遇雨雪將衣搗束離  
地八九寸以防泥污晴天不用如冬寒之月亦得穿皮

敦復齋藏書

氈衣夏暑之夜亦得用折疊竹架各支紗帽帳以禦蚊  
蚋也

雨衣雨帽玉色深藍官綠杭紬或好絹紬為之先年亦  
有蠶繭紙為之者今亡矣斗鉢式有道袍式如掛者御  
前大臣直穿紅之日有紅雨衣彩畫蟒衣方補為貼裡  
式者雨帽則如方巾周圍加簷三寸許耳亦有竹胎絹  
糊黑油漆如高麗帽式者惟御前大臣戴之祖宗以來  
凡帝后皇子女晴天各用絹裡紗窄簷傘製不甚大也  
以蔽下面之日色宮中從來禁傘自逆賢擅政凡掌印  
秉筆管事牌子如玉體乾王朝用等皆雨雪打傘直至

乾清宮大殿簷下無復奴僕體矣良可太息又神廟時  
凡宣召太監田義等皆直指其名曰叫某人來如值聖  
怒則拉某人來至逆賢凡遇先帝傳召衆必接聲或數  
十人謹聲齊跪曰叫老公里蓋于君前臣名之義何居  
而乃恬不以為異可乎

內臣佩服紀畧第十九

飲食好尚記畧第二十

上古之時茹毛飲血自燧人氏作民始烹飪不過苟塞  
飢餒已耳是以鼎鑄饕餮之戒書垂酒誥之文然自古  
至今猶有以口腹嗜好之故起戈矛于七箸貽身家之  
大害者不能枚舉惟趙衰以壺飧得士顧榮以一炙感  
恩推其輕重亦或有道存焉其間不可不知也嗟惟中  
官志在溫飽耳目習染效奢易從儉難按節令以相沿  
非四方所能曉謹將平日所稔知者畧次梗槩于左用  
識異聞亦考世問俗之一端倘披閱之或亦興嘗禁饜  
之思即

正月初一日正旦節自年前臘月二十四日祭爐之後  
宮眷內臣即穿葫蘆景補子及蟒衣各家皆蒸點心儲  
肉將為一二十日之費三十日歲暮即互相拜祝名曰  
辭舊歲也大飲大嚼鼓樂喧闐為慶賀焉門傍值桃符  
板將軍炭貼門神室內懸掛福神鬼判鍾馗等畫床上  
懸掛金銀八寶西番經輪或編結黃錢如龍簷楹插芝  
蔴樁院中焚栢枝柴名曰煬歲正月初一日五更起焚  
香紙放炮將門櫺或木槓于院地上拋擲三度名曰跌  
千金飲椒栢酒喫水點心即扁食也或暗包銀錢一二  
于內得之者以下一歲之吉是日亦互相拜祝名曰賀

敦復齋藏書

新年也所食之物如曰百事大吉盒鬼者柿餅荔枝圓  
眼栗子熟棗共裝盛之又驢頭肉亦以小盒盛之名曰  
嚼鬼以俗稱驢為鬼也立春前一日順天府于東直門  
外迎春凡勳戚內臣達官武士赴春場跑馬以較優例  
至次日立春之時無貴賤皆嚼蘿蔔曰咬春互相請讌  
喫春餅和菜以綿塞耳取其聰也自歲莫正旦咸頭戴  
鬧蛾乃烏金紙裁成畫顏色粧成者亦有用真草蟲蝴蝶  
者名曰草里金二枚可值二三兩不等皆貴尚焉初七  
日人日喫春餅和菜自初九日之後即要燈市買燈喫

元宵其製法用糯米細麩內用核桃仁白糖為果餡酒  
水滾成如核桃大即江南所稱湯圓者十五日曰上元  
亦曰元宵內臣宮眷皆穿燈景補子蟒衣燈市至十六  
日更盛天下繁華咸萃于此勛戚內眷登樓玩看了不  
畏人斯時所尚珍味則冬笋銀魚鵝蛋麻辣活兔塞外  
之黃鼠半翅鷓鷀江南之蜜羅柑鳳尾橘漳州橘橄欖  
小金橘風菱脆藕西山之蘋果軟子石橘之屬水下活  
魚蝦之類不可計本地則燒鵝雞鴨猪肉冷片羊肉炮  
炒羊肚膾灌腸大小套腸帶油腰子羊雙腸豬臀肉黃  
額管兒脆團子燒笋鷺雞煤魚柳蒸煎燻魚酒煮鵝鷄

敦復齋藏書

鷄醢湯米爛湯八寶攪湯羊肉豬肉包棗泥饅蒸糊油  
蒸餅乳餅奶皮素蔬則滇南之鷄縱五苔之天花羊肚  
菜雞腿銀盤等蘑菇東海之石花海白菜龍鬚海帶鹿  
角紫菜江南萬笋糟笋香葷遼東之松子薊北之黃花  
金針都中之山藥土豆南都之苔菜武當鷹嘴笋黃精  
黑精北山之榛栗梨棗核桃黃連茶木蘭芽蕨菜蔓青  
不可勝數也茶則六安松羅天池紹興芥茶徑山虎丘  
茶也凡遇雪則煖室賞梅吃炙羊肉羊肉包渾酒牛乳  
先帝最喜用炙蛤蜊炒鮮蝦田雞腿及笋鷄脯又海參  
鮑魚鯊魚筋肥雞猪蹄筋蹄共燴一處恒喜用焉十九

日名燕九是日也都城之西南有白雲觀者云是勝國時丘真人成道處此日僧道輻輳凡聖溷雜勛戚內臣凡好黃白之術者咸游此訪丹訣焉自十七日或至十九日御前安設各樣燈畫撒之也二十五日曰填倉亦醉飽酒肉之期也

二月初二日各宮門撒出所安彩粧各家用黍麩棗糕以油煎之或白麩糊稀攤為煎餅名曰薰蟲是月分菊花牡丹凡花木之窖藏者開隙放風清明之前收藏貂鼠帽套風領狐狸等皮衣食河豚飲蘆芽湯以解其熱各家煮過夏之酒此時吃鮓名曰桃花鮓也

敦復齋藏書

三月初四日宮眷內臣換穿羅衣清明則鞦韆節也戴柳枝于鬢坤寧宮後及各宮皆安鞦韆一架凡各宮之溝渠俱于此疏濬之竹篾排棚大木桶天溝水管俱于此時油臉之并銅缸俱刷換以新汲水也凡內臣院大者即製蓆箔以為涼棚以繩收放取陰也聖駕幸回龍觀等處賞海棠窖中花樹盡出園圃亭榭藥欄等項咸此月修飾富貴人家咸賞牡丹花修涼棚二十八日東嶽廟進香吃燒笋鷺吃涼餅糯米麩蒸熟加糖碎芝麻即糍巴也吃雄鴨腰子大者一對可值五六分傳云食之補虛損也

四月初四日宮眷內臣換穿紗衣欽賜京官扇柄牡丹  
盛後即設席賞芍藥花也初八日進不落夾用葦葉方  
包糯米長可三四寸濶一寸味與粽同也是月也嘗櫻  
桃以為此歲諸果新味之始吃笋鷄吃白煮豬肉以為  
冬不白煮夏不燒也又以各樣精肥肉薑蔥蒜剉如豆  
大拌飯以萬苳大葉裹食之名曰包兒飯造甜醬豆豉  
初旬以至下旬要西山香山碧雲等寺要西直門外之  
高粱橋涿州娘娘馬劬橋娘娘西頂娘娘進香二十八  
葉王廟進香吃白酒水酪取麥穗煮熟剉去芒殼磨  
成細條食之名曰捻轉去聲以嘗此歲五穀新味之始也

敦復齋藏書

司禮監有一種扇以墨竹為骨色箋紙面兩面楷書論  
論六字一句成語極易脆裂不知費多少工價方成一  
把似此損耗無益宜裁省可也

五月初一日起至十三日止宮眷內臣穿五毒斬艾虎  
補子蟒衣門兩旁安菖蒲艾盆門上懸掛吊屏上畫天  
師或仙子或仙女執劍降五毒故事如年節之門神焉  
懸一月方撤也初五日午時飲硃砂雄黃菖蒲酒吃粽  
子吃加蒜過水麪賞石榴花佩帶艾葉合諸藥畫治病  
符聖駕幸西苑鬪龍舟划船或幸萬歲山前插柳看御  
馬監勇士跑馬走解夏至伏日戴草麻子葉長命菜即

馬齒莧也

六月六日皇史宬古今通集庫晒晾吃過水麩外象赴宣武門外洗初伏中伏末伏日亦吃過水麩嚼銀苗菜即藕之新嫩秧也初伏日造麩惟以白麩用菜豆黃加料和成晒之立秋之日戴楸葉吃蓮蓬藕晒伏薑賞茉莉花梔子蘭芙蓉等花先帝愛鮮蓮子湯又好用鮮西瓜種微加鹽焙用之

七月初七日即七夕節宮眷穿鵲橋補子宮中設乞巧山子兵伏局伺候乞巧針十五日中元甜食房進供佛波羅蜜西苑做法事放河燈京都寺院咸做蘭盆追荐

敦復齋藏書

道場亦放河燈于臨河去處也是月也吃時魚為盛會賞荷花鬪促織而促織之善鬪者一枚可值十餘兩不等各有名色以賭賭求勝也秉筆唐太監之徵鄭太監之惠最識促織好蓄鬪為樂

八月宮中賞秋海棠玉簪花自初一起即有膏月餅者加以西瓜藕互相餽送西苑躑躅至十五日家家供月餅瓜果候月上焚<sup>香</sup>後即大肆飲嚼多竟夜始散席者如有剩月餅仍整收于乾燥風涼之處至歲暮合家分用之曰團圓月餅也始造新酒蟹始肥凡宮眷內臣吃蟹活洗淨蒸熟五六成群攢坐共食嬉嬉笑笑自揭臍



蓋細細用指甲挑剔蘸醋蒜以佐酒或剔蟹胸骨八路  
完整如蝴蝶式者以示巧焉食畢飲蕪葉湯用蕪葉等  
件洗手為盛會也凡內臣多好花木于院宇之中擺設  
多盆並養金魚之缸羅列小盆細草以示侈富有紅白  
軟子大石榴是時各剪離枝甘甜大瑪瑙葡萄亦于此  
日剪下缸內着少許水將葡萄枝懸封之可留至正月  
尚鮮

九月御前進安菊花自初一起喫花糕宮眷內臣自  
初四日換穿羅重陽景菊花補子蟒衣九月重陽節駕  
幸萬歲山登高或兔兒山旋磨山登高喫迎霜麻辣兔

敦復齋藏書

菊花酒是月也糟瓜茄糊房憲製諸菜蔬抖晒皮衣製  
衣禦寒

十月初一日頒曆初四日宮眷內臣穿換紵絲吃羊肉  
炮炒羊肚麻辣兔虎眼等各樣細糖凡平時所擺玩石  
榴等花樹俱連盆入宮喫牛乳餅奶皮奶窩酥糕鮑  
螺直至春二月方止是月也始調鷹畋獵關雞內臣貪  
婪成俗是以性好賭博既賴難求勝則必費重價購好  
健關之雞顧善養鷄者晝則調馴夜則加食名曰貼鷄  
須燃燈觀看以計所啄之數有三四百口者更妙也是  
時夜已漸長內臣始燒地炕飽食逸居無所事事多寢

寐不甘又須三五成朋飲酒擲色看紙牌要骨牌下棋打雙陸至三四更始散方睡得着又有獨自喫酒肉不下者亦如前約聚輪流辦東幫湊飲喫所笑談者槩鄙俚不堪之事多有醉後爭忿小則罵打童奴以遷怒大則變臉揮拳將祖宗父母互相換罵為求勝之資然易得和解磕過幾個頭流上幾點淚即歡暢如初也凡攢聚飲食之際其固獲湯飯放飯流歡共食求飽吃食嚙骨或膝上以哺弄兒或棄肉與貓犬真可笑也如有喫素之人修善念佛亦必羅列果品飲茶久坐或至求精爭勝多不以簞食瓢飲為美亦可笑也間有一二好看

敦復齋藏書

書習字者樂聖賢之道或杜門篝燈布衣糲食不苟且不濫差足愉快奈寥寥不多見耳大抵天啟年間臣內性更奢侈爭勝凡生前之桌椅牀櫃轎乘馬鞍以至日用盤盒器具及身後之棺槨皆不憚工費務求美麗甚至墳寺莊園第宅更殫竭財力以圖宏壯且疊立名目料歛本衙門屬僚今日曰某老太太慶七十八十某太爺太太祭吊明日曰某宅上梁慶賀某壽地興工立碑即攘奪府憲總不恤糜費工本心所甘習以成風真可鄙可笑也內臣又好喫牛驢不典之物曰挽口者則靴具也曰挽手者則牡具也又羊白腰者則外腎卮也至

于白馬之卯尤為珍奇曰龍卯焉

十一月是月也百官傳戴暖耳冬至節宮眷內臣皆穿陽生補子蟒衣室中多掛綿羊太子畫帖司禮監刷印九九消寒詩圖每九首詩四句自一九初寒纔是冬起至日月星辰不住忙止皆鼓詞俚語之類非詞臣應制所作又非御製不知如何相傳年久遵而不改近年多易以新式新詩之圖二三種傳尚未遠此月糟醃猪蹄尾鶩脆掌羊肉匾食餛飩以為陽生之義冬笋到則不惜重價買之是月也天已寒每日清晨喫辣湯吃生炒肉渾酒以禦寒

敦復齋藏書

十二月初一日起便家家買豬醃肉喫灌腸喫油渣酒煮豬頭燴羊頭炮炒羊肚煤鐵脚小雀加鷄子清蒸牛乳白酒糟蚶糟蟹煤銀魚等魚醋溜鮮鯽魚鯉魚欵賞臘八襍果粥米是月也進煖洞薰開之牡丹等花初八日喫臘八粥先期數日將紅棗槌破泡湯至初八早加粳米白米核桃仁菱米煮粥供佛聖前戶牖圍樹井爐之上各分布之舉家皆喫或亦互相餽送誇精美也二十四日祭爐蒸點心辦年饒買時興綉緞製新衣以示奢美豪富三十日歲莫守歲乾清宮丹墀內自二十四日起至次年正月十七日止每日晝間放炮遇大風暫

止半日一日其安熬山燈紫烟火凡聖駕陞座伺候花  
炮聖駕回宮亦放大花前導皆內官監職掌其前導擺  
對之滾燈則御用監燈作所備者也凡宮眷所用飲食  
皆本人所關賞賜置買雇倩貧窮官人在內炊爨烹飪  
其手段高者每月工食可湏數兩而零星賞賜不與焉  
凡煮飯之米必揀簸整潔而香油甜醬豆豉醬油醋一  
應雜料俱不惜重價自外置辦入也凡宮眷內臣所用  
皆炙烤煎燂厚味但遇有疾服藥多自己任意調治不  
肯忌口總之宮眷所重者善調烹之內官而各衙門內  
臣所最喜者又手段高之廚役也

敦復齋藏書

飲食好尚紀畧第二十



遼左棄地紀畧第二十一

鐵嶺李氏其先本朝鮮人萬曆年間成梁父子以斬級  
擴土加功封伯爵遂圖北照雲南例要將山海以東世  
據之以為遼東鎮守如黔國故事凡當時仕于遼土者  
多遭其齟齬無不懼陰謀之叵測也至萬曆三十三年  
春成梁以寧遠伯總鎮東遼巡撫則趙公楫欲將鴉谷  
關外張其佃子等處地方居民招徠內徙以邀功  
賞時先將軍應祺正仕遼陽副總兵曾具呈阻之奈撫  
鎮貪功之謀已成見呈大怒遂多方布弄共欲甘心先  
將軍矣時累臣若愚遇例已選入內廷獨兄茂方以嫡

長男隨任目擊最確先將軍由此憤鬱成疾于本年夏告病回衛身故嗚呼痛哉繼先將軍為副總兵者楊公如松也其年冬撫鎮果行文招徠居民安土重遷幾至激變撫鎮必不肯中止時已寒沍乃復差廢弁韓宗功率領軍丁數千粒塘馬驅逐之焚其室廬毀其器用哭聲震野有僵餒不支而死者有渡河水陷而死者有不願徙而自經者少壯強勇之人亡八 什四五僅得老弱孤貧者六萬餘人都僉派于遼鎮二十五衛安插奏聞神廟督臣蹇公達并鎮撫俱以招回功各蒙恩賚時四明沈相公一貫首揆也遂將膏腴地數百里為

敦復齋藏書

所得丙午夏遼鎮廣寧管餉通判徐應乾浙江紹興人目擊遼鎮邊徼大壞條上十五事于撫鎮首列

一歎而兩老不勝懷忌至七月奉按院蕭公淳檄委徐閱察河東十四衛于遼陽庫廨見先將軍呈諫割地之案不覺衝冠皆裂為賦二詩以識不平撫鎮聞之遂將徐捏革職為民 既得膏腴之地數百里遂懷異心

隱憂日滋自三十四五年後兵科等衙門宋公一韓等各疏劾棄地非宜內有云劉副將一呈而輒死徐通判二詩而去官劉副將即先將軍也後宋公復有一疏為割嚼 等事秦神廟聖旨這所奏棄地昇虜事情重大

着都察院選差巡按御史勘明來說欽此奉差往勘者  
熊公廷弼石碑全遼地勘寔題覆未結其後李公奇珍  
等又有疏云 虜居之則為虜地華人居之則為華地  
今數十年生聚之民上糧有倉帛人丁有徭役何以謂  
之曰虜<sub>地</sub>何以謂之曰逃民云云疏上不報 既殷富群  
不逞之徒復為計畫朝夕從災四十六年春 果陷撫  
順以叛鎮臣張公承胤全師覆沒巡撫李公維翰逮矣  
四十七年春楊公鎬為經畧而四路之師衄矣天啟元  
年春失遼瀋二年春失寧廣全遼淪陷十餘年來竭天  
下之力未雪恥河西一帶已非我有况河東之棄地乎

敦復齋藏書

此遼左決裂實因以貪功貽患真可切齒痛恨也李氏  
墳墓在鐵嶺者已盡為虜發所封之爵久懸難襲韓宗  
功乃成梁嫡親姪壻于天啟三年為虜奸細訪得正法  
趙公楫京師人也久與稅監高淮契友囊橐頗富多置  
宅以居縉紳其孫趙台于今上崇禎五年冬具疏為乃  
祖諱張以求復己之恩蔭本年十月內奉聖旨遼鎮失  
事釀興必非一朝趙楫在任撫有年何無先見豫籌本  
內招回人口是否功應廕叙着吏兵二部查議奏奪欽  
此至六年冬吏部竟坐名覆疏奉俞旨趙台准送國子  
監讀書七年大同總戎王公朴具疏奉旨戚司宗罪案



已定王業弘等爭襲事情已有旨了其李成梁伊孫談部查議具奏欽此司宗于九年恩審蒙釋成梁之後賴戚臣王昺費盡心力近已蒙准襲爵累臣竊痛乙巳至今時盈三紀寔歷四朝在位在野恐知此棄地根因者少若非先將軍曾由此招禍宋掌科曾具疏入告即不孝如若愚亦幾不能記憶也封疆大事父子至情義難緘默謹書此以脩採擇焉

遼左棄地紀畧第二十一

見聞瑣事雜記第二十二

洪武間臨海趙某者逸其名卒業太學為一中貴題蠶婦圖云蠶未成時葉已無鬢雲撩亂粉痕枯宮中羅綺輕于布爭得玉孫見此圖太祖偶幸中貴宅見之詰問誰作中貴以趙某對即召除肇慶知府在郡大有廉聲見周海門先生汝登襟言

又閩人徐煥榕陰新簡所載城山鄭氏譜女官恩遇云江氏名全閩邑高惠里人少淑惠慧能記誦孝經列女傳及笄歸城山鄭琚洪武癸亥琚早世江守節癸酉詔選識字節婦任用內府當道以江為荐赴內選中授女府

內品欽賜名曰全委掌金銀各庫乙亥因憶男女幼穉  
為秦太祖高皇帝推恩遣使來闕挈取家屬馳驛至京  
賜官房與居免稅課差役戊寅高廟遣內官李清送回  
壬午文皇帝登極復遣內官秦陪捧帛來宣助理內政  
陞尚寶局正賜月俸三石官房五間與男原籍居處永  
樂丁酉江以年老力弱請歸旨允重賜禮物遣內官伊  
子良復送回闕踰二年己亥以疾卒年六十有五云  
世廟聖孝凡睿廟藩邸御筆不惜重賞購之恭鈐欽文  
之璽或所製睿宗獻皇帝御書之寶非親近大臣不賜  
也睿廟善書善古篆有恩紀念香堂詩行于世光廟于

敦復齋藏書

講學之暇好揮洒大字扁額對聯以賜青宮左右雖初  
寒大暑未之少懈或有鈐東宮親筆圖書不載年月者  
即光廟潛印之御書也當軸亦宜奏請訪購以備一代  
宸翰可也

光廟喜射又樂觀戲于宮中教習戲曲者近侍何明鍾  
鼓司官鄭稽山等也凡向外囑托事情而營利肥己者  
劉朝王輔等也恭昌元年八月撥置西李娘娘招權納  
賄者李進忠也

先帝嬰年時曾用右手小指在殿門椽葉內剔土嬉戲  
光廟猝至客氏急抱起指甲被椽葉拗傷痛不已既光

廟撫之曰不妨不妨帶破些壽長仍好語勉慰客氏今後用心云

先帝髻毼時教習書做者光廟伴讀吳進忠也宮中私自答應誦書習字劉良相也良相雄縣人性朴直不如輩皆以劉道呼之孝和皇后即才人娘娘臨崩時托寫遺言云與西李娘娘有讎者良相執筆也天啓元年逆賢矯旨發良相于鳳陽而殺之今有誰肯代良相鳴冤枉即熹廟中宮張娘娘今慈安皇后者秉筆劉克敬奉差選中二位中之一位后性骨鯁好看書習字坤寧宮近侍陳德潤逆賢名下也伺后動靜客氏逆賢憚焉遂

敦復齋藏書

時于先帝前離間之后時有賜與克敬不過食物之類逆賢知之遂將克敬發鳳陽尋矯旨害之其後又忌克敬之照管老叔馬鑑即老叔之同官叔輩曾同侍先監者逆賢復啖涂文輔題恭降發鳳陽亦矯旨害之俱發殮復蘓寺僧聞棺中急迫有聲守尸押葬者畏賢毒蹤不敢主持遂生理之比至坑棺之堵頭將開而不敢不埋也悲哉今上登極憐其寃咸復職改殮歸葬于北今承天守備王太監允中秉筆掌東廠王太監德化隨堂王太監承恩皆劉名下天之報施忠裔正未艾也先帝御名凡宮中所用油皆更之曰芝麻水油漆作改

曰添作

神廟在宥之四十二年二月初九日聖母慈聖皇太后崩共傳行之旨曰朕慈母皇太后按慈母乃八母之一非生母不如直曰朕聖母為妥也又曰偶爾崩游按偶爾字樣亦似未妥是時司禮監掌印者李太監恩掌東廠者盧太監受若使先監矩尚在定經潤正必不草率如此

天啟年間高沈二太監閑住時助大工每捐進一萬兩其助遼餉又各進一萬兩咸恐後也至崇禎二年冬虜薄都城高止助五百兩其餘僅三四百兩而已果先富

敦復齋藏書

後貧即抑亦別有肺腸耶

憲廟好琴奕書畫司禮戴太監義號竹樓不知何許人也最精于琴而楷書筆法與沈度相埒南中有一良家婦善琴遍游兩京各省未有居其右者雅聞戴名詣外邸通名求見久之訂期戴休沐之暇至外邸坐廳中庭南婦隔簾向上一揖坐南婦簾外不通寒溫讓戴先操曲甫終南婦淚如雨下色若死灰將所攜善琴即下階石上碎之拂衣而去終身不再言鼓琴事矣戴之名下黃太監獻號梧崗者廣西平樂人也亦精于琴有譜行于世司禮太監蕭敬字克恭號東梅者亦戴名下也多

讀書其楷書筆法似沈度而草書則從張顛懷素間雜以篆籀邊防傍今之中帽局外廠云是蕭引業惜基址不存但寒泉數處烟艸冥迷已耳

鮑太監忠者不知何許人多學善書歷陞長陵神宮監僉書每坐大石上拾葉而寫詩清風徐起飄颻山谷以自娛樂山中巨石如蝦蟇式者鮑恒伏如几今見存焉世廟雅尚文學久乏中意者適有親近以忠姓名學行奏荐特蒙召陞秉筆掌印壽踰八望九尚耳目精明以楷書寫諭傳紅世廟優賚特加後憐其老予告令終去其名下王太監本不知何許人為穆廟時名臣又田太

敦復齋藏書

監義陝西人亦鮑名下也至萬曆二十四年掌司禮監印其楷書得鮑教為多見典禮之臣記中此後留心學問之人亦并及一二識嚮往云

司禮隨堂李太監受者京都人西域苗裔也嘉靖四十四年選入歷陞司禮監萬曆二十九年夏收選官人四千餘名累臣亦其一也三十一年選福王妃時皇貴妃鄭娘娘引潞王例欲選三人而擇之先監矩時總理婚禮受執往事爭曰潞王先選一位未中復選二位雖三人其寔二也如何敢比先監甚服其亮而密荐之後陞隨堂未竟厥施而一疾令終

秉筆史太監賓者嘉靖四十一年選入多學能書頗得  
歐陽率更筆法先監最器之歷陞文書房史廣交游善  
琴奕好寫扇其書字之扇流布宮中神廟思得好秉筆  
覽至史姓名皇貴妃鄭娘娘偶贊揚之聖意頗疑其從  
宮闈中攢營也遂立謫南京數年取回任事是日值有  
要緊旨意發閣例該第一員親捧到閣而史名原前列  
也及回奏神廟益怒復疑其夤緣往閣中見輔臣也復  
謫南京二十餘年至泰昌元年八月光廟登極始取回  
天啟元年逆賢力于先帝前荐陞秉筆後憚其廉介退  
出間住史性儉素曾與京宦米公萬鍾契厚貸史銀可

敦復齋藏書

七八百兩米終身困躓未償史即焚券都人多稱為義  
舉也金太監忠其照晉姪也金字敏恕北直固安縣人  
萬曆六年選入陞文書房博學能書善琴守備鳳陽時  
曾著御世仁風一書刺之博極鑑史繪畫精詳彷彿如  
帝鑑圖說其評語凡稱迂拙子者金之道號其自跋親  
筆作也先監矩在時曾向金曰公後來秉政時我名下  
中惟劉官人堪用公善視之其後累臣被太監常雲誣  
誤墩鎖于萬曆癸丑冬金曾折節賜顧時存恤之至天  
啟七年十二月累臣謫南金已守備南京崇禎元年夏  
累臣復被逮赴北蒙金惠銀百金為途中費金尋蒙今

上特陞秉筆掌御用監印。予告林下。近已令終秉筆車  
太監應魁則金名下也。

紀綸者北直人。萬曆六年選入陞司禮監博學能文。善  
寫歷陞文書房。未任秉筆人多惜之。

凡內臣讀書。近來始有讀左國史漢禰古文者。先帝伴  
讀。湯太監盛係萬曆二十九年選入。于書無所不曉。善  
飲酒。能詩。與鄭太監之惠契厚。為同僚先帝登極。轉典  
簿。不數月。即以病請。俱准。私宅閑住。湯益沉酣。典籍自  
號醉後雅歌。篤學最為李永貞嫉妬。天啟四年十二月  
卒。

敦復齋藏書

鄭太監之惠。號明淵。北直任丘人。亦二十九年選入。為  
牌子王奉。名下玉則大司禮田太監義。名下王率。衆名  
下叩頭。田遍熟視之。惟以手撫鄭頂。囑王曰。此子頂圓  
眼秀。人中端正。山根直接。印堂合伏。犀貫頂。法宜令讀  
書。不數年。王與田相繼卒。即派與管事田太監。詔做名  
下始深心。志受業于廬山人。龍節山人。杭州人。號九  
虬。博學能詩。于人落落寡合。聞累臣名。便交如舊識者。  
贈累臣詩云。棲遲十載誰曾記。我亦踈狂不記人。自接  
劉生杯酒語。常驚李白屋梁神。宮雲冉冉明千樹。玉漏  
迢迢隔九闈。祇令陽回春意早。羈鸞究竟出風塵。鄭自



此愈專心經史古文左國等書詩習杜工部字則臨黃山谷帖亦能作時藝古文性好種植牡丹等花嗜音善射久為永貞嫉妬天啟五年夏蒙先帝聖恩起典簿後陞監官時兩眼上皮各生黃<sup>斑</sup>一如蟾蜍眉也今上登極元年奉使河南藩府沿途廉介驛遞感頌之其年冬御前親試出事君能致其身題考時藝中選同文書房曹太監化淳陞隨堂誠古今殊遇也尋掌尚膳印監二年春告病杜門絕客究心學問五年冬王太監永祚密荐起陞秉筆南海子總督及保和等店委用常國安為掌家六年冬總督東廠委用王永壽為管廠掌班分寄耳

敦復齋藏書

目于群小且替名下官人何東鳳報二十餘年夙仇當道者多為講解竟膠執不<sup>大</sup>為輿情所薄七年冬有病閒住被原叅未結鹽蠹趙文淵具告反噬公止追過銀八萬尚<sup>有</sup>三萬皆免追上震怒下東廠理刑官耿良臣等于獄連逮黃永壽常國安于司禮監提問草鄭職下法司屢審未決至十一年春鄭患氣蠹症亡于獄臨絕囑其家人棺中多備紙筆仇訟地下享年四十有九葬于阜城門外三里河尚有八十餘歲母在任丘也凡所蓄書籍法帖畫散佚一空生前所作詩一冊于十年夏值常熟錢宗伯逮入所居與鄭比隣見而稱賞為之

序曰有明重熙累洽之朝有讀書修行之士厠皇極四星之列在帝左右者司禮監秉筆太監任丘鄭君是也君名之惠字聖允少負淵敏與其友湯君盛輩鏃礪學問厭薄內府沿襲典籍以為談聞固陋有志于左氏太史公班固之書久之而其學大成肌劈理解浸漬演迤離雖通人大儒未能或之先朝夕禁近自公退食熬膏宿火被服寒素有古名臣良士之風崇禎丁丑夏余見之于請室方繕閱三國以後諸史朱黃儼然讐言錯互纂言記事州處部居蓋將會萃其詔令文章卓然有用于世者為論思獻納之助而非徒以翰墨為能事也君

敦復齋藏書

又以其間出其詩集于予盥頤肅拜請余為其序余觀君之詩思必孤詣句必創獲刻鏤肺腑原本學殖其與夫儂花鬪葉傭剝于耳目之間者固已遠矣當戊辰夏君奉使中州過岳武穆湯陰故里感文臣不愛錢武臣不惜死之語流涕霑賦詩以申意己巳冬虜騎薄臣下憂時愛國賦今體詩八首余讀君集于是數事者回環吟咀三致意焉嗟夫小雅蒼伯之詩其卒章曰寺人孟子作為此詩夫子存而不削以是為可怨也春秋王朝列國卿大夫書名獨齊高侯魯季友書之曰子傳以為賢而子之也然則小雅之存孟子亦子之也夫子固

不以其寺人而不子之也以詩與春秋之法取之則漢  
之李強後唐之張承業本朝之懷恩覃吉輩其必為夫  
子之所子可知矣余序君之詩大書于其首簡曰寺人  
鄭子作為此書以附于小雅春秋之義後之君子誦其  
詩而論其世其必慨然于余言也已丁丑九月虞山老  
民錢謙益撰初湯之卒也鄭為經理喪事後天啓丁卯  
復為湯手勒墓碑其辭曰蓋聞世之君子沒而不朽者  
非書顯于旂常則垂名于竹帛以至一行隱逸之倫詩  
酒曠達之士咸得攄光傳記照映後先是豈名譽盡屬  
士紳而吾儕遂乏傑雋哉湯君諱盛字銘新號仲光北

敦復齋藏書

直安肅人體貌豐昂顧盼神采識度遠大器宇弘深直  
遂正辭率行已志自弱冠通經史而尤以聲詩振嘗以  
古出新意人皆服焉于萬曆辛丑夏掄選入內久滯下  
僚顧才名顯赫如劉君若愚亦折節與君定交之惠曾  
與君同事而兄事之久蒙開益故得少通今古庚申秋  
光廟登極當道 之惠擢司禮監遷東宮伴讀蒙今  
上垂念潛邸勞陞司禮監典簿之惠又同列寮案之誼  
斯時也君自以為居非常之地必竭底緼以報國家不  
知之惠之不才寡昧每推挽相須而軒輊罔計也豈期  
此志未伸懇辭間住之惠亦隨而求退居更涉獵經史

著作日繁君嘗曰吾有友乎說心間之俗務計衣食瑣  
碎或啣杯月下或緩轡郊垌則范君常君盧君是矣如  
酌古準今談經論史探性命之源圖不朽之業樂應聲  
氣求而不孤者則劉君鄭君是矣雖然吾之學可以攀  
劉而提鄭宜哉君生平月旦令人嘆服其進修識見如  
此乃暴病初沾一卧不起痛哉范君諱昇常君諱國安  
盧君諱應選于君皆同年也無何之惠荷恩擢復原職  
尋晉監官緬憶君容宛然在目恨不與君同事而終始  
之嗚呼悲哉墓草雖宿情自不能渝也之惠嘗聞之先  
師曰人之才情本天授也順之者明悖之者暗是則順

敦復齋藏書

必得天而壽而昌悖必反性乃天乃殃而果報何未必  
若是耶據情會理以理律人君乃明天人之際洞善惡  
之歸正擬遐壽期頤逍遙笑傲何祿壽如此之爽哉君  
生于萬曆丁丑秋卒于天啓甲子冬葬于都城之西玉  
河鄉之池水村于是樹石表行為九原之觀湯復著有  
歷代年號攷畧以為我朝建元十六而誤重前代者五  
六寔詞臣失于叅攷者之過也其餘遺文書籍各若干  
卷咸散失未刻君子惜焉按馮太監保之後四十年至  
王太監安而後興張太監誠之後二十餘年至高太監時  
明沈太監蔭而後興王太監之後至曹太監化淳而復

興無往不復無平不陂其信然耶

王進德不知何許人號樗仙世廟時職章聖獻皇后宮  
管事有甲第在東華門外清整雅潔門無俗客每休沐  
之暇即合戶焚香彈琴讀書或展古名人妙墨臨寫不釋  
手故書法道麗遂成名家尤好接賢士大夫宛然有士  
者風嘗與陸文裕公深善所蓄七賢過關圖陸公題跋  
也其辭有曰按七賢過關事無所攷豈竹林之人耶或  
曰即作者七人耳蓋畫家多尚興致不屑屑形似要在  
得其意於筆墨蹊徑之外可也公遭遇聖明參與帷幄  
密勿之地以其愛畫之心而為愛才之舉則天下必不

敦復齋藏書

至有遺才如此圖中望望而去也予重以是望之云疊  
臣于鎮南諸公處曾見此圖並古帖數種咸識之以樗  
仙圖書則樗仙賞鑑好古當不凡也

張太監維者北直霸州人號範吾嘉靖三十八年選入  
為司禮監掌印張太監宏名下幼博學好書又最為李  
太監芳器許隆慶戊辰遂荐陞神廟潛邸位下萬曆初  
年歷陞乾清宮管事提督內忠勇營掌兵仗局印而秉  
筆孫得秀張鯨諸人頗妬其才然維處去泰然慈聖老  
娘娘造有玄帝金像特差維齋請前往湖廣武當山供  
安維善詩能文且精于琴畫往返廉靜驛遞德之凡詩

賦翰牘人咸寶惜十二年三月二十七日夜侍神廟于  
乾清宮西廊上問曰你本官三年事畢了維奏曰仰荷  
聖恩得獲令終臣等存沒感戴上因從容曰吾常想張  
宏好個老兒每見我遣罰一箇諫官即叩頭流涕善言  
寬解我亦為他息怒何等忠愛維叩頭應曰此是聖德  
納諫非臣下所能挽回倘聖怒不息他亦不能成功上  
曰你以他三年除服事畢作一首來我看維即擬題榮  
哀感慕詩云薤露光陰何易晞三年夢逐白雲飛哀吟  
風木人終別悵望烟霄鶴未歸墓草可憐滋聖澤祠旌  
深感照春暉仁皇夜半思耆舊重奉恩綸下紫薇至十

敦復齋藏書

六年九月駕幸山陵閱壽宮回維股為車轆傷又見近  
侍十臣張守義等怙寵生事而張鯨等兢兢未艾也遂  
求退着于思善門外直房調治半年餘始准私家調治  
遂益哀法書秘籍不釋手至晚年兩目為盲尚能濡筆  
寫行草凡聞有新書必買來令左右念聽者數年至萬  
曆四十一年夏卒享壽將八十著有皇華集歸來篇莫  
金山人集蒼雪齋集等書行于世維于先監為同官先  
監之政事擔當維之文章恬退咸彪炳于世云  
王翺字鵬起號東却原籍南直句容人永樂時遷北直  
通州嘉靖壬寅選入時年十一歲撥司禮監內書館讀

書受業于郭東野趙大洲孫繼泉先生咸器重之且曰  
你諸生係內史不必學舉業文章惟講明經書通鑑本  
朝典制以備聖主顧問有餘力始學作對與詩可也歷  
陞乾清宮牌子隨朝請劍因進奏封事賜斗牛八月陞  
太監萬曆辛巳奉旨慈寧宮教書遂遷居于西安門北  
得從容與士大夫唱和吟詩待母孝待弟<sub>琅</sub>翔友于之  
愛為內廷所少翺為人悲歌個儻博學自豪視富貴若  
電光石火為其詠籠雀詩云曾入皇家大網羅樊籠久  
困奈愁何徙于禁苑隨花柳無復郊原伴黍禾秋暮每  
驚歸夢遠春深空送好音多聖恩未遂啣環報羽翺年

敦復齋藏書

來漸折磨翺與維前後皆有詩名而品秩榮顯翺遠不  
逮維刊有禁砌蛩吟稿東叩集行于世

李芳任乾清<sub>宮</sub>管事掌內官監印隆慶年間曾以上書直  
諫下獄與海剛峯先生諱瑞謚忠介者同寓事見泳化  
類編等書茲不載也。

凡內臣姓朱者皆改姓諸<sub>禮</sub>公族無刑人之義也諸升字  
晉父號鎮南浙江紹興人嘉靖四十一年選入于太監  
王安為同官按外廷所稱同官者謂職掌名位相同也  
凡內府所稱同官者不過同支派項下已耳猶前後同  
門之義非指同官為同僚而言不可不知也升曾陞<sub>任</sub>御

用監武英殿掌房自萬曆十年降發南海子淨軍多讀書博識通篆籀六書之學樂與士紳交游泰昌元年秋復原職天啟五年夏沐浴正冠而死壽幾九十升性豪俠善書達大體奢于交接積書名人字畫古帖頗多也

毛成號似鶴北直玉田縣人萬曆六年選入歷陞甲字僉書甘貧篤志潛心濂洛之學薛文清王文成諸君子之書更留心音韻六書之理雅服樵之六書略楊桓之六書統趙樵謙之本義吳元滿之總要晚年得崑山魏莊渠先生所著六書精蘊玩索自娛舉世俗之好無能

敦復齋藏書

奪也成性剛介菲飲食敝衣履通禪學蓄書甚多足未嘗至顯要之門于累臣有師誼焉壽七十餘卒葬于玉泉山麓生時自題其墓碑曰於乎藍田耕夫之墓

神廟初年先習趙孟頫字外小臣中有杜詩號鯉庭王廷策號哈仙及中書楊大倫劉綵等備員筆墨之役其後聖性篤好章草戊申春曾召累臣至啓祥宮前殿差宮人龔朝女出簾問累臣兄弟之名令寫真草八分篆字詩累臣俯伏階下次第奏對如諭寫入其後又令寫章草累臣對曰原不曾寫未寫而止此時累臣二十五歲矣亦最奇之遇也聞皇貴妃鄭娘娘欲討做司房近



侍神廟以為先監矩甫亡已派與常雲名下何可用未遂許而或有妬者阻之也是時開雍顧老師尚在京聞之甚喜俯仰今昔不覺淚下沾襟

孝廟時皇親恣橫太監何文鼎掌乾清門心不平引祖宗家法極言直諫文鼎與鮑太監忠契厚方草疏時不令忠知此燈下謄真之際有一楨在門傍立而一步一步行至案前鼎怒罵曰我為國盡言何物么魔敢來嚇我耶疏上上大震怒繫文鼎詔獄襍追治之務究所主使者文鼎毒慘備嘗曰有兩人俱山東籍貫不可拘按訊者曰姑言之對曰孔子孟子也文鼎既死猶能于禁

敦復齋藏書

中拽銅缸作聲若稱寃者中外歎息上亦感悟憐之令勒碑以祭焉

中官最信因果好佛者衆其墳必僧寺也惟晏太監宏者不知何許人武廟時曾鎮守陝西與督臣王瓊同事其墳在西山不設佛像止以石砌壁而鐫刻古來賢孝典故為勸化計俗所稱經廠所貯晏公綱目板一部宏遺物也內臣多重刷印之

世廟神廟享國年久鼓鑄嘉靖萬曆錢流行甚廣惟光廟在位僅匝月先帝仰思恭昌年號尚未鑄錢遂分鑄與天啟錢並流通同使民間有恭覩恭昌錢而墮淚者

累臣藏有徽墨四大笏可重二舳劑料甚佳上摹泰昌元年製想是正人君子曾蒙光廟召用禮遇者藉此墨以識不忘也累臣不忍磨用聞錢法侍郎劉君重慶好古喜墨遂托一山東人轉賣且藉此墨滿望劉君據墨具疏請將泰昌錢亦鑄若干以廣行奈劉君留墨付值而憤憤然視為沒要緊事也惜哉

神廟恭妃王娘娘即孝靖皇后生皇<sup>長</sup>子光廟又生皇四女也皇貴妃鄭娘娘生皇二子皇三子即福王又生皇四子子皇二女皇六女皇七女即壽陽公主駙馬冉興讓所尚者也端妃周娘娘生皇五子即瑞王也敬妃後封

敦復齋藏書

皇貴妃李娘娘生皇六子即惠王也生皇七子即桂王也順妃李娘娘生皇八子又生皇十女中宮王娘娘即孝瑞顯皇后生皇長女即榮昌公主駙馬楊春元所尚者也榮妃王娘娘生皇三女德嬪李娘娘生皇五女皇八女皇九女也光廟續承大統福王封于河南河南府瑞王封于陝西漢中府惠王封于湖廣荊州府桂王封于湖廣衡州府

神廟時御禁房提督張太監明精于醫藥最蒙寵陞司禮監秉筆掌內官監內府供用庫印明素不識字只掛虛銜不諛正不批文書凡不識字而秉筆者穆廟時孟

冲神廟時張明先帝時魏忠賢王朝輔四人耳萬曆二十八年夏明病故京師人皆快之曰張打鶴死了先是神廟往朝慈聖老娘娘明執藤條在前清道值慈寧宮丹陛上設有古銅仙鶴高五六尺明誤以為人也遂打而罵之曰聖駕來還不躲開隨侍諸臣哂之所以有此綽號也其掌家周臣亦陞乾清宮管事掌兵仗局印而一家照舊不許分散專造上用酒造辦金玉銅錫木鐵雕漆器物名曰御覽周臣病故張宣伊進朝繼之至泰昌元年八月始散而逆賢掌家王朝用及伊進朝池守爵皆明管上房之官人也

敦復齋藏書

福府承奉曹奉者持佛氏戒號丹岩居士頗與士大夫交然性嚴急少慈愷迨之國時與承奉鄭縉俱以病告留京師惟徐進劉顯等隨赴雒也

壽陽公主者神廟之第七女皇貴妃鄭娘娘生也選駙馬時顧姓者二人冉姓者二人冉彝縣人顧都人也時正暑御前親選之日兩顧白玉大簪極細亮帽髮可以鑑香氣襲人衣服楚楚甜鞋淨襪而冉則衣不鮮戴圓羅帽兢兢叩拜不敢仰視神廟隔簾向鄭娘娘指而目之卒選中冉氏之子興讓實重其老成也及完婚數年與公主及目逃回奉旨召來罰演禮如楊春元故事仍

革其父職奪教習部官賈之鳳俸一年以此懲之  
神廟時誕生瑞王之端妃周娘娘不甚有寵瑞王二十  
五歲始完婚福王十九歲始完婚光廟二十一歲始完  
婚惠王桂王亦各二十歲以外始完婚禮儀房各有底  
冊可攷也

中宮孝瑞王娘娘其管家婆老宮人及小宮人多罹捶  
斃死者不下百餘人又其近侍內官亦間多墩鎖降謫  
皇貴妃鄭老娘娘近侍各于善衛門帶俸其宮人有所  
謂靳太者失其名龐保曾答應也曰吳讚女者初宋保  
答應而後用張朝進答應保慮鬧熱終有散場苦海回

敦復齋藏書

頭是岸于是棄職為僧長往不返內臣擺脫富貴急流  
湧退所希有也曰林廷宦女者馬謙曾答應之于景科  
女者張其所答應也凡答應者為之置辦服飾食物即  
同掌家掌班也不可缺者也

京師墨山會地方有贈司禮監太監剛公諱鐵之墓在  
焉寺中藏有遺傳形像三軸皆曰靖難時有功太監至  
今宛平縣有祭凡掌司禮監印者繼續修葺又有三義  
廟祠先主關張君臣也其五虎將軍像龐士元先生像  
皆先監掌印時令經管內官率塑匠往鐘鼓司倣漢時  
裝束衣服製以塑之非出自古本流傳也按剛監墳大

塚一其石碣差古書燕府承奉正剛公諱鐵之墓又一  
碑差大稍新則書贈司禮監太監某之墓蓋似後人所  
立者塚前左右各列石鼓四以次漸矮如為坐板松亦  
茂密甚古其為古迹無疑近年修墓所勒碑文皆曰公  
有靖難犁庭功按碑稱承奉正是成祖未正大位時公  
先卒矣若果有靖難犁庭等功則自應有別銜豈仍以  
承奉正勒碑乎累臣心久惑之徧向熟于典故者訪問  
亦卒無明証也一日讀宋史列傳內有云某與遼將剛  
鐵大戰于某處云云則此墓得毋遼將塚耶抑剛公亦  
遼裔而名偶同英雄耶今正史明載剛鐵姓名因世之

敦復齋藏書

讀史者際冗朝報泛泛視之定多未詳故耳後之人遂  
沿無敢異議也同僚趙君琦美字玄度南直常熟人趙  
定字先生長子為先將軍契厚博俠好古人也累臣以  
父執事之亦曾問及懵然無以對焉夫此墳為我朝大  
內臣祭祀之所享二百餘年血食倘或原是一番將軍  
寧不令死者暗笑生者之謬談乎是以慎祀典者不可  
不詳核確跡也累臣愚昧謹此諛聞以俟知者

見聞瑣事雜記第二十二

見聞瑣事雜記

二十



累臣自叙節畧第二十三

累臣若愚生于萬曆甲申春至戊戌之秋悖父母之教感異夢而自宮廢儒業讀醫書習養生家言辛丑夏遇例選入皇城隸先監陳公諱矩名下派與掌家常太監雲照管該班則供抄謄之役下班則習字讀書頗蒙器許解衣推食耳提面命即師生父子也神廟時功令頗寬又得外受先師顧太師老先生之教為多先師諱天竣號開雍南直崑山人壬辰鼎甲累臣入七年先監卒又二年始陞奉御每竊嘆曰我太祖時胡惟庸之變幸得雲奇諫阻不然聖駕幾殆正統己巳之變我景皇后

攝 騎披猖徐程等倡南遷之議若非金英興安主持鎮定于內恐于忠肅諸君子不能奏奠安宗社之勳也我孝廟青宮時篤于學問及紹大統十八年克舜之治又皆自覃吉培養之功來也我武皇在宥逆瑾不臣若非張泳從中併力密奏祛除大憝能如摧朽易乎我神廟之御極三十一載妖書獄興九重震怒懸重賞以購作書之人廣緝捕以滋告密之竇凡書內有名者恐有後患各猜生平素讎隙之人而欲甘心書內無名者又自懷疑懼恐被怨家誣害身危家滅幸當時先監矩掌東廠委曲調救中外始安使從來內臣若無雲金先

敦復齋藏書

監之儔則逆賢之毒必稔高里之經必興歸德江夏諸君寧免裴語之中乎嗚呼危哉累臣曾記王振擅政欲害薛文清其厨下老奴知之痛哭不已振聞之謀遂中止累臣自辛亥冬為常太監雲註誤墩鎖至光廟登極始釋陞司禮監寫字奉御先帝登極即侍高太監諱明時者後陞監承天啓元年冬自司禮監被魏賢退于御馬監仍隨高公居住于西直門街私宅日侍左右高公纂緝養生之書白一化元宗者累臣曾劾抄謄讐對之力三年始成即被李永貞自高公宅內喚令答應不敢不應承趨赴不謂永貞自登樞要頓忘布衣設法羈防



使人進退不得氣鬱痰火不食八九日瀕死者數次然寸心實不減王家老奴也四年夏逆賢欲杖陳君恭幸王體乾素感先監舊恩向逆賢救免其年冬南樂魏相公密與逆賢一稿賢付永貞著騰奏施行其中有元亮已放四字累臣問曰此元亮指誰永貞曰你快寫罷如今御前立等要奏理累臣嘆曰人臣已去為甚麼還派他這樣名色永貞曰得你劉大殿內替老趙解解一日因臺臣劉微張汝懋之疏欲逮房可壯樊尚燦游士任等適先帝禍患憎逆賢各僅得幸免一日少卿韓繼思告病永貞因同志錄上其名有三圍崔呈秀所欲害者

敦復齋藏書

又韓一之獄呈秀欲借僕害主如吳養春吳懷賢故事逆賢亦有成心而體乾永貞等且倡心言世廟夏桂州故事幸韓三至死不肯妄招許顯純亦未敢代砌捏奏此寔天啟末年詔獄招詞僅見之二公道事也凡各項章疏及內閣票本所擬聖諭誥命勅稿各秉筆公公例應詳看然勅諭誥命稿多忽畧不肯細看累臣在永貞直房有經管責任偶值滿桂陞總兵內閣撰進勅稿付永貞看至爾可與樞輔計議而行是時孫閣部承宗撤回已久見任總督則王公之臣巡撫則喻公安性今尚曰樞輔實屬錯誤如不奏請改正開讀之際寧不令人

暗笑乎永貞深以為是次早同衆奏請御筆將樞輔二字改督撫二字此稿珍藏內閣可核也今上登極之日體乾總辦禮儀文書房有進封妃周娘娘為皇后紅掩面文書一本諛永貞寫傳紅纍臣侍永貞謄寫完問曰此文書是那項辦理的永貞曰印公公曰既已奏過今即奏覽發行乎永貞曰然纍臣曰畧早些了如今萬歲爺還有本生聖母賢妃劉老娘娘墳見在西山尚未傳諭徽號遷祔今中宮娘娘先行進封恐非次第永貞曰有所考據否纍臣曰有隨將皇明詔制書內所載穆廟以裕籓入繼所行次第某日登極某日傳諭聖母徽號

敦復齋藏書

遷祔某日傳諭進封皇后呈永貞永貞即將前書袖至御前擬以告體乾轉奏今上萬歲爺次第舉行次日早體乾笑問之知為纍臣簡甚啣之所以忝若愚者曰胸藏舊蹟目無成法也寃哉永貞雖死涂文輔等尚存者可面質此事也萬歲爺聖孝性成將順其美亦臣子分內事強如逆賢佐助日在御前替人報復播無窮惡也七年九月永貞辭任後纍臣遂于德勝門裏先監會館居住十一月十七日永貞逃回後至十二月楊維垣捏叅之疏上矣十四日于司禮監傳奉聖旨御馬監外廠太監劉若愚着降做淨軍發去南京孝陵衛種菜還寫

帖子去談衙門知道欽此時霍維華疏內亦叅及若愚  
上疏即所奉之旨皆云劉若愚已降發淨軍了十六日  
南行崇禎元年正月初十日交孝陵西園收管三月內  
又被山西道劉御史重慶捏叅提解赴北五月初一日  
逮入刑部獄二十五日禮垣陳君贊化疏請着九卿科  
道廷鞠如朝審例奉聖旨所奏鞠審李永貞等委宜分  
別隔訊務得真情云云至六月二十日中府會審乃不  
容分訴各夾打一頓李永貞劉若愚李實俱引凡姦邪  
進讒言左使殺人者斬之律仍于斬字上添一皆字俱  
決不待時志在滅活口何嘗分別隔訊得真情哉二十

敦復齋藏書

三日具題二十七日平臺召對原會大臣王太宰永光  
等欽奉玉音李寔一案有冤枉無冤枉五虎五彪如何  
不問決不待時空印本是李永貞填的劉若愚次一等  
李實又次一等云云至七月初二日會審之疏奉有這  
本內犯人情罪不同還着該部從公另擬之旨初四日  
又召對將李實原叅周起元印信本付閣臣細看果是  
墨迹蓋殊十三日刑部具題十六日奉聖旨是李永貞  
即會官處決劉若愚秋後處決李寔充淨軍送司禮監  
發落孫升依擬欽此累臣罪案其實不曾訊明其實無  
証據也本年九月朝審遍遞訴揭云真正姦黨巧卸欺

天被退小臣無辜喫累以力攻楊霍時邢垣曹君師稷  
疏請詳鞠奉聖旨劉若愚已有成案不必再訊談部知  
道欽此時首輔李公標北直人梓里情面不得不為按  
也逆賢欲貴顯其名下將在前碍路之人殺者殺  
退者退累臣所以被斥于御馬監又被王體乾退于外  
廠寔係摧折之人當時最為耆貴重臣無踰體乾者親  
信掌家無踰王朝用者今乃刑放于富可謂有天日乎  
涂文輔司御前文翰總兩部事權才名不在永貞下罪  
止孽逆軍犯近復蒙恩改為民真正是逆賢支派輕者  
益得輕也且楊左諸公及七君子之死自有造謀主使

敦復齋藏書

加功入告之人而李實空印本又的非若愚填寫乃懸  
坐曰左使不亦冤乎會審時少司寇閩中丁公啟濬山  
西司郎中江右徐公士俊首座則太宰長垣王公永光  
王與楊霍又最厚者夫既成心故入即祖律條之內不  
難增一緊關字眼則招之湊砌與海市蜃樓何異至部  
覆第二疏仍用前律可謂次一等乎次者次于死也仍  
以死殺死可謂從公另擬乎按名例律云二死三流各  
司為一減項用此律者不一何獨若愚明奉玉音次一  
等明明本條無昏字而獨不用此律何即累臣于逆賢  
之側絕無站處于永貞又久遭猜妬既不敢出宮門何

由而知外事又不曾到先帝御前做官從來恩蔭總未  
及若愚弟姪工部錦衣衛之文案可歷歷核也內臣便  
覽亦未刻若愚姓名而楊左諸孤疏揭血寫奏章及李  
實孫升疏揭又何曾有一字及指若愚姓名三年秋審  
蒙註有詞五年秋審之後特奉聖旨云法官不肯盡心  
詳覈主筆者又循套塞責殊非肅國法重民命之意主我又  
云種種情節及招冊中事相類而論不能盡載者通着  
三法司另審另擬俱要明妥具奏云云欽此若愚冤苦  
異常具狀申訴蒙將姓名列改教內六年七年屢改未  
允已不入朝審招冊亦不隨上街凡屢次奉駁之旨亦

敦復齋藏書

不曾詰責堂司奈七年秋為缺太宰召對時少宰張公  
捷荐李純如致滿朝鼎沸八年春鳳陽祖陵遭流寇之  
變將有恩詔傳布而楊與霍等或有冷灰思燃之念彼  
臺省抨彈時有大司寇馮公英北直人也甚懼至五月  
內遂將若愚改從而加功者絞之律覆結將名律例二  
死三流同為一減之條復草而不用自若愚始明借若  
愚性命以息臺省之口暗以傷楊霍等耳則是答應永  
貞之人重而仍改于重也九年夏值五年大審之期其  
冬有總憲唐公世濟荐霍維華邊材上震怒將唐革職  
下獄提問十年夏恩審司禮曹太監化淳雖兩奉簡命

到大理寺清理寃滯亦不敢遽為若愚昭雪也十四年春奉特諭大赦中外命內閣首員范公伏粹于三月初九日起十二日止到大理寺會審蒙註若愚有詞衆耳衆目無不通曉至四月十四日覆奏有詞旨下乃不與有詞二十四人數內豈另俟機會即抑有所阻礙而沉閣耶不可知已有鬼爰爰雉羅于羅戴盆何時得見青天耶累臣平素苛謹絕無城府往上看是青天往下思下地獄明有皇法幽有鬼神身處幽囚顛險之地此一點天理良心必不肯昧惟念內廷之猜妬者多在外之說夢者衆如江南所刻清明聖政頌天臚筆斥奸等書

敦復齋藏書

不一而足蓋信耳者膠執成心原心者百無一二即累臣一介之書生死生所關幾何顧我神廟之聖慈光廟之聖孝先帝之聖度凡為臣子者或無由曉在當時或膠一己之見隨聲附和若載數十年後彼道路不根之口又將何所底止若愚世受國恩深為此懼故于席藁苟活之際以樞樛代硯以血淚和墨謹將憂危竝議以來及先帝甲乙丙丁四年之內耳目所及最真最確者直吐肺腸不加粧飾心無乞米之嫌傍無執燭之鑿我朝太廟之靈寶式臨之期沒者不吝恨于筆端存者不漏網于清議後有弔古者自笑彼葛藤非直撫此編而太

息矣若愚之報楚籍者昔在南京聞旨被逮時即具書與兄茂芳云必不可言與兄同母亦不可露先人之仇終未能報之意心良苦矣果真襄陽縣人也耶無亦異夢異少驗耳累臣始祖名大海南直定縣人元至正甲午隨繆大亨起義團澗山凡三千人我太祖收伏之以從軍勞陞延慶左衛正千戶大海之子觀隨成祖靖難南征大戰白溝河陣亡陞指揮僉事世叨傳襲至第八世則先將軍應祺也生嘉靖庚申于萬曆丙戌中武舉為盛公訥趙公用賢門生推宣鎮西城守備歷陞都司遊擊叅將至京營左副將署都督僉事癸卯冬推遼陽

敦復齋藏書

協鎮副總兵先將軍素為寧遠伯李成梁所忌至棄地一節又具呈諫阻益逢毒怒千方圖畫延至乙巳夏告病八月十一日卒于正寢年四十有六先將軍指世之冬遼東果招徠流民地果棄矣見遼左棄地語中嗟乎累臣于遼東李氏有不共戴天之仇當貴池丁相公等于先帝講筵袖出遼東傳害熊經畧時累臣如能左使殺人何不將楊鎬李如楨同熊並處藉封疆為名雪先臣恨不亦正乎又如楨在獄于天啓五年冬曾失火僅將如楨懲責當時累臣何不求如楨加功置如楨死地乎總之暗裏害人之事必非遭斥逐猜防不同心之人

所能辨者世未有殺父之仇不能報而乃殺沒相干之人有是理乎此最顯而易見者也先將軍故長男茂芳襲職歷陞昌平叅將崇禎元年夏刑科杜君齊芳叅茂芳草職二年虜薄都城茂芳協防居庸關七年秋虜犯山西大同宣鎮東路時永寧叅將張國威率茂芳守城虜不敢犯九年夏茂芳蒙山陵提督王太監希忠牌取赴昌鎮聽候委用夏杪秋初虜猝自柳溝由皇陵深入昌師巢丕昌叛昌平城陷茂芳及王太監同死于昌平身膏原野門祚無嗣又可痛哭也先將軍一生清苦叨祀賢鄉有子二人所遭如此豈非天即視天夢夢我

敦復齋藏書

辰安在累臣與兄茂芳同母胡氏嘉靖庚申生初產若愚時夢一老僧云是襄陽人來借房住故若愚匍匐時即愛書用喜敝垢衣母胡倚閤十載加以悲痛茂芳之死遂于十年六月內去世享壽七十八嗚呼痛哉累臣不孝不弟之罪其通于天乎通于天乎

累臣自叙節畧第二十三





國家圖書館, NATIONAL CENTRAL LIBRARY, TAIWAN, R.O.C.



敦復齋藏書